

PROCEEDINGS OF THE 3RD MIZORAM LEGISLATIVE ASSEMBLY SESSION  
HELD AT THE ASSEMBLY HALL FROM 17TH AUGUST, 1979 TO 24TH  
AUGUST, 1979.

4TH SITTING ON 22nd AUGUST, 1979 AT 10:30 A.M.

Pu C. Chawngkunga, Deputy Speaker at the Chair, Chief Minister  
four Ministers and 23 Members were present.

BUSINESS

1. QUESTIONS entered in separate list to be asked and answers  
given.

2. LAYING OF PAPERS:

Pu F. Malsawma, Minister in-charge Education etc. to lay  
the following papers on the Table -

- (i) Bye-Law of the Super Market Ltd., Mizawl.
- (ii) Bye-Law of Mizoram Apex Marketing Co-operative Society Ltd.
- (iii) Bye-Law of the Mizoram State Co-operative Union.
- (iv) Bye-Law of Wholesale Co-operative Stores Ltd.
- (v) Bye-Law of the Mizoram Co-operative Apex Bank Ltd.
- (vi) The Mizoram Co-operative Department (Group 'B' Posts)  
Recruitment Rules, 1973.

3. DISCUSSION AND VOTING ON DEMANDS FOR GRANTS FOR 1979-80

- (i) Pu Lalhmingthanga, Minister in-charge Finance etc. to  
move Demands Nos. 6, 10, 15, 18, 21, 22, 38, 39 and 41.
- (ii) Pu P. B. Rosanga, Minister in-charge Agriculture to move  
Demands Nos. 20, 29, 30, 31, 33, 34, 35 and 36.
- (iii) Pu F. Malsawma, Minister in-charge Education etc. to move  
Demands Nos. 19, 28 and 37.

4. INTRODUCTION, CONSIDERATION AND PASSING OF GOVERNMENT BILL.

Pu Lalhmingthanga, Minister in-charge Finance to move -

- (i) (a) that leave be granted to introduce the  
"Appropriation (No. 2) Bill, 1979" to regularise  
excess expenditure incurred during 1973-74  
Also  
(b) to introduce the Bill.
- (ii) (a) that leave be granted to introduce the  
"Appropriation (No. 3) Bill, 1979"  
Also  
(b) to introduce the Bill  
(c) that the Bill be taken into consideration  
(d) that the Bill be passed.

DEPUTY SPEAKER : "Pathian chu kan inhumhimna leh kan chakna,  
mangan laia tanpui vartu hnai reng a ni.  
Chuvangin leilung hi lo danglamin tlangte hi tuifinriat chhung  
daich insawn mah sela kan hlau lovang."

Tunah kan business ah kan kal anga. Zawhna leh chhanna  
hun. A hmasa berin Pu Rammawi zawhna.

PU H. RAMMAWI : Pu Deputy Speaker, ka zawhna No.17 (a) leh (b):-

- (a) "Is it a fact that the Government have failed to supply rice in the interior places; and  
(b) If so, what are the reasons for not supplying rice to the interior places?"

DEPUTY SPEAKER: Minister in-charge in han chhang sela.

PU ZAIREMTHANGA: Pu Deputy Speaker, zawhna (a)-ah hian  
MINISTER. interior place ah sorkar in buhfai thiar hi a ti thei lo em ni? tih a ni a. Tin, (b)-ah chuan thei lo anih chuan engnge a chhan? tih a ni a. Hemi thu hi kan sawi kan sawi a. Session hmasa atang khan kan sawi sawh sawh reng a. Hetia zawhna a lokal leh takah chuan Chiang deuh hlek a sawi a thain ka ring a. Sorkar hian thingtlang khawrila buhfai supply hi a fail a ni lova, amaherawhchu harsatna tam tak a tawk a, eng emaw chen chu tih a nei a. Duhtusam erawh chuan tih theih lohna a awm a. Kan sawi tawh thin angin kumin February thla atang khan Rail hnathawktu ten harsatna an neih avangin buhfai kan nei tha thei lova. Thal chung hun tha zawngah khan kan ramah hian buhfai chhek tur a awm lo ani. Silchar ah a lo thleng tha thei lova, amaherawhchu sorkar kan din veleh khan hei hi hna hmasa-bera ngatin kan Chief Minister pawh Delhi ah kalin Central sorkar hotute, Railway hotute nena indawrin theihtawp a suk chhuah a, chuta tang chuan June thla vel atang kha chuan rail wagon kha a lo thleng tha ta viau a, kan thiar khawp chu a lo thleng ta a ni. Min pek tur zat ang min pe thei lo mahse kan vehicle ten an phurh khawp chu Silchar ah khan a lo thleng ta zel a, phur tur nei lovin kan awm ta lo a ni. Amaherawhchu min pek tur zat ang chu min la pe thei lo fova, chu chu kan dinmun chho chu a ni a. Tichuan Silchar a buhfai a awm hnu kha chuan hetah an rawn phur chova, chuta tang chuan kan han thiar ta a. Chu chu June thla ruahitui tlak hun kha a ni tawh a. Amaherawhchu kumin chung khan thal khua a rei a, engemaw zawngah chuan chhiatna ni mahse buhfai supply thua chuan kum dang atin kan ti rei thei ta a. Hun a lokal zel a, buhfai chu thingtlang ah kan chhek lut tha ta viau a. Amaherawhchu kan hriat theuh angin Saitual inkah buaina khan hei hi a rawn tibuai ta a ni. Kan thiar that theih chung kha chuan thingtlang hmun hrang hrangah pawh harsatna kan tawk lem lo nin kan hria a. Saitual inkah buai atang khan erawh chu kan harsa tan ta a. Silchar atangin supply kan la chhuak tha thei ta lova. Duh tawka lo inchhek ngah hman anih bawk si loh avangin hapta khat supply line an chawlh chuan hmun tam tak ah harsatna tawk thei mai dinmunah kan ding ta kha a ni a.

Khatieng harsatna kha kan tawk chho ta a. Theihtawp chhuahin kan sorkar pawhin tan a la a, mipui pawhin tan kan la tawk theh nin a lang a. Motor neitute leh Driver te pawhin tlawngai takin hna an thawk a, harsa tak chungin buhfai line chu kan han tikal leh hram hram a. Amaherawhchu hmanni a Bilkhawthlir bula buaina a awm atang khan a sukuk leh ta a, ni 10 chung zet supply line a chawl leh ta a. Chutah chuan Mizawl khaw chungah te ngei pawh kan buhfai dinmun chu a tha vak lo ta kan ti a. Amaherawhchu tunch hian Silchar atanga kan lak chuhna chu a lokal leh tan ta a, nimirah khan buhfai phur truck 10 nizan khan lo thleng nia hriat a ni a, vawin hian 25 lo thleng leh tura beisei a ni a, chutieng chuan kan tikal tan leh ta a. Hemi chungchang ah hian Driver te pawh hlauthawng tak chungin tlawngaih chhuahin an kal a, an fakawm hle a ni.

.....(3)

Dukthusamin rilru la thlamuang lo mah-se theihtawp chhuahin tan an la a, sorkar pawhin tan a la zel a. Chutiang kawngah chuan he House a H.L.A. mawhphurhna sang tak neia mipui tam tak aiawh a awmte pawh hian theihtawp chhuaha tan kan lak tlan a, sorkar kan tanpui a tul tak meuh a ni. Chu chu a tlangpui chu a ni.

DEPUTY SPEAKER: Zawhna 2-na hi zawt ngahal teh a.

PU H. RAMMAWI: Pu Deputy Speaker, ka zawhna 17-na bawk kha kan zawh belh leh lawk ang a. Kumin hi chuan buaina namen lo kan tawh avangin buhfai hi a harsa tih hi Mizoram mipuiin an hai lo ang a. Maherawhchu nikuma Ministry din tirh ah khan June thlahh Ministry a ding a. Tanchuan buhfai a awm miah lo a ni. Thingtlang ah hmun hla tak takah buhfai thawn a tul si, hmun hla chu sawi loh. Sizawl ah pawh buhfai a harsa a. Chung chu kan sorkar hian a hre reng a, a buai ber chu sorkar a ni mai a. Kumin ah pawh hian Election campaign lai khan thuthang hmun thenkhat-ah chuanin April thla pawh khan buhfai thawn a la ni lo reng reng a. Ruahtui tlaka kawng chhiat veleh a thawn a tum ta em ni sorkar hian, ka ti a. Mahse harsatna an nei a ni mai thei a. Englekhawle, kuminah chuan harsatna kan tawka, kan tawka na tawh a ni mai a. Tunah hian sorkarin theihtawpa tan lain thawn chhuah tum zel se tha ka ti a. Tum bawk a, mahse 1980 ah hian eng angin nge sorkarin buhfai move a tum leh dawn. Heng tuna kan harsatna hi hriain kum lehah chuan favang atangin buhfai hi thal chhung ngeia a thlenna tur leh supply Centre tina an mamawh zat thawn chhuah anih theihna turin favang chhung ngei hian sorkarin buhfai thawn chhuah dan kawng hi dap sela Christmas hma ngei hian thil tihfel zo vek sela, February thla hma thal chhung ngei hian a thlenna turah thleng thei sela tih hi ka duk a, chung chu sorkarin tih a tum chhin ang em?

PU ZAIREMTANGA,  
MINISTER :

Pu Deputy Speaker, ka sawi tawh ang khan Ministry kha May ni 8-ah lakluh a ni a. Khami chhung zawng, thal chhung hun tha zawng khan rail ah a lo thleng tha thei lova. President Rule sorkar pawh khan buhfai lo thleng tha se chu theihtawp chhuah a thingtlanga thawn chhuah a tum a. Lo thleng tha sela chuan a thawn chhuak ngei ngei ang. Maherawhchu kan control phak loh ah harsatna awm avangin thal chhungin duh angin kan thawn chhuak tha lo a ni mai a. Tichuan thal chhung lo awm leh turah chuan theihtawp chhuaha tih kan tum ngei ang tih chu sawi theih niin ka hria.

DEPUTY SPEAKER : A tha thawkhat viau e.

\*PU J.H. ROTHUAMA : Pu Deputy Speaker, zawh belhna - kumin thal chhung khan hmun kilkhawr mite hnenah 4.0. ten demand an lo pek zawh kha thal chhungin buhfai thlen sak an ni ta lova. Chung thlen sak an nih tak loh avang chuan fur lo tla hnuah tam takin harsatna an lo tawka ta a. Tunah hian tam takin head-load in an la mek a, chung khuate chu nikum lama tih tawh ang khan kumin hian a buhfai lak phalsak an ni tawh em? Phalsak ni lo ta se 4.0. sale proceed atangin khang an head load phurhna pawisa kha pek an ni em? tih ka han zawt belh duk a ni.

PU ZAIREMTANGA,  
MINISTER :

Pu Deputy Speaker, head load phalsak te hnenah hian a phurh man pawh pek phalsak a ni a. Phurh man tello chuan head load ngawt theih a ni lova. Head load phalsakte chu phurh man pawh phalsak an ni e.

\* Speech not corrected.

\*PU J.H. ROTHUAM : Pu Deputy Speaker, kan Minister zahawm tak chhanna kha a fiah lo deuh hlekin ka hria a. Head load a lak phalna order an hmuh chuan a dan pangngai ang chuan A.O. ten bill an siam a, chu chu Supply Office ah an thehlut a, chu chuan thla hnih thla thum, thla ruk laite a duk thin . Zaherawhchu A.O. te Sale proceed atanga pe phalbak an nih chuan chawp leh chilhin khang harsatna nei head load a la te ei tur nei lo leh E.G.S. a inhlawhna nei lo te khan buhfai leina an nei nghal thei a, chu chu kumin hian tih leh tumna a awm em tih hi ka zawh chu a ni.

PU ZAIREMPHANGA,

MINISTER : Pu Deputy Speaker, kha kha chu ngaihtuch mek a ni e.

PU H. RAMMAWI : Pu Deputy Speaker, ka zawhna 18-na (a) leh (b)

(a) "Is it a fact that the Government are intending to start regular Bus service between Mizawl and Shillong, and

(b) If not, why not?"

DEPUTY SPEAKER : Minister in-charge in chhang sela.

PU ZAIREMPHANGA,

MINISTER : Pu Deputy Speaker, a zawhna chu - Sorkar hian Mizawl leh Shillong inkarah Bus service regular taka tih a tum em tih a ni a. (b)-na ah chuan tum lo ni se engnge a chhan tih a ni a. Bus service hi Mizawl leh Shillong inkarah hian regular taka tih a ni lova. Regular taka tih tum leh tum loh engmah sawi tur a la awm chiah bawk lova. Tuna kan neih hi temporary basis, harsatna kan ramin a tawh tak avanga a bika kan tih lailawk mai a ni a. Tum anih loh chuan engge a chhan tih kha, helai keini lo mal tum ngawt pawh a tih theih bik lo va. Meghalaya sorkar leh Assam sorkar nen, sorkar pathum indawrna atanga tih tum chi a ni a. Chuvangin kan ram harsatna hi kiam in, tun hma ang kha nise chuan direct service hi a tul em em hran lem lova. Chuvangin Shillong bus service hi tul reng turah kan lo beisei lova, chuvangin regular taka tih tumnachu a awm rih lo a ni e.

DEPUTY SPEAKER: Zawhna 19-na ah kan kcal ang a, Pu H. Rammawi zawhna.

PU H. RAMMAWI : Pu Deputy Speaker, ka zawhna 19-na

(a)-na leh (b)-na -

(a) "Is it the policy of the Government to re-introduce Identity Card in Mizoram?  
and

(b) If so, the reasons thereof?"

DEPUTY SPEAKER: Minister in-charge kan sawm ang.

BRIG. THENPHUNGA SAILO,

CHIEF MINISTER :

Pu Deputy Speaker, zawhna 19-na kha, Mizoram sorkar hian Identity Card introduce leh hi a policy a ni em tiin a sawt a. Chhanna chu ni lo tih a ni. Tin, (b)-na ah khan anih chuan engnge a chhan, a ti a, chumi chhanna chu a ngai lo.

DEPUTY SPEAKER: Zawh belhna a awm em?

PU H. RAMMAI: Pu Deputy Speaker, zawh belhna. Mizoram sorkar hian Identity Card hi tih thar leh a tum lova, mahse thingtlang hmun tam tak, Lunglei leh Lwngtlai inkar, Lunglei leh Aizawl inkarah te hian Security post tam takah hian Identity Card an deman kher thin a. Seling-ah te hi chuan mi an dil mi h tawh lova, mahse hmun dangah chuan kawng lai laiah mi an ti ding a, Identity Card min dil zel mai a. Hei hi kan tum tawh lo rau rau anih chuan Security Force te hi sorkar hian a rang lamin a hrih theih lawm ni? heng thil hi ti tawh lo turin.

BRIG. THENPHUNGA SAILO,

CHIEF MINISTER : Pu Deputy Speaker, kan ti zel ang a. Tin, mi dang pawhin en tir lo ula a ni mai a.

PU J. THANKUNGA : Pu Deputy Speaker, hei Silchar tlangdung-ah te pawh truck driver te pawh Identity Card an la demand reng a. Nimin a lo thlengte pawh Bilkhawthlir-ah te Thingdawl-ah te pawh nasa takin an dil a. Hei hi kan sorkar hian a hriatpui reng em? Hetianga Driver te harsatna motor khalh reng chung a an driving licence nei h rengte pawh, engvanga security force hian identity card dil zel nge an nih?

BRIG. THENPHUNGA SAILO,

CHIEF MINISTER : Pu Deputy Speaker, hetiang hi a tirah kha chuan an rawn sawi thin a, amaherawhchu sorkar atangin an G.O.C. te hnenah kan han hrih ve ziah thin a. Mahse heng hi a kal tak lo pawh a ni mai thei a. Tin, Sipai hian an tih loh tur tam tak hi an la ti fo reng a, chutiang zinga pakhat chu a ni mai thei a. Tin, hmun thenkhatah report kan hmuhna ah chuan kal sung sung an duh avang khanin identity card lo kawh te khan an encir thin a. Kha kha an sawng-chhanga, chuvangin a la duh rei deuh hlek ni main ka hria a, kan bei zel ang a, an la titawp chuan ka ring. Hmun tam takah chuan a lo hre Chiang tawh chuan an ti lo niin a lang a. Kan vaim kan tang tlang ang a, identity card an tih pawhin tumah hian entir lo sela, entir lo ngam bawk sela. Thenkhat chuan a awlsam e, tih vang khan an entir sung sung a, an kal leh mai a, a nei lo kha an buai ta viau reng a ni. Sorkar atang chuan identity card hi tih leh tumna kan nei hauh lova, kan ti dawn bawk hek lova. Ziak ngein Chief Secretary hian Army hotu ber hnenah a pe tawh a. Amaherawhchu a chhan tam tak a awm a ni ang, a la kal tlang chak lo mai niin a lang. A pawimawh chu tlema lekhha thiam vengva deuh hlek leh sorkar hnathawkte tun hma a identity card neite khan an kawh tha viau a, rang takin an entir mai a, kha kha sipai tam tak an rawn kal belh thei, khatiang hre lo kha an awm a, tih turah an ngai a, an lo ti leh bawk thin a. Tin, khawi laiah emaw chuan lo la hre lo ve hrim hrim te pawh an awm a ni. Chiang deuhvin rawn report ula. A tlangpua "An la ti fo" tih ringawt kha chu tih ngahna a awm bik lo a ni. Sipai hotu hnenah han sawi ila, "Aw, aw, aw, thu ka pe tawh a lawm," a ti ve mai a. Hemi tihtawp dan tur tha tak chu hetiang lo demand tu chiah hi an unit hming leh an mahni hming thleng khan rawn chhinchhiah ulangin, rawn report ulangin, chuta tang chuan explanation kan call ang a, tichuan a nep thei deuhvin ka ring. Hun a duh rei deuh a ni mai thei, a chhan chu tun hma kan lo tih tawh avangin kan sawng chhang deuh theuh a, Mizo zingah ngei pawh sawngchhang tam tak kan awm a ni.

.....(6)

Report pawh ka hmu tawh thin a ni. Tunah pawh hei, nichin a zawttu zawh ang chiah khan Seling ah te chuan a nep tawh khawp mai a ti reng a. Mahse ram ril deuhah chuan an la ti a. Sipai hi chi hrang hrang an tam mai a, Mizoram ah hian sing aia tam an awm a, mi hriat a har deuh a ni mai thei c, engpawhnise a policy hrim hrim chu ka sawi tawh ang khan he sorkar hian identity card hi introduce a tum reng reng lo a, a policy pawh a ni hek lova, a tum lova, a ti dawn bawh hek lo. Zickin kan pe vek tawh. Kan Chief Secretary ngei hian hman deuhah tawh khan G.O.C. address in a pe tawh a ni.

PU L.PIANDENGA : Pu Deputy Speaker, Identity Card hi tumon ken tawh loh tur tih lam ang hawia sorkar in order chhuah a tha mai lo maw?

BRIG.THENPHUNGA SAILO,

CHIEF MINISTER: Pu Deputy Speaker, that pawh a tha mai thei a. Vawi khat chu Press release kan siamin ka hria a. Mahse hengte pawh hi kan chhian ngun tawh lo a ni mai thei a ni. Khami kan siam chung pawh khan mi tam takin an la rawn sawi fo va. Chanchinbu ziktu thenkhat, kha press release chhian ngei awma ngaihte pawh khan identity card kan la hmang reng a, tihte an la ziak a. Identity Card hman hi kan chok vicu ni pawhin a lang a ni. Engpawhnise press release kan siam leh ang a, kan chhian that duh chuan a tha ang a, kan duh loh erawh chuanin a sawt vak chuang lovang.

DEPUTY SPEAKER: Chief Minister in Press Release siam turin assurance a pe bawh a, a tawh mai lawm ni? sawhna dangah kan kal ang. Zawhna 20-na Pu P.Lalupa zawhna.

\*PU P.LALUPA : Pu Deputy Speaker, ka zawhna No.20-na (a), (b), (c) leh (d):-

- (a) "Whether it is a fact that the proposed paper Mill at Hortoki has been shifted to Cachar District of Assam State;
- (b) If so, the reason thereof.
- (c) Whether the Minister will take immediate steps to see that, the said Mill to set up at Hortoki as proposed by Central Government; and
- (d) If the Paper Mill is set up at Cachar District of Assam State, whether the raw-materials for the project will be supplied from Mizoram?"

DEPUTY SPEAKER : Minister-in-charge kan sawm ang.

PU F.MALSAWMA,

MINISTER : Pu Deputy Speaker, zawhna (a), (b), (c), (d) chu hetiang hi a ni. Paper Mill Hortoki a awm tura tih chu Assam State Cachar District a sawn a ni em? tih a ni a. Chuti nise enguang nge? Central sorkar in Hortoki a awm tura a tih ang hian Minister in tan a la nghal dawn em? tih a ni a. Cachar District a Paper Mill din a nih chuan Mizoram atangin thil tul mau te chu project atan chuan thawn a ni ang em? tih a ni. A chhanna chu Paper Mill Hortoki a din tumna a awm lo. Bairabi ah erawh chuan rawtna a awm. He rawtna thutawp siam turin Government of India hnenah thawn thlak a ni a, a la awm reng.

.....(7)

\* Speech not recorded

Tin, (b)-na ah Chuti nise eng vangnge? tih kha, chutiang thil a awm lo. Tin, (c)-na chu Central sorkar ah he Mill Hortoki a awm tura a rawt ang hian Minister in tan a la nghal dawn em? tih hi sawi tawh angin Hortoki ah rawtna a awm lo. Paper Mill Mizorama din tum thua erawh chuan Government of India remtihna theihtawpa ngem mek a ni. Cachar District a Paper Mill din a nih chuan Mizoram atangin thil tul, mau te chu thawn a ni ang em tih chu Bairabi a he Mill mamawh ang phuhruk \*ek ~~me~~ hnua mau la awm zata zir a ni ang chu.

DEPUTY SPEAKER: Zawh belhna a awm em?

\*PU P.LALUPA: Pu Deputy Speaker, kha kha han sawi dik lawk ka duh a. Hortoki tih kha ka lo hriat sual a ni a, mahsela tlawng dung tho a ni a. Mizoram chung huapin ka zawt a, a tha thoah ngai phawt ila, nimirah pawh khan Bethlehem ah pawh khan thil tha a chhuak tho a. Heta kan zawh belh duh chu raw material thu hi a ni. Bairabi ah chutianga proposal awm mek leh Central atanga phalna nawr mek anih chuan leh hlawhtling ngei tura kan ngaih chuan tun atang hian kan raw material te hi lo khek deuh a tha lawm ni tih kan rawt belh duh a ni.

PU F.MALSAWMA,

MINISTER:

Pu Deputy Speaker, kan member zahawm tak zawhna kha Hortoki leh Bairabi hi Bethlehem leh Nazareth inhlal lo ang deuh hlek khan a ngaih pawh niin a rinawm a, a tha viau zel e. Hemi a raw material ngai hi tunah rih chuan Mizoram ah hian humhalh that teh chiam ngai hranpa lovin hemiin a mamawh tur zat let hi a awm thei tih a. Chuti chungin tuna Mill thenkhatin mau min rawn dil chu phalsak an ni lo va. Keini department in kan hriatpui chinch chuan. Tin, hei hi member te hriat atan thain ka hria a. Hikuma P.C. Ministry han din chiah khan chu lo inhnutchhiah danch chuan hemi thu tichiang tur hian Government of India in hun engemaw ti chhung a duh dawn a, chuvangin hemi chapter hi close ni rih rawhse. tiin an lo dah tawh a. Chu chu vawi engemaw zat Government of India ah Industry Ministry hnenah thlen a ni a. Chu bakah chuan Janata sorkar chhiat hma lawk khan Prime Minister hnenah leh Deputy Prime Minister chu hmuh a ni bawh a. Tin, Industry Minister hnen atangin Planning Commission a min thlen sak thu leh Planning Commission-in a beih mek thu dawn a ni bawh. Tunah hian Prime Minister te, Deputy Prime Minister te hnen atanga lehkha kan hmuh leh tak avang hian tunah hian Government of India hnenah a awm a, nasa taka ngaihtuah mek a ni a, Planning Commission-in a exam mek a ni tih hi kan hriat belh atan kan sawi duh nghal a ni.

\*PU JOE NGURDAWLA: Pu Deputy Speaker, Bairabi Paper Mill din chungchang thu hi hun rei tak kan sawi dur dup a, engchin chiah hi nge feasibility report te tih a nih tihte ka zawt duh a. Eng ang report chiah nge ni tunah hian kan neih tawh a, chutiang report chu India sorkarin alo thlir turin a tha tawh em? Engang chiah nge ni expert ten an rawn thlir a, an report thin?

PU F. MALSANNA,

MINISTER : Pu Deputy Speaker, Measure Development Consultant Private Ltd. Calcutta-in an rawn enfel tawh a. Chumi an enfel hnua chuan thiltih theih a ni a, a hlawk tur thu te, a tangkai tur thu te nen kamchang takin an theh lut tawh a, kum 1976 June ni 17 ah khan theh luh a ni. Tichuan Government of India chu a ngawi vang vang a, kum 1977 khan chumi chungchang thuah chuan hun engemaw a duh thu nichina ka han sawi tak, an leh kha kha Mizoram ah an rawn thawn a. Chu chu kan hmuh tawh a ni ta rih a. A feasibility report chungchangah chuan hetiangte hian an ziak tel a - 'the propose Mill is designed to produce 32 thousand ton per year each of writing, printing and craft paper and as such production could easily/obsorbed to meet huge to short call' tih te thlengin ziah a ni a. Tin, hei hi theih ni selang chuan mi singkhat chuangin hna an thawh theih tur thlengin tarlan a ni. Heng chipchiar tak hi Government of India hnenah thlen a ni a. Heng lamah hi chuan harsatna awm lo niin alang.

\*Pu SAINGHAKA : Pu Deputy Speaker, Bairabi Paper Mill chungchangah a feasibility report thu chu khatiang khan a awm a ni tih kan hria a. Mahse khawimaw lai ti ti-ah hemi paper mill siam tur hian Paper Mill neitu te leh, entirnan - Birla tih ang te, khungho khuan competition a min huphurh avangin a Technician ho kha thamin, a ram leilungah hian a khawl a din theih loh vang tih sawngin sawina a awm a. Chu chu kan sorkar hian a hria em? A hriat chuan chu lai thu chu eng anga thui nge an umzui ve?

PU F. MALSANNA,

MINISTER : Pu Deputy Speaker, Government-in chung chu hriatna a nei lo.

\*PU J.H. ROBUAMA : Pu Deputy Speaker, sawh belhna. Kan Minister sawm takin a rawn chhanna atang khan Zoramah Paper Mill kan la din theih ngei a beiseiawm hle a. Amaherawhchu hemi khawl hi bun lo ni dawn ta sela, chumi atana lo in ruahman lawkna atan Mizo fate leh kha thiamna hrang hrang a, lo enkawltu tur thiamna pawimawh hrang hrangte atan khan buatsaih lawk kan nei tawh em? Zir laite khawi lai laiah nge tirhna a neih tawh? A la tir lo anih chuan tirh tumna kan sorkar hian a nei em? tih hi ka rawn sawh belh duh chu a ni.

PU F. MALSANNA,

MINISTER: Pu Deputy Speaker, hei hi a tul ang tih sorkar pawhin a hria a. Nimahsela a pawimawh ber a kawngkharpu hawn a ngai a. Chu chu lo hawng pawh ni ila, 54 atanga 56 vel a ngai dawn a ni. Hun rei tawh tak a duh dawn a ni. A theih dawn leh dawn loh hriat hmaa mi kan tirh hian an lo hawn a employment kan pek theih nghal mai loh hian harsatna nasa tak a awm let ve thei bawh a. A tlangpui thuin kan ramah khawl lam a thiam mite kan mamawh dawn avangin Education-in chumi rawn phur chhuak thei tur chuan Science hi a uar mek a ni.

DEPUTY SPEAKER : Sawh belhna a awm tawh loh chuan, sawhna dang No.21-na ah kan kal ang a, Pu Ngurchhina sawhna.



PU NGURCHHINA : Pu Deputy Speaker, ka zawhna No.21-na.

"Will the Hon'ble Minister in-charge of Agriculture Department be pleased to state -

(a) If there is an intention to declare the Department of Agriculture as a Technical Department as suggested by the Union Government; and

(b) If so, whether there is an intention on intention on the psrt of the Government Rules of the Department accordingly?"

PU P.B. ROSANGA,

MINISTER: Pu Deputy Speaker, zawhna No.21-na

(a)-na chhanna chu Sorkar in hetiang thiltih tumna a nei lo. Tin, (b)-na pawh chutianga hriatna a awm loh avangin Recruitment Rules frame tumna a nei lo.

PU NGURCHHINA : Pu Deputy Speaker, zawh belhna. Union Government atangin hetiang lam lehkha Mizoram sorkar hian, Agriculture Department hi Technical Department atan puan nise tih lehkha an hmu tawh reng em?

PU P.B. ROSANGA,

MINISTER : Pu Deputy Speaker, Central lam atangin engmah Mizoram sorkarin a hmu lo.

DEPUTY SPEAKER: Tunah chuan zawhna hun kan zo ni sela. Tunah kan Business Item No.2 ah kal ila. Laying of Paper. Tunah Pu F.Malsama, Minister in-charge of Education, a hnuatia Dan 6 te hi House a rawn dah turin kan sawm ang.

PU F.MALSAMA,

MINISTER : Pu Deputy Speaker, I beg to lay the following papers on the Table of this House -

- (i) Bye-Law of the Super Market Ltd. Mizawl
- (ii) Bye-law of Mizoram Apex Marketing Co-Operative Society Ltd.
- (iii) Bye-law of the Mizoram Co-Operative Union.
- (iv) Bye-law of the Whole Sale Co-operative Stores Ltd.
- (v) Bye-law of the Mizoram Co-Operative Apex Bank Ltd.
- (vi) The Mizoram Co-Operative Department (Group 'B') Posts) Recruitment Rules, 1973.

Thank you.

DEPUTY SPEAKER: Tunah a rawn sawi chhuahte kha Member te hnenah pek ni sela. Nimin lama kan sawi tawh ang khan heng Dan kan sem chhuahte hi ngun taka kaw1 a, heng Dante hi kan zir a pawimawh hlein a rinawm a ni. Tunah kan Business angin kal leh ila. Item No.3-na Discussion and Voting on Demands for Grants for 1979-80 tih a ni a. Tunah Pu Lalhmingthanga, Minister in-charge Finance chu Demands Nos.6,10,15,18,21,22, 38,39 and 41 te hi discussion a awm theihna turin rawn move turin kan sawm ang.

MINISTER : Pu Deputy Speaker, On the recommendation of the Administrator of Union Territory of Mizoram and with your permission, Sir, I move the Demands Nos. 6, 10, 15, 18, 21, 22, 38, 39 and 41 for Rs. 26,29,99,000/- only inclusive of a grant made in advance by Parliament as detail below for defraying the expenditure during the financial year 1979-80 as per detail given in the Annual Financial Statement. Thank you.

DEPUTY SPEAKER: Tunah Demand Nos. 6, 10, 15, 21, 22, 38, 39 leh 41 atang khan member hemi Demand ah hian sorkar thurawn pek emaw, sawisel duh emaw kan neih te kha tunah sawi tan ni se. Nimina kan tih tawh ang khan vawinah Demand pathum a awm a, hun a duh rei thei ang reng viau mai a. Minute 5 han tih pawh khan kan thim mai a ni a. Chuvangin a hun dik tak hman tum leh ila, minute 5 zel hun pein sawihona i hawng ang u. Tunah member tan rawn sawi tan tawh rawh u le.

\*PU J.H. ROTHUAMA : Pu Deputy Speaker, heta Demand lo lang te hi pawimawh tak tak vek a ni a. Kan ram hnuk leh nakina kan chhawrbawh tur hlawn lian pui pui an ni a. Pawimawh tak meuh meuh a. Amaherawhchu heng Budget kan han hmuhte kan pass hma hian kan sorkar thil lo ruahman tawh leh ruahman bak an eni tam tak te pawh a awm ka ring a. Chuvang chuan heng eng emaw te hi han sawi nghal ka duh a.

Pakhatna ah chuan P.W.D. bikah hian, tunah chuan kan P.W.D. te hi kan tinghet zel a, promotion te siamin. Division tam zawhte pawh kan hawng chho zel dawn ni te pawhin a lang a. Hei hi thil lawmawm tak a ni a. Amaherawhchu P.W.D set-up reng rengah hian pakhat mangngihlh deuh kan nei em ni chu aw tih ka nei a. Chu chu machinery hi a ni a. Tunah entirnan -Khawzawl te leh Lungdar Road te chu black topping turin sanction te pawh nikum lam atanga awmin tender te pawh koh tawh a ni a. An thawk mek a. Amaherawhchu black topping hnathawh tur chuan bolder chu an phah ngei a, mahsela Road Roller kan neih theih loh avangin vawin thlengin khilai ah khian road roller pakhat mah hmuhtur ala awm lova. Tin, Division hrang hrangch hian Road Roller hi dah a tul niin a lang a. Champhai khawpui chung ngeiah pawh khian road roller an neih hleih theih loh avangin black topping hna chu thawh hleih theih loh a ni a, nasa takin an hna a hnufum phah a ni. Chuvang chuan heng machinery hrang hrang road roller te, bulldozer te, stonecrusher te leh Air compressor te pawh Mizoram hi kawng kan laih reng rengin lung tam tak awma ram anih avangin kan mamawh thin a. Hetiang khawla inthuan hi kan mamawh ve hle niin a lang a ni. Chuvang chuan kan P.W.D. hnathawh hi chak zawka kal tir kan tum anih chuan pawise tam tak kawng laih nana kan sanction te leh a chi hrang hrang kan sanction bakah hian chung khawla kan inthuan chu a ngai tak meuh tawh niin ka hria. Chu chu kumin Budget ah hian tam tham ruahman ni lo mahse, nakum len atangin revised budget ah chuan kan P.W.D Minister zahawm takin lo telh hram tawh sela, chu chu kan nge duh bawh ani.

Tin, Electricity chungchang thu Demand No. 38 ah khan, kan sawi fo tawh angin Mizoram ah hian Electric kan la nei tlem em em a. India ram State ah chuan a hnufum ber kan niin a lang a. Arunachal Pradesh U.T. kan nih rualpui chu nsa takin kan umphak tawh lo a ni.

..... (11)

\* Speech not correct \*

beritau nian kan kawpu lian sawkah te leh Grouping lian sawkah te Electricity kan neih ve theihna tur chuan Diesel Power Generator hi tam tham kan neih a tul nin ka hria. Assam Electricity Board atanga innghat emaw, Manipur Lotak atanga innghat emawa kan electricity hi kan kalpui dawn anih chuan engemaw state leh state innghirngnona awmah pawh min cut fo mai dawn nin a lang a, a hlauhawm bawk a. Chuvang chuan keimahnin Hydro Project kan neih theih hma pawhin Diesel Generator tam sawk hi heng kan Grouping Centre lian sawkah te kan dah hian kan ram hmel kan ti mawi thuai dawn nin a lang a. Chutiang ti tur pawh chuan mi thiam Electricity lama hmantlak mai tur, a khawl enkawl nghal mai thei tur a heng pawl riat, pawl sawm kan neih te hi lo training tir mai pawh a tulin ka hria. Chuti anih loh chuan engtik khawtikah Mizoram hi Electric khawtina chhi tur chuan kum engemaw zat a duh ang tih hi sawi ngam pawh nin a lang lo a ni. Chutiang kawng chuan kan sorkar hian tan la ila, ram kan cheimawi ha tur nin ka ring bawk a ni.

Tin, P.W.D. lam kha han sawi leh ta ila, he thu hi nikumah pawh ka sawi tawh a. Kan ram kawng laihna ah hian harsatna kan tawhna chu explosive a ni fo a. Kawng laih tur kan thehna hmun apiangah hian hmun tam takah lungput a lo awm thin a. Chu chu laih theih lohvin a ruhrel tam tak hnutchhiahin vawin ni thleng hian tam tak kan dah a ni. Kan kawnglahi te laih sawh theih lohvin chutiang duan hmun tam takah kan hnutchhiah a ni. Chuvang chuan explosive hi kan sorkarin quota a neih, vawi khata lak chhuah theih quintal 21 kan neih hi thlatin emaw, a aia zing dauvin emaw lak chhuah ni sela. He explosive hi kan neih tam leh kan kawnglahi hi a chak dawn nin a lang a. Chu chu thil pawimawh tak a ni a, kan Minister in lo chhinchhiah in lo note nghal sela ka duh a.

Tin, building chungcheng thuch hian, entirnan - keima bial ngei Khawhai ah te, Saitual bialah Khawzawl ah te insak kai I.B. tura rel, amaherawhchu a chung tur rangva a awm loh avanga khuh theih loh, tuifur vawihnih lai lo tuar tawhte a awm a ni. Chuvang chuan heng building material te pawh hi Mizoram sorkar hian chak sawka a kal theih nan kan ngaihtuah a ngai a. Chutilo chuan tam tak sak turin tender ko thin meh ila, a hmanrua sorkar lamin a pek tur, khawilai dawr ami emaw lei kan phalsak mai si lova kha a supply theih si loh chuan kan in sak kha sawh lohvin a awm a, sorkarin a tuar a, Contractor ten an tuar bawk a, a in kha a ilo loh phah thin a ni. Chuvangin heng building material te pawh hi kan supply zung zung theihna turin sorkarin tan a lak hle a ngain ka hre bawk a. Chu chu ka han sawi duh a ni.

\*PU C.L.RU4L4 : Pu Deputy Speaker, Demand No.15-na Major Head 286 ah Khan Rural Water Supply Scheme atan Lunglei ah Rs.1,20,000/-, Mizawl ah Rs.2,50,000/- vel dah a ni a. Kha kha kan hman dan hi a kal sawt teh chiam lova. Hei aia chak sawka hman theih na tur hian thingtlang Group Centre a mi te pawh. Group Centre a mi lote pawh an ni ang, chungho hnench chuan polythene pipe a pek ringawt pawh ni sela, water supply chu an ti tha thei khawp mai a. Chutiang chuan daihzai deuh sawk a a hman dan te ngaihtuah ni sela. Chuti anih loh chuan heng lump-sum a kan dah te hi hman lo a kir leh mai mai nin a lang a.

Hemi bakah Water Supply Scheme ah lump sum lovin a figure  
chiang taka dah a ni tawh bawk a. Heng lump sum a dahte hi  
a tangkai zawk hman a ni thei lawm ni tih hi ka han sawi  
duh a ni.

Tin, Major Head - 477 ah khan P.W.D. Work  
Schedule ah Indoor Stadium at Saron Veng for student of  
Government College tih a awm a, Rs.12,000/- chuang zet  
hman a ni tawh a, kha kha tizui lehna tur pawh kha a lang  
leh lem lova, hetiang hian Indoor Stadium te, Play ground  
te kan han ruahman uk a, kan tlan san leh ringawt a,  
cheng nuai vel te kan sen hnu hian. Hei hi tihzui tumna a  
awm tawh lo reng em ni? Kan Minister ten enchiangin min  
hrilh thei sela ka duh bawk a.

Tin, Major Head - 321 ah khan Construction of  
Saw Mill-cum-wood seasoning plant at Mizawl tih a awm a.  
Rs. 1,00,000/- lai a ni a. Mahsela Department in he thil  
tih tum hi an thulh leh e tih a bulah khan a awm a. Hei  
hi engvanga thulh leh ta nge an nih? Kan Minister in min  
hrilh thei sela.

Tin, Major Head - 259 ah khan Construction of  
Building second incharge of A.R. hei hi Assam Rifles tihna  
a ni ang a. Assam Rifles 2nd in command insakna tur a  
awm a, Mizawl ah. Tin, a hnuai ah Sl.No.31-na ah khan  
'Shifting of A.R. Building etc. including shifting of Jail  
building survey of Luangmual area for A.R. building  
complex tih a awm leh a. Mahsela tunah chuan chumi chu a  
lang ta mang lo bawk a. Assam Rifles ho khawpui atanga  
sawn chhuah tumna kha tihawp ni leh ta em ni? Chuti anih loh  
chuan Mizawl ah te building sak te kan la tum leh ta tho  
si a. Sorkar in Assam Rifles ho awmna tur-a a sak sawng  
sawng kha a thlawn a ni ta mai dawn em ni? Hei hi kan  
Minister in min hrilh thei sela.

Tin, Demand No.38-na ah Electricity ah khan  
Major Head - 534 ah Transmission and distribution Rural  
Electrification khatah khan Rs.22,00,000/- lai a awm a.  
Hei hi 34 KV Line te, 66 KV Line te heng sem sawmna tur leh  
construction atan te a ni nual mai thei a. Hei hi tih tak  
taka kan ti dawn anih chuan kan Sub-division hawn tum te  
pawh hi a awmna tur dik taka kan hun thuai thuai a tulin  
ka hria. Thingsulthlich ah khian nikum ktangin a hmingin  
Sub-Division hawn a ni a, mahsela vawin thlengin  
Electrical Sub-Division chu Thingsulthlich ah hmuh tur  
a la awm lo. Helai atangin an thawk a, helai hi an  
chhuah san ang tih an hlau a, an thawk muang deuh mai thei  
a, chu pawh chu kan Minister te pawhin lo en sela ka duh  
a. Helai an thawh chak deuh chuan khilala an insawn ran  
deuh a ngai dawn tihna a ni ang a. Tuirial Jail thleng  
pawhin zam theihin ala awm lo a ni a, 33 KV Line chu.  
Amaherawhchu a rang thei ang berin kan Sub-division te  
pawh function theihna hmunah chuan function thuai sela  
a tha ang.

Pu Deputy Speaker, min ngaidam lawk la, nizan  
chu kan light a tha ve mial a, tlem ka chhlar ve nual a,  
hei han sawi leh ka duh a.

hrangah hnathawktu te an chhawr dan kan en nian nian inang lo nuai pawh hi kan siam that a ngai deuh a ni lawm ni tih ka ngaihtuah a. P.W.D. ah chuan Divisional Mechanic kan ti a, chung chu Rs.330-560/- a tawp tur a ni a. D.C. ah erawhchuan Grade I Mechanic an ti a, a hmin erawhchu a dang deuh nual a, mahsela an qualification ah chuan danglamna engmah kan hmu lova, chu chu Rs.380-640/- tawp tur an ni a. Industries ah chuan hetiang Mechanic vek chu Rs.425-640/- or 700/- a tawp tur a n ni a. Chutiang chuan an qualification te han en ila, hei Industries hian hlawh an pe tam deuh ber a, Mechanic chu. An qualification chu ITI Certificate holder te leh three years experience in workshop te an ti ringawt a, tu workshop ah pawh kumthum lo thawk tawh nis ela, chutiang chuan lak theih tur niawm tak an ni. Chutiang chuan hlawh inang lo nuain an thawk a, an tha pawh a na hle niin a lang. Amahni han biak pawhin hengte hi a hriat theih a. Hengte hi a siam rem theih lawm ni, kan sorkar te hian tih hi ka sawt duh bawk a ni.

Tin, Water Supply Scheme ah khan fur leh thal hi kan Ministry hian an hai deuh hlek niin a lang a, thal laia semna tur kha an hman sawh mai ka hlau tak tak a' nia. August thla te hi chuan sem tlut tlut lovin, tih dan a awm lawm ni? Thal laia sem turah khek deuh sela a thain ka ring.

\*PU J.THANKUNGA : Pu Deputy Speaker, vawin ah Demand engemaw zat Minister in-charge in a rawn pharh a, pawisa a tam lamah hi chuan a lawmawm thaw khat hle a. Ram dinhmun te han en hian. Amaherawhchu kan ram P.W.D Code kan hman hi kan ram hian a mil chiah lo niaumin thil tam takah a lang a. Khung phai ram State lian sawkah te hman dan tur a siam hi Mizoram hian zui lovin P.W.D. Code hran kan neih hi a mamawhin a lang a. Chuvangin chulai chu Minister in-charge te pawhin lo ngaihtuah ngun so thain ka hria.

Tin, Demand No.15-na ah khan Public Work tihah : khan, Shillong ah te leh khawpui hrang hrangah Mizoram House neih tumna a awm tawh a. Chulam chu sawi lo ila Churachampur, Manipur ah khian Mizoram House mawi tawk tak te he pawisa atang hian, Non-Plan atangin emaw, eng kawngin emaw tih theih dan kawng kan sorkar hian lo ngaihtuah thei se a thain ka ring. Cachar nen hian tunlai chu kan inhmu thiam lo a ni a. Hemi kan harsatna hi kum engzat nge a daik dawn kan hre lo a. Chuvangin out let hran State dangah kan neih theihna chu Manipur a ni a. Tunch Manipur atangin Tipaimukh thlengin Bus service a ni tawh a. Helam ah pawh Tipaimukh thlengin Motor a tlan thei tawh a, black topping chu la zo chiah lo mahsela. Chuvangin zirlaite leh sumdawng mite leh mipui reng reng phairam hla sawkah te kal dawnin harsatna tam tak an tawhte pawh hi Manipur atangte pawhin a kal theih dawn niin a lang a. Chuvangin saw laiah sawn Tipaimukh arrangement te pawh chu siam that ni sela, Ferry, sawmi Lawngtlai vela an hman ang Jeep emaw Car emaw phur zo thei ang saw sorkar hian ngaihtuah thei sela, engemaw kan harsatna zual thil tam takah chuan a phuhruk thei ngein a rinawm.

Tin, a kawng han kal velna tureh pawh hian Rest House tam tak sak ni sela, khualzin tan leh kan sorkar pawimawh han lakna velah pawh nasa takin a tanpui thei dawn niin a lang.

Nichin khan kan member zahawm tak pakhat khan vawin ni thlenga tui sem chungchang kha a rawn com lain niawm takin a lang a. Amaherawhchu ruah a sur tlat lova, tui sem a ngai a ni mai a ni. Kan hriatsa reng helaia sawi sawi pawh hi thil tha a ni lem lova. Ruah sur sela chuan sem a ngai bik lovang tih chu hriatsa a ni. Pawisa te an hmang zo anih chuan nakum Revised Estimate ah te an rawn ti leh mai ang a. Mipui ten harsatna tam tak tui supply tlem avanga kan la tawh laia duh ang pawh kan hmuh sawh loh laia, vawin niah te hian indaih sawkin sem kan tin laia in sawisel te hi a dik chiahin ka hre lo. Amaherawhchu water pipe connection te kan la ve a, thla hnih thla thum, thla li te tui hmeh hmuh theih lova a awm te chu a mak ang reng viau a. Pawisa, budget te han enin a tam hle a, mak ang reng tak a ni. Pawisa, budget te han enin a tam hle si a, thingtlang lamte kan sawi tel takna a mahse engmah chu hmuh tur teh chian chu a awmin ka hre hran lo..... (current fail).

Amaherawhchu vawin thleng hian lei dawh tur tam tak a awm a, mahse pakhat pawh vawin thlenga dawh sawh hmuh tur ala awm lo hi kan sorkar hian ngun sawka thlir ka duh a.

Tin, Division then then thingtlang Lama sawn chhuah tur rawtna te a awm a. Amaherawhchu hengah te hian Department hnathawk te kal hrehna avangte in tender te re-tender te a awm niin khawlai titi ah te a awm a. Hengte pawh hi ennawn ni sela, kal tura tih ang hi chu han kal de phawt mai sela, thingtlang mite pawhin an chhawr ve theihna turin. Ka lawm e.

PU B. LALCHUNGNUNGA : Pu Deputy Speaker, hei Demand No.6-na Revenue tih hi han sawi lawk ila. Revenue Department ah hian staff a indaih loh avangin mipui ten harsatna tam tak an tawh niin ka hria. Loan sorkar atanga puk theihna tur hian kan in hmun lo ramte hi kan dahkham theih ve tawh a ni a. A bik takin han sawi te ila, kan hriat chian lam, Lunglei District lamah sawn staff indaih lohna avangin in hmun patta thei lo tam tak, chumi avanga loan pawh dil thei lo tam tak an awm a ni tih ka hria a. Chuvangin Revenue Department ah hian a bik takin P.4. kan tih ang thin..... (current fail) Chuvangin inhmun patta te leh in hmun teh sak pek pek chungchang thuah te mipuiten awlsam sawkna an neih theih na turin Revenue Department ah hian hnathawktu te tam tawh dah ni sela ka duh a.

Tin, Demand No.21-na Public Health hi harsatna tam tak tawh a ni tih kan hria a. Amaherawhchu harsatna kan tawh chung chung hian chak sawk se tihna thinlung mipuite ah a lian hle thin a. Lunglei lamah pawh sawn Tlawng lui pump chhuah te sorkarin a tum a, a tum chung pawh hi a rei tawh em em a. Truck carriage a tui sem nan hian sorkar a in seng nasa hle a. Chuvangin sorkarin Truck a tui sem nan tam tak kumtina a sem vak vak thin hi titawp thei tur chuan heng a bul kan lo tan tawh ang te hi tihpuitlin thuai thuai ni se. Tichuan in seng tlem deuh hlein sorkar pawhin mipui tan tam tawh kan lo pe thei tawh ang a. Chuvangin P.H.E. Department in hna alo tan mek tawh, mipui te tana tui pek tur alo ruahman mek tawha

te hi tun aia chak lehqual a a kal theih dan sorkarin  
ngaihtuah se a tha hlein ka hria.

Tin, chutiang bawkin Electric Department  
ah pawh hian harsatna kan nei a. Sawng Pukpui leh Zobawk  
ah te sawn Electric a ban an han phun tan a, tahchuan  
beisei takin mipui kan siam a, internal wiring te an  
han t. ve a, a en pup hi an nghakhlel ve em em a ni.  
Amaherawhchu a eng pup hlei thei si lova. Chuvangin hengte  
pawh hi harsa chung chung pawhin eng anginngan kan kalpui  
ang tih hi ngaihtuah ngun lehqual thain ka hria. Sawng  
Zobawk angte saw hman atang a a ban te phun tan a ni tawh  
a, sorkarin eng a pe mai dawn emaw tih beiseiin internal  
wiring ti zo vekin bulb an khai fer fur mai a, a en hlan  
hi an nghakhlel tak tak a ni. Amaherawhchu tunah sawn a ban  
pawh Lungelei nen a inkarah te chuan phun kim loh te  
ala ni nual si a. Chutiang chuan nghakhlel takin mipui ten  
an thlir a. A ban te leh thil dang dang tuna Electric  
Department in a neih loh te pawh chu tunah hian rang sawka  
neih theih dan kawng leh an hna an chhungawm tan theihna  
kawng sorkar hian ngaihtuah nasa lehqual se tih ka sawi  
duh a ni.

PU C. VULLUAI : Pu Deputy Speaker, kan ngaihtuah lai mekah  
hian han uar duh, kan hotu ten an chhinchhid  
atana duh ka nei a. Mizoram kawng upa ber Bazar Bungkaw  
atanga Vaivakawn kawng kha ka sawi tawh a, ka sawi tawh a.  
Ka sawi nawn lo mai ang a. Ka sawi leh tur chu hemi Dak  
Input atanga Vaivakawn kar kawng siam thatna tur hi hei kan  
hotu ten an ngai pawimawh a ni ang tih ka ringhlel lova.  
Kawng hrang hrangin hmun hrang hrangin he works Schedule  
chhungah pawh hian hmun thumah ngawt mai a nuai tel thahin  
an khung a, hemi zuk hmu mai hi a lawmawm hlein ka hria.  
Nikum a sorkar reilo te a din lai khan chak tawh takin  
a rawn tan a, an han zut man deuh thaw mai a, sorkar a tla a,  
an tawp leh mai a. Tunch khuan Lizawl khaw kawng chhe ber  
pawl Car phe chu kal that ngam lohna alo ni leh tawh a.  
Kalkawng khulci pang sawhtu ten fimthuch Mizoram a veng  
khata M.L.A. tamna ber, Minister pahnih, Speaker nen,  
Deputy Speaker nen MLA tluangtlam nen helam atang hian  
kan thawh a, a kawng lah chu heti hi a ni a, an ti mai mai  
a. A ni a tih mai loh chu sawi ngaihna a awm lova. Tuna  
work Schedule chhunga kan hotu ten an ruahman ang hi anih  
anga chak taka thawh nghal a, khu kawng khu MLA tam takte  
chhuah vang ni lovin, Lizawl a mi tam tak te kalna kawng  
hmun pawimawh anih vang sawk khuan kan sorkar, helam pang  
nagihthuahtu ten ngai pawimawhin a siamna tur tangka an  
dahate hi hmang tak tak sela, hmang ngei sela tih ka duh  
thu ka'n sawi nawn leh mai a ni e.

\* PU JOE NGURDAWLA : Pu Deputy Speaker, hemiah hian sawi tur  
pawimawh tak awmin ka hria. A bik  
takin kan sorkarin Demand a rawn siam hi a tlangpuiinf  
tha ka ti a, kan pass ngei pawh ka duh a. Amaherawhchu  
ala tawh love tih chauh a ni a. Amaherawhchu a hman dan  
ah hian Department hrang hrang hemi mai bakah hian  
Estimates Committee te, P.A.C. atangte a kan han thlir  
hian kan Department in hemi account lampang atan hian  
Finance Control hi an tla chham em em mai a. Tin, hemi  
Finance Control Book hi a nihna tura vawng Department  
hi an awm em em lova. Hma chu an sawn viavin a hriat a.  
Hahse hemiah hian training an neih loh avangin niin a  
hriat a ni. Chumi ah chuan training tha sawk hi  
facilities Department tinin kan staff te hi kan pek  
a tul tak meuhvin ka hria.

Tam tak chu an duh loh vang ni lovin, an thiam lo hrim hrim a. Mizoram ah hian Account lampanga han tihtlak tlem te chauh kan nei a. Chu chuan kan hna tam tak hi a ti khawbaw em em mai a. Hemi Audit para alo kal lei a chhan tur te hi an correspondence chhan ve mai mai a. Tin, han chhan dawn khan an thiam lo a ni, a team arawn pek ah khan an buai vek mai a ni. Staff te hi training na tha facilities tha hi kan pek tawh thain ka hria. Tin, kan sorkar pawh a uluk sawk ngai hlein ka hria. Chumi anih loh chuan pawisa hi tam hle mahse financial control hi a that loh chuan kan ti tak tak thei lova. Finance lampangin an object e kan ti fo thin hi chu kan thiam loh vang a ni ve bawk a. An thiam lohna chhan chu training an neih that tawh loh vang a ni a. Tin, training an neih pawhin an ti tha duh lova. Chutichuan pass mang lovin an lo haw leh thin a. Helai ah hian sorkar hi khirh sawk a kal loh chuan kan pawisa hman dan hi a mumal rei thei lo ang. Kan budget pawh hian awmsia a nei em em lovang.

Tin, Public Works ah hian, a vei a pui kan tam a, kan sawi tawh viau a, khawpui ah phei chuan kan hriatsa a ni deuh vek mai a. Amaherawhchu kei bial thing lampanga awm kan ni bawk a, kan ram tet tehlu nen khing Khawbung Constituency pumpuite khi chu Truck pawh ala kal thei lova, Jeep hi a lo lum thei le law chauh a ni. Ramthim han nei tlak pawh niin ka in hre lova, a sim lutuk a. Chuvang chuan helai ah hian hmun thenkhata black topping te leh engemaw an tih lai a bial puma truck pawh la kal theih lohna te hi chu priority pek ngei ngeiah, entirnan - chulai chu karawn sawi mai a ni. Hmun dang Buarpui te leh hmun dang dangte pawh a awm thluch a ni. Priority kan pek loh chuan kan than dan hi a kai ruallo dawn bawk a ni. Tin, chumi kan sawi rual chuan hemi STC Road hemi Suangpuilawn lampanga kal tur pawh hi kal tur ang mai hian an han ruahman a, hei check ngun a ngai a. Khilai khi a kham chhengchhe em em mai a, a kal tak tak thei pawhin ka ring lova. Chuvangin Saitual atanga P...D. Road kal chho hian Khawlian lai bawr velah khian han pawh chho sela a practicable sawk ka ring a ni. Chuti anih loh chuan khilai khi a kal tak tak thei dawnin ka hre lo.

Tin, Pu Deputy Speaker, min lo ngathiam la, ka bial lam han hrut leh hlek ila. Khilai khi Champhai atanga Vaphai khi BRTF in an la dawn tih a ni a, tun thlengin hnuhma an la nei miakh lova, hei hi sawrkarin min lo enfelsak sela, a nihna tak te hriatin min lo siam fel sak sela ka duh a. An la dawn lo anih phei chuan Champhai atanga Khawbung, tin, Khawbung atanga Farkawn chho khi truckable road tal ni sela, P...D. hian tun atangin step min laksak thei sela a lawmawm khawp ang. Chumi anih loh chuan kan tam kanrawn ti leh thin ang. Khalai ah khan a remedy chu awmin ka hria.

Tin, Electricity lampangah hian a hnuk bawkah han sawi leh bawk ila. Helai ah 66 KV Line kan ti a, dik takin hei kum nga chhung chu he House ah ngei pawh kan lo sawi dur dup tawh a. A 66 KV Line chu sawi loh tuna kan neih pawh hi a chau viau mai a. Helai hi, kan sorkar hian en Chiang sela. Assam Board te nen pawh khuan, ka hriat dan a sual loh chuan, agreement mumal pawh a awm hlei nem an ti a. Chu pawh chu sorkarin enchiang sela. Chu thil chu mu-leh-mal nei sawk a kan tlan theih nan sorkar chuan lo bei sela a dikin ka ring.



Pu Deputy Speaker, tlem ka'n sawi leh lawk ang e, min lo ngathiam hram la. Government servant tan hian loan tih ang chi hi tam leh zual kan mamawhin ka hria. Sorkar hnathawk te an tui tawh hi a pawimawhin ka hria, ram thanglai ah hi chuan. Dik takin sorkar a facilities an neih hi a inthlau lutukin ka hria. then chuan an duh an makin Jeep an khalk chhuak a, an duhna hmunah an fate nen an hawlh peng vel a, chutih lai chuan thenkhat chuan engmah facilities hmuh tur an nei lova. Loan te te hi an hmuh theih ang chu a ni mai a. Chuvang chuan a pumpui huap a tih hi liberal deuh a tih a ngai a. Entirnan - Loan an lak chungchangah document thenkhatte kan han strict lutuk a, kan han ti chi-ai phei hi chu dikin ka hre lo. Chuvang chuan helaiiah hian liberal takin, chu ti chin chu ti chin kan han tih ang a te phei hi chu an service thuah te hian strict lutuk lova kal a tulin ka hria. Kan sorkar hnathawk a tam sawka te phei hi chuan interest an hloh thei in ka hria a, chuvang chuan helai hi ngun sawk a an ngaihtuah ngain ka hria. Ka lawm e.

\*PI L. THANMAWII : Pu Deputy Speaker, thu tlem te chauh ka sawi duh a. A hmasa berin Demard No. 10-na Pension tih kha. Pension chin fel hi a har phian emaw ni, kum rei tak tak pension chin fel nan hian a awm mai a. Hei hi a rang thei ang-a tih ni se tih rawn sawi ka duh a. Thenkhat chu kum rei tak tak an pension hmuh tur hian an nghak a. A bik takin Assam service atanga Zoram service a lo lut ta te kha a ni a. A duh rei zual niin a lang. Hei hi sorkar atanga chin fel a, hmuh tir thuai thuai a tha viau. Thenkhat chu kum 1973, 1974 atanga pension, sorkara in thawk tar der te kha an ni a. An pension nghah nan an inhlawh leh ang a, an in thawk hlum thelh thelh tawhte pawh an ni mai thei a ni. Chuvang chuan an dam chhungin an pension te pawh hi an hm lo mai ang tih hlauhpui awm tak tak te pawh ka nei a. Chu chu ka rawn sawi lang duh a.

Tin, nichina member zahawm tak pakhat khan Aizawl a kawng upa ber a rawn ti a. A upa ber dawttu kan sawi ve teh ang, ka sawi tawh a. Khumi Armed Veng kawng khu hmanlaic naupang te kan nih lai a, kum 1931 ah te pawh Chite lui kawng kan ti a, kan kal thla ham ham thin a ni. Khumi khu a pawimawh ang takin ngaih pawimawh a ni dawnin a lang a. Chuvang chuan a lawmawm hle ka ti a. Tin, a chho deuh avangin bulldozer te pawh a kal thei lo an ti deuhvin ka hria a. Budget te pawh a tha a, chuvang chuan P.D te pawhin Bulldozer tha tha tak tak te pawh an lei belh ang a, kawng a chhoh deuh avang a kan tih loh thin ang kha chu a awm tawh dawn lo niin a lang a. Chuvang chuan khumi kawng khu a pawimawh avangin vawi tam tak han sawi lan ve hi a tulin ka hria.

Tin, chulo lehah chuan T.B. Control lam, Zemabawk ah sawn Hospital a awm a, chu chu Aizawl atang leh helam chhim lam atangte T.B. an ni nge ni lo tih infiah nan ringawt pawh Zemabawk ah sawn an va kal tauh tauh thin a. Xray a tul avangin heta lo kal a ngai bawk si a, thenkhat chu damlo chauntak tak an ni a. Chuvangin hatah hian a bik takin TB. Clinic hi hawn ni sela, chutah chuan Doctor Quarter te pawh awm sela, chutah chuan infiah zet sela, thenkhat tam tak inringhlel tam takte chu lo ni lo te pawh an awm a.

\*Speech not corrected

Mahselang khami an ni tak tak nge ni tak tak lo tih fiah nan pawh vawi thum vawi li hemi inkarah hian vei a ngai thin a, an khawngaihthlak hle a ni. Chuvang chuan chutiang chuan ruahman theih sela mi tam tak tan malsawmna a nih a rinawm a ni.

Tin, Demand No.38-na Electricity ah khar thil dang vak sawi ka tum lova. Electric Department ah sawn Assam Board atanga rawn thawkte an awm nual a. Chutah chuan a bikhtakin Grade IV ho saw an hlawh a inang lova, Assam Board a thawk, Jugali an tih te sawn Rs. 400/- aia tam an lak chhungin Zorminarawih ve te chuan Rs.400/- an hmu ve pha reng reng lova. Hmun khata thawk, hna inang reng thawk an ni si a. Thenkhatin sang deuh an lak a thenkhat a hniam deuh an lak chu a fel mang lovin a lang tlat mai. Chuvang chuan theih anih hram chuan Assam Board in an lak ang emaw tal chuan siam rem theih ni sela.

A dik tak chuan Grade IV ho hi a hah a te hlei hlei an ni a. Chuvang chuan lungawi tak leh hah man nei taka an thawh theihna turin an anpuit te nen chuan siam rem theih ni sela chu a tha viauin a rinawm a ni. Ka lawm e.

PU L.PIANDENGA : Pu Deputy Speaker, hei Minister zahawm takin Demand a rawn pharh hi Rs.26,29,99,000/- a ni a, a tam tawk hle mai a. Kum dangapawh a tam hle thin a. Ka han sawi duh chu a tlangpuin a hman dan tur chu sorkar hian a ruahman vek tawhin ka ring a. Chung chu a mal tete a suk sawi chu a tul pawhin ka ring lova. Amherawhchu kum danga thil kal tawh kan enin sorkar kum tawp dawn, Financial Year hian pawisa kir leh tur hlauthawng leh engemawa Department hrang hrang ten tangka hman sawh dan ngaihtuah a an phi chuk chuk mai thin hi, hei hian ram a siamin ka hre lo. Chuvangin heng tangka tam tak te hi a hmanā tur dik tka hmangin a tir atangin Department tin ten tan lak a, a te ber atanga a lian ber thlengin mahni hna pual theuh theihtawpa thawkin heng tangka te hi kan hmang tangkai dawn niin ka hria. Chuvangin a tlangpuit takin kan tangka heti zogai Budget hi tangkai taka kan hman theihna turin a tir atangin mitinin theih-tawp chhuaha tan kan lak hi a pawimawhin ka hria. Chue chu ka han sawi duh a ni.

\*PU SAINGHAKA : Pu Deputy Speaker, tuna subject kan sawi mek laia hi Minister pakhat enkawl tur atan chuan a tam ber a ni a. A pawimawh hle tih pawh alang nghal mai a. Tin, heng pawisa kan neihte hi tunah House in kan pass ngei ang tih ka ring tho a. Hemi kan ngaihtuah lai hian sawi duh ka neih tlem kan sawi ve ang a. Demand No. 6-na Revenue chungchang thuah member zahawm tak tak ten an sawi nual tawh a. Tun hnai a Department Organisation chungchangah chinfel deuh tumna te awmin Officer te pawh dah an ni hlawm a. Amherawhchu vawin thlengin an la function lova, a inkhaidiat dang hi hemi Department pawimawh ang hu hian hna an thawk chak tawk thei lo niin ka hria. Chu chu pawh hle in ka hria. Chu chu kan sorkar hian lo en ngun sela ka duh a.

Tin, Treasury leh Accounts Administration Demand No.10-na chungchang thuah hian, tun hnai maia buaina kan han thawh chhohah khar thingtlang ah miput te tan a changkan sawk tur leh awlsam sawkna turin State Bank of India-in Branch a hawng hlawm a. Tunah hian thingtlang lama mi chu a hnathawktute an tlan hawn vek avangin an khar ringawt mai a.

Hei hi thil dik lo tak niin a lang a. Negotiable Instrument Act, 1881-ah kan sorkarin khar tura a tih loh chu khar thei-h miach a ni lova. Chuvangin helai hi engtizian nge? Umzui thain ka ring tlat a ni. Chungah chuan Hnathial te, Saitual leh Serehhip te khar an ni a. Hei hi a pawl hlein ka hria.

Tin, Public Works - Demand No.15-nadh hian kan sawi tam tawh hle tawh ka hria a. Machinery chungchang thute pawh han sawi lan a ni tawh a. Tunah chuan Budget bu kan han thlirin Store Division te pawh siamin Chief Engineer in a enkawl tawh dawn ni te pawh a lang a. Chutih hunah chuan kan mamawh ang te chu chak zawka kan neih theih kan beisei phawt a. Chuvang chuan sawi em em tur pawh awmin ka hre lo. Amaherawhchu kalkawng hetah chhukthla ila, Demand No.39-na lamah hian lut thla ta ila, helai ah hian hna lian pui pui tih tur a tam maia, hna lianpui pui kan tih karah te tak te anga lang pawimawh ve takte pawh kan lo hmuh hmah palh ang tihte pawh ka hlau deuh a. College thlengin black topping thlengin tha takin a awm a. Amaherawhchu Bethlehem veng kal tlanga Sa Huan panna khu Forest Department enkawl niin a lang a, anni hian an zo lo hle mai a. Khulai khu Public Works hian an take up ka duh pui a.

Tin, Demand No.22 - Housing chungchang thuh nikum khan Rs.71,00,000/- emaw lai chu Housing Loan atan hian pek chhuah niawmin a lang a. Kuminah hian Rs.48,00,000/- vel lek kan nei ta a. Chu chu a tlem tham em em mai a, Housing Loan hi miputin kan mamawh tlang theuh a. Nichin ah khan member zahawm tak Khawbung biala mi khan a rawn sawi chhuak a, Loan to Government, Demand No.41-na hnuaia sorkar hnathawkte hnena pek chungchang thu hi nichin a rawn rawt ang deuh khan tam zawk a siam sak ni sela. Sorkar hnathawk ten Loan, Building Advance an tihah te hian Public Charvo hi engemaw zat hi an pawt hek thin niin a lang. Chulai ah chuan siam rem dan ngaihtuah nise thain ka ring a ni.

Demand No. 38-na Electricity chungchang thuh hei eng te hi kan nei tha lo ang reng viau a. Tin, a thu hrimin khawlat han tihenna tur hian material an nei harsa lutuk hi hriatthiam harsa hlein ka hria. Kum 1978 May thla Local Administration Department in Tube light an sanction daih tawhte pawh vawin thlengin an la supply thei lo a ni. Chu chu engtizian nge aw? Engpawh nise chup chu kan sawi angin Department hotute an invuah fel mek zel a, chulai chu an tihfel thuai ka beisei a. Tin, heng ang pawisa kan hman tur chungchang thuh hian, nichinamember zahawm takin a sawi ang khan rank thuhmun hi an pay inang lo viau niin a lang a. Tin, tun hma Pay Committee report dik tawh loh vang niin a lang. Chuvangin Pay Committee thar din leh a, a bul atang-a en vek anih loh chuan mi tam tak an lungawi lova, engemaw anomaly a awm a ni tih chu a hriat bawh a. Hemi recruitment hrang hrang chung mite lungawina kan siamna kawngah pawh hian hman pawh khan ka sawi lang tawh a. Hei recruitment Rules kan nei thlich thlich ta a, heng ang hian kal ni sela a thain ka hria. Dik takin tun hnaiah pawh pawh D.P.C. through in Revenue Department ah hnathawktu tur te kan han la a, surveyor 11 thawn turin, hmanniah written a exam na a awm a, tah chuan interview-na te pawh a awm a. Mahse merit list lovin higher level atangin pariat thlan an ni tih hriat a ni a. Tin, interview na a lang miach lo te pawh thlan an ni bawh a. Hetiang mai mai a hnathawktu kan la dawn anih chuan a fel lovin ka ring. Chuvangin dan ang deuhvin kal ila ka duh a ni. Ka lawm e.

PU SAIKAPTHIANGA : Pu Deputy Speaker, hei kan Minister zahawm takin Demand a rawn pharh hi a tha tlang vek a, engemaw chen chu. Demand No. 39-na Roads and Bridges - ah hian pawimawh tih leh tul tih ka nei a. Chu chu han sawi ve ka duh a. Member zahawm tak sawitu te khan an bial lam an sawi deuh zel a. Chuvang chuan ka bial lam han sawi ve ka duh a. Hei kan hriat theuh angin Tripura leh Cachar ramri deptsu kan ni a.

Kawng kan nei miah lo hi a vanduai thlek hle a ni. Aizawl atanga Jeep luh theihna kawng kan nei lo hi kan vanduai tak meuh a. Hetianga Cachar te nena inhmuh thiamlohna alo awm takah phei chuan sorkar Department hrang hrangin hna engmah an thawk thei lova. Supply lamah te leh Medical lamah te tunah hian harsatna kan tawh nasa em em mai a. Chutah chuan kan hotu te nen nasa takin a tihdan kan ngaihtuah a. Amaherawhchu a kawng a bo viaua. Kawng laih tan nial nual chu engemaw zah khulai panna tur chu kan nei a. Mahse leilawn dawh turte a awm thluah avangin kan E.E. lamte pawhin engemaw harsatna tam tak an tawh a ni. Tin, kan works Schedule ah khan khumi a luh theihna tur hnai ber niawma lang Tlawng leh Teirei khulai motor kal theihna atan khan Rs.5,000/- alo lang a. Kha kha engtia tih kai nge an tum ang aw ka ti deuh a. Ka hriat thiam loh vang nge ni a tlem lutuk ni sa-in ka hria.

Tin, kan hotute kan han dawr kual kan han dawr kual atangin khulai khu Department in an huphurh hle a ni tih hriat theiha ni. Chutah chuan han sawi lan ka duh leh he House leh kan Minister in-charge ka ngen duhna chu khumi lai problem solve tu atan khuan khumi Tuipuibari pantu BRTF Road leh khulai kawng kan neih chhete K.D.Road khumi kar kawng 33 K.M. emaw lek EGS a Motor te pawh thlan chhuah tir tawh, tuna ping leh tawh, khu khu kan sorkar, hian a rang thei ang bera Jeep kal theihna tala min tihchhuah sak ka rawn ngen a ni. Chumi anih loh chuan khulai harsatna leh manganna khu a solve tak tak theih loh niin a hriat a. Kan K.D.Road Kanhmun to Demagiri Road kan neih ve, 70 Km emaw lek enkawl dan chungchang ah khuan lungawi loh thlak hle min ka hria. Kum 1965-ah khu kawng khu a rawn chhuak tan a. Kan ram buai avangin engemaw chen chu kan han sukuk leh a, chutah kum 1970-ah khu kawng khu Jeep kal theihna a siam a ni a. Vawtin ni thlengin ala ngai reng mai khu a thawktute zir loh ngeni a, engngeni khu khu kan sorkarin min ngaih pawimawh sak ka duh a. Tin, sorkar lam atangin a tihzauhna tur leh lungphahna tur te pawhin tender siam a, contractor te pawh thlan fel vek tawh a ni a, hun engemaw chen tawh atang khan. Mahse vawin thlengin an la thawhtir thei lo te hi khawi hi nge a mu tan ni a, tunge a mawhphurtu kan sorkar hian min enfiah saka, khulai ramri hrul hnam dangte nena in chiahpihna ram, ram venhimna chungchangah pawh kan sorkar hian a theih anga chaka min bawhzui sak turin ka rawn ngen duh a.

Tin, Electric tih lam hi kan sawi nasa hle a, Amaherawhchu kan thang chuang reng reng lo niin a lang. Electric hi khawpui chauhin em ni chhaur tur ni aw ti te pawhin a ngaihtuah theih rum rum a. Ka sawi tak ang khan khulai ramri hrula mi kan nih avang leh Assam atanga Tripura luh pheina lai khu kan bial atang chuan hnai te mai a ni a. Khung atangte khuan engemaw tia inbiak rem dan hi a awm mai lawm ni? tih kan sorkarin min rawn en sak se ka duh bawh a ni.

PU K. BIAKCHUNGNUNGA: Pu Deputy Speaker, hei vawina thil lawmawm tak chu kan sorkar hnathawk Officer lam te pawh an lo thawk tha ta viau nin a lang a. Kan ngai viau a nia. House-a MLA te leh hetilci House a kan sawi reng rengte tihlawhtlingtu leh lo thawktu tak tak kan ban rinawm te chu an ni a. Chung ten helai a thil pawimawh tak tak kan lo sawi an lo ngaihthlaka tha taka vengva taka an lo thawh theihna hi kan duh a ni a. Chuvangin vawinah chauh ni lova, hun lokal zelah pawh he House a thil kal dan an lo hriat hie a pawimawh tak meuh meuh a ni a. Nichinah khan Khawbung bialtu member zahawm tak khan a bial lam a rawn sawi a, motor chungchangah jeep te a kal zauh zauh a, ala tawklo hle a ni a, a lainat thlak hle mai. Kan ramah hian tih turala tam hle a. Mahni bial Khawbung bial lainattu chuan Lungpho bialte pawh hi a lainat tho a ni a. Lungpho te chu Group Centre ni si, khaw pawimawh tak ni bawh si khan jeep kal zeuh zeuh hi hmuh tur ala awm rengreng lo a ni. Chuvang chuan ramri hrul deuh leh engemaw te. han tih that chu a tha tho a, ram thlaler deuh leh a laili deuh te pawh a awm a. Chuvang chuan tuna kan Budget ah hian Kawlkulh atanga Serchhip, Chhawrtui kaltlangin tih chu a awm a. Hei hi a tha em em a. Tun tumah hian kan ti thei lo anih pawhin nakum lamah te kum leh thleng pawhin khang a ramri hrul lam kan han bei hmasa duh te anih pawhin a tha ka ti thova. Engpawh nise heti lai pawimawhna hi han sawi lan ve ka duh a. Ram ruak zau tak a awm hi a fellowa, kan ram hausakna, ramhnuci lama kan thil neih te kan neih tam theihna tur chuan heng hi kawng tha tak takin a pawh tur a ni a. Chu chu sorkarin a tum tak pawh a ni.

Tin, heti laiah hian a bik taka han sawi pawh ka duhna thovin a aia pawimawh zawk minute 5 chhunga han sawi turch chuan a awmin ka hria. Pawisa heti zogai hi kan nei a, a lawmawm em em a. Chutah chuan tha taka thil kan tih theih zelna tura thil pawimawh lo awm te chu Himalaya tlang sang taka awm thin chuan kawrlum te lum tak tak a ha tur a ni, a lo insawn ta a, Silchar ah. Silchar ah chuan kha thawmhnaw nena a awm chuan mi fing lo tak a ni dawn a, amah leh amah kha a in-awp hlum mai ang tih a hlauhawm a ni. Silchar khawlum lai tak mai a, sahmul puan nen inthuan chu a lum bawh ang. Chutiang deuh hlek chuan a bik takin Delhi lam te khawi khawi lam atangte emaw a Mizoram ah sorkar hna lian tak tak chelhte chuan an awm tawhna hmun kha staff lam te indaih tak, engemaw facilities chungchang thua pawh thil ngah tak engkim neite kha an lo ni a. Nimahsela Mizoram a an lokal chuan kha kha a ni dawn ta lova, a thawh lampang, a implementation lam kha a pawimawh dawn a, dawhkan a fai ringawt kha chuan kawngro a su dawn lo. Dawhkan kha fai tur anih lai khan a implementation lampang kha a chak leh a ngai a ni. Chu chu hmun danga tha tak tak engkim an neihna hmun anga kha heti lai hmunah chhawm an tum chuan heng pawisa tam tak te pawh hi a tawpah chuan hman sen lohvin a kir leh mai dawn a ni. Chuvangin he kan ram harsa taka tlawngai taka an thawhnaah hian a implementation hi chak taka thawk turin ka han ngen duh a.

Tin, heti laia lo awmsa tan pawh pawisa hman loh a a kir leh ta hi mipui tan pawh a paw em em a. Hemiah hian engtingge hetiang thil hi a thlen tawh loh nan an hnathawk kawng hrang hrangah an lo inngaihtuah pawh a tul a ni.

Tin, heti laiah hian Demand No.41-ah hian an sawi viau tawh naa, hei hi ka duh ang zawng deuh hlek a han sawi ve ka duh a. Harsatna Loan chungchang thuah sorkar hnathawkte awlsam ve theihna tura tam sawk an tih na kha chu tha ka ti tho nachungin kha mai kha ni lovin an hmuh ang ngei ngei tur pawh hmu tha thei lova hun rei tak tak te pawh an ngak niin a lang a. Chuvangin sorkar hnathawkte hian an hmuh tur ang tlem te pawh hi an hmuh thuai theihna turin sorkarin thil ruahman sela tih hi ka rawn ngen duh bawka ni. Ka lawm e.

PU K. LALSANGA : Pu Deputy Speaker, hei vawin ah hian sawi tur tam tak ka nei ve a. Ka hmaah khon member zahawm tak tak ten an bial chanchin an sawi nual a. In hmuh ang hian MLA ah a naupang berte zinga mi ka ni a. Tin, thenkhatin an sawi danin a naupang ber a zuan zang awm ber bial hrehawm ah kan dah che an ti a. Chutih laiah bial hrehawm ber kan awmna changkan lohzia te kan hmu a, kan sawi hi implement anih si loh chuan kha kha a tengkai dawn lo tih a Chiang a. Nimahse vawin ah hian ka bial hrehawm-zia leh changkan lohzia sawi vak ka tum lova, kan Officer te leh kan Minister in-charge te pawhin ka rawn sawi te ngun taka min lo ngaihthlak sak ka duh a. Amaherawhchu nikum lamah leh kumtir lamah te pawh hmun thenkhat khatah te pawh ka sawi tawh a, tun kan Budget ah pawh a tel ngei ka ting a. Mahse vanduai-thlak tak main ka hmuh sual anih loh chuan, thil pawimawh tak, ka bial Lungsen ah chuan I.B. a awm mumal lova, thlenna tlak pawh a ni mang lova. Hei hi siam a tul em em in ka hria a, min lo hriat sak sela ka duh a. Hmanni-ah kan Development Minister nen kan va kal a, thlenna tlak pawh a ni mang love. A awmzia chu kan Minister pawhin a hre Chiang viau ang, chuvangin chu chu min lo hriat sak se ka duh a.

Tin, thil dangah chuan Mizoram in hma a sawn chak theih nan hetiang kawng hi kan zawh a tulin ka hria a, suggestion han siam tulin ka hria a. Tunah kan Budget ah leh pawisa lokal zel tur leh alo kal mek ni bawka mahsela Bulldozer 4 lei a ni a, a lokal mek a ni a, mahsela hei hi Mizoram tan ala tawka lo em em in ka hria. Hetiang thingtlang ram hmun kilkhawr siam tha tur chuan Bulldozer tam sawk kan mamawhin ka hria. Hei hi a neih theih dan kawng harsa viauvin hriat a ni a, mahse kan Minister te leh kan hnathawktu ten a tam sawk neih theih dan kawng lo zawng hram turin ka ngen duh bawka a. Tin, Chutiang bawkin Road Roller pawh kan mamawh em em bawka a, tunch 14 kan nei niin ka hria a. Hei pawh hi Mizoram pum tan chuan ala tawka lo em em niin ka hria.

Tin, P.U.D. Truck pawh hi kan mamawh hlein ka hria a, hei pawh hi 10 lei thar a ni tiin ka hria a. Heti laiah hian tlem han seh tel ka duh a, a thar pakhat chu Lunglei lama lo phei ve tur niin ka hria a. Hei hi a tlem lutuk deuh hlekin ka hria, a tlem berah pathum chu lo phei ve se ka duh a. Tunah Lunglei ah sawn Truck a tlem em em a ni. Hei hi kan sawi tel hlek duh a ni.

Tin, Water Tanker hi pathum neih belh tur awmin a lang a, hei pawh hi Mizoramah tui harsatzia kuminah kan experience tawh a. Chuvangin tam sawk nakum thal pawh a service theih ngeina tura alo thlen theihna turin chak zawka kan beih zui ngei vawin atangin tulin ka hria.

Tin, Mizoram a kawnglah kana a lo chak zawk theih nan explosive hi chak zawk a kan hmuh theihna kawng nasa lehual a bei turin ka ngen zui duh bawka.

Tin, thil dang leh deuh hlek, tun ami nena in kaihhr-wih em? ka hre chiah lova. Telephone hi kan r i tha thei lo em em a. Abik takin lunglei ah sawn wawin thlengin kei pawhin ka la nei thei lo a ni, hei kan tan chuan a pawimawh em em a ni.

Tin, a dang lehah chuan, P.D. ah 507 Scheme ah pawisa a tam thei ang ber kan han khungluh hian Mizoram chuan hma a sawn chak em em ka ring.

Tin, chubakak Mizawl khawpui Revenue lampang chan a ni mai ang chu. Hemi ka han sawi hi mi dang pawhin in hmuh fo thin a nih ka ring a. Assam Rifles hmun Zemabawka atanga han thlir a hmun ruak zaupui aum hi, keimahnin kan khawih theih loh nimahse Mizawl hmel a ti chhiain ka hria. Chuvangin saw saw hmun ruaka a aum reng saw felin ka hre lo. Keini Civil in kan duh duh a kan hmang thei lo, anih pawhin anni pawhin in sa tal rawh se, chuti lo chu Mizawl hmel a ti chhiain ka hria. Chu chu kan ngen duh bawka a ni.

Tin, nichinah member zahawm takin, Pu J. Thankung a khan a rawn sawi tawh a, kha kha ka rawn thlawp duh a. Tipaimukh kawng lam chak taka hma a sawn theih nan Tuivai ahkhan Ferry tha tawka rang taka dah ni sela. Tin khi pampang khi kan ram then zelnaah kan dawr zelin a rinawm a. Chutichuan Mizoram House Churachandpur ah aum sela ka duh a. Hei hi Mizoram House tih ngawt chu a fello mai thei a, Mizoram Rest House tia dah ka duh a ni. Chu chu ka rawn sawi duh chu a ni e. Ka lawm e.

\*PU S. ADYU : Pu Deputy Speaker, P.D. hi Mizoram hmel ti danglam thei hnathawktu pawimawh bera kan neih a ni a. Chutah chuan Technical staff te kan nei tlem em em a. Hnam dang atangin mi engemaw zat kan la lut a. Tichuan tun lai kan ram buai ah phei chuan nasa takin hnathawh a ti harsa a. Tu te emaw nin P.D. a SDO Saitual ami an lo that ngawt hi pawika ti a. Chu chuan hna tam tak a tibahiah a. Tun hnuah reng reng hetiang thil hi thleng tawh lo se ka duh a ni.

District-wise in han thlir ila, P.D. leh PHE ah hian Chhimituipui a chan a chau em em a. District pathum zinga hnufual ber leh kawng mumal pawh aum lohna ni zawk thin hi tuna kan Ministry hian chak zawka tan min laksak ka duh a. PHE Department ah hian a bik takin kan District Headquarters Saiha ah pawh hnathawktu kan nei lova. Chowkidar pakhat leh Peon pakhat chauh an aum thin a. Quarter, U.F. kan neih tirha di in an rawn sak pawh luah lohvin tunah hian a mawih chhe vek tawh a, repair pawh a ni lo, maintain pawh a ni lo. Luah pawh luah lohvin chutiang chuan a ral ringawt mai a ni. Chuvangin he lampang hi fan min laksak a, kan District Headquarters Saiha ah tal hi chuan khawh tui min laksak a, a hma lama hna min thawh sak ka duh a.

\*Speech not corrected

.....(24)

Tin, Electric thuah chuan Chhimituipui ah chuan Lawngtlai leh Saiha chauh tih en phal a ni a. Tuna Budget ah hian Chawngte pawh tih en tum a ni tih a lang a, lawmawm ka ti hle a. Chutah chuan Lawngtlai khaw lian vak loveh sawn, Veng khat, Balhla Kawn, Lawngtlai khawchung ni sin tih en theih lohvin a awm a, chungte chu kan Ministry hian min lo hriatpui a, eng min lakluh sak ve ka duh a.

Tin, P.D kawngah, Lawngtlai Chawngte Road tih tun hmain a awm thin a, P.D in 10 KM an lei tan chauh a, hnuchhawnin a awm ta a. Chu chu tutenge thawk sui ang tih Chiang lovin, thenkhatin BRTF in an la dawn an ti a, a thenin P.D in an chhungawm ang tihte a ni a. Tun thleng sawn enkawltu awm lovin kum thum chung a awm tawh a. Chuvangin kan District Council Headquarter te intlawh pawh na tur leh kan kawng pawimawh tak anih avangin a chhungawm dan a ranglama min lo en sak turin ka han ngen duh bawh a ni.

Tin, Chhimituipui District anih ang ngeiin Mizoram a lui lian berin a luan tlang a; tichuan tui chhak leh tui thlangin min then a, chu chauh ni lovin a chhim tawp lam phei chu fur tui len chang phei chuan Mizoram pumpui atanga cut off in kan awm thin a ni. Chuvangin kan sorkarin Lei-dawh dan tur min ngaihthuah sak ka ngen bawh a. Tin, chumi an leidawh hma chuan Kawlchaw kaiah leh Saiha kaiah khian Mar Boat Engine pahnih emaw tal min dah sak turin ka ngen duh bawh a ni. Chuti lo chum mipuinn harsatna nasa tak kan nei thin a, fur alo ni a, tlangram kan nih bakah thil tam tak thiar te kan duh a. Bungrua thiar chu sawi loh mihring pawh kan kal thei lo a ni. Chuvangin min ngaih pawimawh sak ka duh a ni. Ka lawm e.

\*PU BU LHRANGA : Pu Deputy Speaker, nimin lam atanga Budget discussion kan tih khan a tlang-puiin lawmawm hlein ka hria a. Popular Ministry kan neih a chinah kan ram mipuite mamawh leh kan ram hmasawmna sut kianna tura pawisa pawh alo pung chho leh ta hi thil lawmawm tak niin ka hria. Ka hmaa member zahawm tak tak ten an sawi ang khan heng pawisa tam tak takte hi kan duh leh kan mamawh zawng zawng phuhruk tur chuan a tawh kan ti lovcng. Chumi kan duh leh mamawh phuhru tur leh sawt taka hmang tur leh thawk tur chuan a pawisa hi a pawimawhna ah pakhatna ni sela, a pahnihna ah chuan a thawktute an ni fo ang tih a hriat a.

Tin, Electric chungchang thuah hian kan sawi ve deuh hlek ka duh a. Hei hi Electric Supply chungchang thuah kan duh thu a sam lohgia mai chu kan hre tlang a, tin, a mawhphurtu te pawhin harsatna an tawh te pawh kan hre tlang a. Amaherawhchu tuna kan neih ang angah hian a thawktu te hian mipuite harsatna su kiang zawng hian thawk sela ka duh ngawt mai. Chu chu a entirna han sawi ila. In tinah eng kan la lut a, chutah chuan Internal Wiring chungchang thuah chuan minrawn siam saktu te mawhphurh a ni an ti a. Chu chu kan ina lakluhna defect engemaw a awmin buaina kan tawh thei fo thin a ni. Chutah chuan complaint ah Power House ah kan va sawi thin a. Amaherawhchu vawi li vawi nga te va sawi a ngai tlat a ni. A chang chuan sawlai kan hotute leh Electric lam enkawltute au ei tur chuan MLA te pawh kan in ruai thin a ni.



Chuti khawp chuan maintenance chungchawp  
thawktu te sawn an ngaihtuah lo niin ka hre tlat a. Hei  
thenawm vel an en a, mahni in a en loh chuan kan mangang  
a, kan va au thin a ni. Nimin lekah khan, keipawh  
Session lai a ni a, kan Budget te pawh zanzah chhiar  
ka duh e tiin, ka va phone a. Min Registered sak emaw ka  
ti a, ka complain kha. Nimin zingah chuan kan zawt leh a  
min lo la tihsak leh lo a. Nimin tlaich khan ka va au leh  
a, ka vawi thum auhna ah ka va au chhuak a ni. Chutiang  
chuan indaih loh vang pawh ni lovin, duty negligent  
avangin mipuite hian minor defect Lineman ni si lovah hian  
mipuite harsatna min thlen thin a ni. Chuvang chuan  
sawilala a maintainance a mawhphurtu te sawn tlemin mi  
ngaihsak deuh zawngin an duty ti tha deuh se, chutiang  
chuan mipuite pawhin tuna kan dinhmun ang angah hian  
hlimna, lungawina leh hriat thiamna kan nei thei ang tih  
ka ring a.

Tin, chu lo lehak chuan Retirement Benefit tih  
chungchang thuah hian awkai ka ti dawn emaw ni, chutiang  
dinhmun harsa tak tak chu an awm a ni. Entirnan - kum  
1972 ah Mizoram chuan U.T. niin indanna a lo nei a. Tichuan  
Assam a sorkar hnathawk thenkhatte U.T. dawn tep a pension  
a chhuak, amaherawhchu an pension tihfel hmaa Assam atanga  
chhuak ta si te, khang khan harsatna an tawh a. Tin,  
chubak ah chuan buai thim chhah laia sorkar hnathawk  
thenkhat vanduaia lo tawh ta leh boral ta te, sorkar  
atanga engemaw benefit nei tur kum 1966 atanga kum 1969  
thlenga mi tam tak takte an chhungte benefit nei ve tur  
kha Assam sorkar hnuaiah tihfel hman lohvin a awm a.  
Chu chu Assam sorkar a an service lai kha a ni a. Tichuan  
a bawh sui tur chu nu mawl tak takte, an fate an ni a,  
a kawng pawh hre lo te an ni. North Eastern Organisation  
Act ah khan Mizoram U.T. anih hnua hemi Mizoram chhunga  
Assam Government Assets leh Liabilities reng reng chu kan  
Sorkar khan a rochun tur a ni. Amaherawhchu Assam sorkar  
a thawk an nih chuan Assam sorkar-ah an thlen tur a ni  
tiin helam panga kan hotu ten an lo hnawla, Assam sorkar  
lamin U.T. in ni tawh a, hengte chu kan mawhphurhna a ni  
tawh hlei nem ti a an lo dan leh bawh, khating mihring  
kha an awm nual mai a. Hetiang te hi mi vanduai, mi  
khawngaihthlak an ni a, Assam sorkarah an thawk a,  
Mizoram sorkar lahin Assam sorkar an lo mawh bawh si a.  
Chutiang mi awkai te chu an awm nual a, chungte chu tuna  
Retirement benefit kan sawiho lai khan kan sorkarin  
ngaihtuah hmasakah nei sela thil duhawm tak niin ka ring.

PU ELLIS SAIDENGA : Pu Deputy Speaker, hei vawina Demand  
kan sawihona hi thil lawmawm tak  
niin ka hria. Heng Demand Minister-in a rawn siam te hi  
a tha hlein ka hria. Chuvangin a tlangpuin pass tawp  
mai hi thain ka hria.

Ka rawn sawi ve duh chu, Demand No.30-na  
'Road and Bridges' tih hi a ni a. Hei hi a pawimawh  
khawp mai a. Ka hmaa sawitu te khan anmahni bial chhung  
chungchang thu an sawi deuh thliah thliah a. Mahni bial  
theuh kan sawi hian Mizoram pum alo huam a lo ni reng  
mai a. Chuvangin kan tihawm tak pawh niin ka hria.  
Chuvangin ka bialah chuan South Vanlaiphai kawng BRTF  
KAWNG Mizawl leh Lunglet pawhtu Truck Road siam a ni  
a. Tah chuan hun rei tak an bei tawh a, amaherawhchu  
South Vanlaiphai bul lawkah khian 2Km emaw 3 Km lek emaw  
tih chhuah loh a awm a, a dang chu Truck kal theihna vek  
a tih chhuah a ni tawhin ka hria.

Hei hi rei tak mai chhehchhawlin a awm a, tunah pawh hian a Department an beidawng ta hial emaw ni chu aw ka ti a. Hei lai thui lote tlang mai thei ah hian kan sorkar hian tan la lehgwai sela ka duh a, a Minister concerned leh a Department te pawhin min lo hriatpui se ka duh a. Tin, chumi kawng vekah chuan lui lian tak Chhintuipui lui khi a awm a. Khi khi lawnga motor hruai kai a ni a. Amherawh chu Tui a len chang chuan a kal theih thin loh a ni. Tin, kan hriat angin South Venlaiphai khi tuipuiin a kual khunga, fur tui a len chuan khiti laia mipui khi an tang thuap mai thin a ni. Chuvangin leilawn buatsaih ni sela, kan sorkar hian ngaihtuah hma thei se ka duh bawh a. Tin, ka bial chu kan hmca sawitu te kha chuan Silchar nena kan ramri thu an sawi a, keia bial chu Burma nena kan inri-na ramri a awm a ni a, khawchhak tawp a ni a, a harsa khawp mai. Tin, thingsai te, Cherhlon te leh Bualpui te kal tur chuan hetah Aizawl kalkawngah kan kal a, Aizawl kan thleng dawn emaw tih hnuah Keitum kawng kan thleng a, hetah Borth Vanlaiphai lamah kual chhovin Hnahthial zawn velah kan han inbun thin a ni. Chutiang khawp chuan kalkawng hi a harsa a, hnaitin Thingsai leh Hnahthial inkar hi motor kal theihna in siam theih a ni. Tin, a kual em avangin motor a kalte pawh ke-a kal pawhin an thlen khah thin a ni. Chutiang chu a ni a. Hei kan Budget an kan en hian Construction and Survey tih a lo in zick dawn emaw ka ti a, mahse survey tur chauhin a lo in zick a. Hetah hian kan sorkar hian tan lak a tul em em a ni tih hi an hriain ka ring. Chuvangin thehtawp chhuah turin ka han bengwar duh bawh a.

Tin, Demand No.21-na Public Health tihah hian kan sawi tlangpui chu tui harsat thu hi a ni a, Aizawlah te, Lunglei ah te leh thingtlangah te pawh a harsa a ni. Tah hian kan sorkar pawhin tan a la hle a, engemaw chenah chuan. Kum sawm chhung chuan thingtlang khawtinah pawh tui chu sorkarin a supply tha hle ang tih hian min hnem ang reng viau a. Amherawhchu hei hi a hmanhmawh thlak ang reng hle a ni. Kumtinin Lunglei leh Aizawl leh hmun hrang hrangah Truck a tui chawin pawisa tam tak kan sorkarin a seng a. Hei lai hi tlema a sen tlem theihna deuh tur ka lo ngaihtuah chu hei a ni. Department hrang hrangin an tih angin Public Health hnuah, water supply thuah hian Lunglei leh Aizawlah emaw te hian mimal tan tuizem khawrna Loan emaw hi pek ni ta sela, chu chuan mipuite harsatna zualpui chu a tihfel theih ka ring tlat a Chu chu tih hlawhtlin theih anih chuan a tha khawp ang. Tin, Lunglei ah Water Supply pump chhuah turin Flawng Survey a ni tawh a. Survey zawhna pawh a rei viau tawh a. Amherawhchu tui kan la tlachham hle a. Sawmi Flawng pump chhuahna turah sawn tih tak takna survey zawh hnuah pawh tih a la ni lova, chu chu kan hotu ten an hre Chiang viauvin ka ring. Chu chu tih thuai pawh a nih ka beisei a. Chu chu kan sawi nawn leh duh bawh a.

Tin, Public Health hian a huam chiah em ka hre chiah lova. Amherawhchu lo huam lo pawh ni ta se, Public Health a hming han lam chuan a huam hmel viau a, huam lo a nih chuan huam tir hram nise a tha viauvin ka ring a, Sanitation chungchang thu hi a ni a. Kan khawpui kawtlai te hi a bawlhhlawh khawp mai a, hengte hi tih thianghlim dan kan kan ngaihtuah hi a ngai a. Chuvangin heng sanitation hi Public Health ah hian a beh theih chuan tui non a tan lain a tihthianghlim theih lehgwalin ka ring tlat a ni. Chu chu ni mai se, ka lawm e.

PU H. RAHMATI : Pu Deputy Speaker, ka hmaa member zahawm tak tak ten an sawi kha kan sorkarin a hria ang a. Ka sawi de duh chu Demand No.10-naah hian Chhimtuipui District ami Chawngte kha, Treasury Office awm angin nikum lamah te khan alang tawh a, kan lehkhahu ah hian. Mahse vawin thlengin a la awm lova, Office reng reng hmuh tur a awm lovc. Tin, Staff pawh an a ni lo a ni. Khang kha kan sorkarin kumin lamah a rang lamin min hawn sak se tih ka duh a. A chhan chu Chawngte atanga Lunglei han kal fo emaw, Saiha Treasury rawn fo mai hi a harsa lutuk a. Chung chu kan Budget awmsa a ni tawh a. Chu chu kan sorkarin a rang lama min hawn sak ka duh leh a.

Chulo lehah chuan Lawngtlai Sub-Division Headquarters ah sawn Treasury Office hawna tur proposal a awm lova. Lawngtlai saw khaw lian tak a ni ve a, Fawi District a khawthlang lama khaw lian ber a Headquarters a ni a. Tah chuan State Bank te pawh Branch hawn a ni tawh a. Hmanni deuh phei kha chuan State Bank a thawktu te an awm loh awangin sorkar hnathawk tam tak ten hlawh an lak theih loh phah a, a chhan chu an Bank kha an khar tlat vang a ni. Staff an awm lo a, hawn theih a ni si lo. Pawisa an la chhuak thei lova, hlawh an la thei lo a ni. Chutiang chuan District Council Staff te pawhin harsatna an tawh phah a, Aizawl tlang an rawn thlen phah a. Chung chu kan sorkarin hre rengin kum leh lamah te chuan Budget a min khung saka min ngaih pawimawh sak ngei ka duh a ni.

Tin, chulo lehah chuan Saiha Chhimtuipui District a Office thawktu te an tlem deuh hlek a, Budget ah chuan a ngai reng a ni tho naa, Plan atang pawhin a tih theih tho ka ring a. Staff te an indaih lo em em a, hna a kal chak lo em em a ni. Chung chu kan sorkarin min hriat sak se tih hi ka duh a.

A dawt lehah chuan Arunachal Pradesh-ah te an tihdan ang hian kan Mizoram ah pawh hian ti ve se tih ka duh a, chu chu Treasury Officer te, District Treasury Officer te leh Sub.Treasury Officer te reng reng hi Vigilant Officer ah appoint ni hlawn sela, ka duh a. A chhan chu sorkar laipui, Chief Secretary atangin control vek a ni a, a hnuai lamah engmah Officer tenau dah a awm lo reng reng a. Chuvang chuan sorkar hnathawk ten case nei ten harsatna an tawh phah a. Chuvangin kan sorkarin kan Treasury Officer te reng reng hi Vigilant Officer ah State dangah te pawh an tih dan a ni ve tho va, min appoint sak sela. Tichuan, nakinah thubuai nei te leh mi dang te reng reng pawh thil a awlsam zawk theih ka ring.

Demand No.18-naah hian ka hmaah khan member zahawm tak tak ten an sawi tam tawh a. Mi an thih hnua pension thu la fel lo te pawh ala awm a. A hming han sawi dawt mai ila, Pu Deputy Speaker, a rem loh chuan nakinah ka withdraw leh mai ang. Pu Bilhranga phei chu a thihna a rei tawh a, tun thleng hian a pension case ala fel lo a ni. Tin, Chhimtuipui District ah sawn pahnih pathum tar chaw tawh tak tak, pension na pawh rei tawh, mahse vawin thlenga pension-na la tihfel loh a la awm a. Chungte chu kan sorkarin a rang thei ang bera an pension case a tihfel ka duh a ni.

Tin, Electric eng chungchanghah khan tam tawk an sawi tawh bawk a, mahse kan sawi duh dan a inang lo mai thei a. A then, ka hmaa member zahawm tak tak ten an sawiah kha chuan kan thenawmte an eng a, tih dawr vel a ni a. Mahse Chhimituipui District Headquarters Saiha-ah sawn Electric khawl a awm lo reng reng a, Lawngtlai atanga chhit en ve chauh a ni. Nichina Saiha bial Member zahawm takin a sawi ang khan Lawngtlai atanga chhit en ni siin, Lawngtlai chu town-a an declared ve tawh Balhla -kawn te chu tih en loh a ni a. Khangte kha kan sorkar-in min en sak ka duh a. Tin, chulo lehah chuan Saiha atanga hnei te Bualpui, Ngunlinga Bualpui an tih mai, chung chu Pawi District Sub.Headquarters a ni a, khawpui lian ve tak a ni. Chung pawh chu kan sorkarin Saiha atangin Plan atangta talin min chhit en sak se, electric ban pawh a ngai tam lovang.

Demand No.39-naah khan leilawn chungchang a ni a. Chhimituipui District saw khawvel atanga mel thumach kan awm emaw tih mai tur hian fur tui len lai chuan a buai-thlak a. Khawvel atangin kan indanghrang viau ta nghe ngha a. A chhan chu Chhimituipui ral kan ni miau a. Kum 1972 a Lunglei a chanchinbu pakhatin Chhimituipui ral, hnuchhawn ram tia a chhuah kha ka hre chhuak vang vang thin. Mahse Darzo Ferry, Darzo kaiah te leilawn tur tein kan sawrkarin ala ruahman a. Tin, Saiha leh Lawngtlai inkarah sawn BRTF hovin leihlawn dawh an tum a. An inpeih fel vek tawh a, harsatna pakhat an nei a. Chu chu Geological Survey of India in tui hnua lei awm dan kha an endik a ngai a. Chuvang chuan tun thleng sawn dawh a ni ta lo a ni. A chhan chu kan ram buaina avang a ni. Shillong ami Geological Survey of India mi leh sa lokal tur a ni a, an lokal ngam lo a. Chuvang chuan Saiha District pumpui ti mai ila, khawchhak Tuipui ral ami te saw khawvel pawna kan awmna chhan a ni. Chungte chu kan sorkarin a rang lamin, chung kan Geological Survey of India member te chu engtin tin emaw hrui dan min ngaih-tuah sak sela ka duh bawk a ni.

DEPUTY SPEAKER: Tunah Pu Lalhmingthanga kan ko ang a, hun kan ngah vak lova. Engemaw kan member te hriat chian loh kha han hriihfiah sela. Dar khat hi ban hun a ni a, khami hma khan pass thei ila a tha ang.

PU LALHMINGTHANGA,

MINISTER : Pu Deputy Speaker, member hrang hrangin sorkar hnena rawtna leh kan ram hmasawn chhohna zel tura an ngaihtuahna ding tak tak leh thil pawimawh tak tak an rawn sawi kha a bengvar thlak hle a. Member hrang hrang ten point thenkhat an rawn sawi thenkhat te kha ka theih ang anga han sawi fiah ka tum ang a. Tin, Chumi ka sawi hma chuan he Zoram rorelna khawl pawimawh ber leh sang tak maiah hian Zoram mipui aiawhte kan awm a. Kan ramin hma a sawn zelnad a kal chhohna kawngah hian thil thenkhat han sawi chhuah ka duh a. Budget kan han discuss atanga, a dang kan han discuss chhoh leh zel ah khan sawi tur lai pawimawh tak mai, mahse member te thinlunga lang meuh lo a awm niin ka ngai a. Nei tunlai khawvel pumpui hi hmasawna lama intlansiak nasa em em a. Kan vel ram dangte umphak tumin tunah hian tlan kan tum a, ke kan chhep ve a ni a. Chumi thuah chuan a hlawhtlinna hi sorkar hrucitu te emaw, sorkar emaw hnathawktu te emaw kutah chuah dah theih lohna lei a awmin ka hria.

Hemi ram hmasanna leh kan tih tur reng reng a hi mi thiam  
ten an sawi dan chuan a bik takin mipui te programme a  
nihna lai a lian em em a ni. Chuvangin he House ah hian  
mipui te hi kan hnathawhna tura min puitu tha tak an nih thu leh  
an Co-operation pawh kan mamawh thu hi kan sawi tam  
pawh a tul ve a ni. Tunah Minister dang te pawhin  
Demand an rawn siam chho zel ag a, nimin lamah te pawh  
kan sawi tawh a. Tunah Demand kan han siam chhoh  
ho te hi kan ramn a capital, a inngahna tur kan hmanrua  
tur a ni. A piyah lamah hi chuan kan sorkar  
hnathawk a te ber atanga a lian ber thlengin neitu nihna  
thinlung nei a, tih tak zet a, heti laia thute pen hian  
kan thawh a ngai a ni. Chumi piyah lamah chuan a field-  
ch mipui ten . . . . . neitu nihna  
thinlunga an thawh a ngai ve leh bawk a ni.

Tin, thil thenkhat han sawi leh ila. Ram hrang  
hrang, hnam hrang hrangte zingah hmasawna lo kal chho  
leh an dinhmun reng reng . . . . . chiang taka kan belh chuan,  
sorkar leh sorkar hnathawktu te leh thluak hmangtu ten  
thling ro khawpa an ngaihtuah hnua, tha hman min chal  
leh hnungzanga thlan luang zawih zawih a an beih a,  
generation thar zel a rahbi engemaw . . . . . tuk chho zel a, sawitea kal  
chho in khawvel hmasawna hi tundin a ni tih hi kan hriat  
a pawimawh em em a ni. Entiran - Khawvel ram pumpui a  
ropui tak taka kan ngaih, heng British tih ang te,  
Russia tam tih te leh America te leh rang dang reng reng  
pawh hian a thawh hahna atanga . . . . . Spunik kah chhuah  
te Specemen kahchhuah te, an in tha te, engkim mai an ram ro reng  
reng . . . . . an chher chhoh a ni. Chutiang tho chuan India  
ramah pawh zau sawka kan thlir chuan India khua leh tut  
te hian keimahni nihna tur phung hi kan siam chho a, chutah  
tualehhung keimahni dinhmunah Mizoram bikah lo lut ve ta  
ila, chutiang tho chu kan hmabak, kan pumpelh theih loh  
thil chu a ni ta a ni. Tichuan, Mizo pawh a hnam pumpuiin  
hmanah miten motor khawl an thiam a, thlawhna khawlte an siam  
tawh lai khan keini chu ram hmuh chhuak loh ang titihin  
kan awm a. Chumi hnua khawvel eng kan han hmu a, mi te  
thil tihtheihnaa kenin kan awm a. Vawina he Hall a thute  
ngei pawh kan thawmhnaw inbel te leh kan chaw ei te leh  
thil dang reng reng hi ngun taka kan zuk en chuan keimahni  
a product a la ni-lova, keimahni kuttanga chhuak ala ni  
ta lova, mi te min khilai ala ni ta nghe nghe a ni.  
Chuvangin helaiia kan discussion hi var zau deuh sawk leh  
mipuite pawhin tihtur an nei a, khatah khan role pawimawh  
play tur an nei a ni tih hi kan vai zau deuh leh kan  
hriattir hi kan mawhphurh a ni tih kan hriat a tul a.  
Sorkar tih tur tia kan tuk zawng zawng hi tih loh tur  
tihna ni chuang lovin, a lehlamah chuan Zoram mipuite  
hnenah pawh he House hian an mawhphurhna a pek a tul  
in ka ring. A chang chuan hetiang hian ka ngaihtuah  
mai mai thin a. Hemi Budget leh Planning thua hian  
Tarlok Singh Commission teh hnathawh dan tur min siam  
sak kha kan chhiat pah em ni chu aw ka ti deuh a. A  
tlangpuin tuna kan dinhmunah hian Spoon feeding tih  
ang deuhvin kan Society hi a Mizo pumpui hian mahnia  
thawh chhuah aia mi hnen atanga dawn kan tumna hian rah tha  
lo chhuah chu keimahni a sengtu tur kan ni leh tho  
dawn a ni. Chuvangin heng Budget te leh kan Plan hrang  
hrangte min tih hlawhtlin puitu tur chu mipui an ni tih  
kan sawi tam a tul a ni.

Kan sawi hrang hrang a kha a dik em em a, fund hit leh lo tur hnathawh leh ruckman chu administration atanga tihmawh a ni, amaherawhchu P.D a kan programme te, Agriculture a kan programme te, Industries a kan programme te, reng rengah kha an aiawha min thlangtu<sup>m</sup> a an responsibility hre lova kan dah a, he House hian kaihhruai kan tum anih chuan hlawhtlinna tak tak, real achievement a awm har em em eng. Chuti chuan kan discussion kal chho zelah hian mipuite chh<sup>o</sup> tur leh he Zoram Government programme te tipuitling tur hian an mahniah. khua tui chhenfakawm mahni ta ang hnathawk, sorkar sum chu a sum, sorkar kawng chu a kawng, sorkar building. eng a ngaih theihna dinhmuna/ah<sup>m</sup> chuan heng Development Programme leh thil dang reng reng hi a hlawhchham duh em em dawn a ni. Hei hi, ka han sawina chhan chu kan discussion var deuh zawka a kal a, in virtirna thar/ chu<sup>m</sup> in virtirna that leh kawng thar kan siaah chuan mipuite Psychologically a an pen thiam theihna turin vawin hian rawtn<sup>m</sup> otherka sicm nghal bowk a ni.

Member hrang hrangin an rawn<sup>m</sup> kha ka theih angin ka'n sawi fiah dawn ang e. Explosive thu hi India ram pumpuiah pawh a harsa hle a, Mizoram bikah mai a ni lo a ni. A pawimawh em em a, hemi tel lo chuan kawng sial zung zungte a harsa a ni. Mahse nikum lamah khan Factory atanga production te/eng engemaw strick te avangin a chak tawk thei lo va, tichuan, keini pawhin chu a chak tawk lohna chu tunah hian kan tuar ve ta a, kan tlachham ta hle a ni, Mahse tum dinhmun takah hi chuan order hmum thum kan siam tawh a, Indian Explosive Ltd. ah tih mek a ni a, mahse kan duh anga tam chu a ni lova. Engpawh nise hei hi chuan engemaw chenah min chh<sup>o</sup> viau chuan a tinawm a.

Tuna kan Budget ah hian khawl chi hrang hrang leina tur atana pawisa ruckman kha nuai sawm a awm a. Hemi hi chuan member hrang hrang ten an ngaih pawimawh tak tak khawl chi hrang hrang kha lei theih chin chu lei kan tum ang a. Nikum khan Stone Crusher 8 (pariat) kan lei a, Air Compressor 11 (sawm pakhat) kan lei a, Rock Driller, a verkhna te nen kan lei a. Hengho hi nichina a hma lama kan sawi ang kha vawikhata lei tawk theih a ni lo a, zawi zawia kan khawlkhawm a, ram ro singa kan telh luh zel kha a ngai ve pakhat a ni.

Tin, Building material, GCI Sheet tih te, ACC Sheet tih te, MS Rod tih te heng ang ho hi kan lei chho zel a, mahse tun hnai lawka Silchar leh Mizawl inkara harsatna a awm avangin Transport lam a harsa a, tunch hian heng GCI Sheet te, ACC Sheet te hi Zoram thleng thei lovin Silchar ah ala awm mek a. Chung chu a lak chhoh dan sorkarin a ngaihtuah mek a ni.

Tin, Member zahawm tak Pu Vadyu a rawn sawi, Lawngtlai atanga Diltlang kawng tih kha, 1978 velah khaan BRTF hnenah hlan ni se ti anga thu a lo awm tawh avangin kha kha beih chhoh zel a ni. Tun Budget ah hian pawisa a awm a. BRTF in Agency basis in lei tur a tih tawh an ni a, tun atanga rei tak lovah hian khami kawng kha chu laih tan a ni ang a. Amherawhchu khami kha a pawisa chu kan tum tur a ni ang a. Nikuma Ministry reilo te a din chhung leh President's Rule chhung khaan Home Ministry lamah pawisa kan zuk dil a, engemaw chen chu a hlawhtling a.

P...D. in a lo lath tawh 10 Km. kha an rawn chhonzawm dawn a ni. Tin, Diltlang - Chawngte Road tih kha tuna kan Budget ah hian a tel lo a nih pawhin Sixth Plan period a tih tur Works Programme zingah chuan a tel a.

Tin, T. hingsulthlich Sub.Division chungchang thu kha Rural Electrification Sub.Division kha hawn tawh a ni a, an sawi ang khan. Amaherawhchu building lam kan la harsat avangin vawin thlengin Sub-Division kha hawn loh a ni a, tun atanga rei vak lohvah building te a awm remchang dawn a, in sawn theih a ni ang. Hemi bakah hian Sub.Division thar dang thingtlang lam tih enna tura tih chhoh mek an ni zel a. Tin, Electric eng tam tawh loh thu member tem tawkin an rawn sawi kha a dik khawp mai a. Hei kan duh angin kan ngah hauh lo a ni. A theih chuan Mizawl khawpui ah hian M.W. engemaw zat 7 emaw 8 emaw te hi nei thei ila, kan mamawh chi hrang hrang hi a tum ve thei dawn a, khawl chi hrang hrangte leh thil dang te han pawh wir nan . Amaherawhchu kan diesel Generator te leh tuna kan lakluh atangte hian ala tam lo em em a, 1 M.W. leh tlem emaw hi kan neih theih tawng tawng chu a la ni mai a. Heng hi sankhat thil thu a han tih pun theih thu a ni lova. Budget Speech a kan han sawi tawh ang khan khumi Kardam-Kalai Project te ang khu kan power lo kal leh tura kan beisei chu a ni. Khung atang te a kan hmuh theih chuan Electric Supply lam te hi a that chhoh chu kan beisei a ni a. Tunah hian beiseinain kan thawk a ni.

Chu baka ka han sawi leh duh chu, Jugali theuh theuh an hlawh a inanglo an tih kha a dik a ni. Amaherawhchu Assam State Electricity Board employees te leh hemi kan sorkarin a employees tuna la in chawhpawh si, hemi chungchang thu hi tunah rel fel anih hunah hlawh thar tur chu a foimain kan beisei a ni. Tin, tunah hian Zoram hmun hrang hrangah Diesel khawl kan neih tawhte leh la dah belh turte chu buatsaih mek a ni zel bawk a.

Tin, Technical Staff chungchang thua hlawh inang lo an tih pawh kha dik a ni. Khang ang kha sorkar in a siam that tur leh a hma chhoh tur chu a ni. Nikum lamah khan pay anomilies kan ti mai ang a, pay chungchanga rate inang lo thu hi siam that anih theihna turin Delhi ah Finance leh Home Ministry ah te pawh. pay revised committee din tura ngen a ni a, kha kha bawhzui zel ala ni a ni.

Tin, Member zahawm tak ten hemi Accounts lama kan la chak loh chungchang thu an rawn sawi kha a dik viau a ni. Amaherawhchu hemi thil hi han tih thut theih a ni leh pek lo va. State hrang hrang te, sorkar hrang hrangte hian Administration thilah hian kawng thui tak kal alo ngai ve a. Kawng thui tak kal tawh hnu pawh kham kawng thar sawn sel a ni a, Mizoram phai chu kum 1972 atang chauh khan keimahni administration kan han ti chho ve a ni a. Tunah hian kan officer ten kawng an han dap a, sawi zawin hengah hian hma kan sawn chho zel dawn a ni. Kumtinin A.G. Office ah hian mi 40 vel training turin kan tir thin a. Chu chu Batch hnih angin chu chu thlaruk ve ve ang a ni a. Tin, nikum atang kham Directorate ah train-na te pawh kan siam chho ve a.

Tin, pension lampang in rawn sawi, a chak lohna thilah te pawh khan thil tam tak sawi a awm a, amaherawhchu a pension Department a thawktu ten khang thilah khan kawng an dap chak sawkna turin ni 15, September atang khian Finance lam atangin Training te pawh buatsaih ani dawn a. Tin, Assam leh hemi kan ram U.T. Administration a a inthen hlim kha Liabilities and Assets a a inthenna chungchangah khan Pension chungchang thu hi thu tihtluk fel tak a awm lo niin a lang a. Vawin thlengin tu pek tur sawk nge ti anga inhnialna ala awm a. Emgpawh nise heng chu sorkar in a hre thawkhat a, ala bawhzui zel ang chu.

Tin, Central P.W.D Code-in kan ram a hmeh chiah lo da member zahawm takin a rawn sawi kha hetah hian a inhmeh chiah nge chiah lo tih enchiang tur hian Committee din tawh a ni a. Chumi Committee chuan an thlir ang a, a remchan lohna laite an hmu anih chuah heng hi enchihoh zel tur a ni a. Chung Committee zingah chuan tuna kan member zahawm tak takte pawh hi member an ni a, anni pawhin hetah hian Contribution tangkai tak an rawn neih chhoh sorkar pawhin a beisei a ni.

Tin, Serchhip leh Mamit Sub-Division ho la thawn chhuah loh tih ang kha sorkar chuan thawn chhuah anih theihna turin hma ala mek a, tun atanga hun rei vek lovah thawn chhuah theih kan inbeisei a ni.

Tin, Mizawl khawpui chhung bikah kuminah hian kawng hrang hranga chei that lehzualna tur leh cheibawlina tur/Pawhman a ni a. Khami kan Works Schedule ah pawh khan inhmuh ka ring a. Kha kha tih chhoh zel a ni.

Tin, Churachandpur leh Mizoram inkalpawhna tur tih chungchang thua khan mi dangtu chu lei a ni a, a kawng hrim hrim chu a tlang thei tawh a. Khitah khian Violate Bridge an bei mek a, a titu lampang BRTF te chuan tun thlasik chhung chuan an tih sawh theih an beisei a. Nakum lamah te chuan in kal pawh theih i beisei ang u.

Tin, member zahawm tak Lunglei lam a miin Lunglei lama a Loan dil chungchanga Land Settlement Certificate pek chhuah chungchang thua harsatna an nei a rawn sawi te kha a awm nge awm lo sorkar chuan chiang takin a hre lova. Amaherawhchu tunah hian Programme kan siam dan chuan Survey Party te pawh ruachtui han huk deuh sela enchiang turin kal tir kan tum a ni. Hna va thawk turin. Khang ang neuh neuh te kha member te thusawi zinga ka han sawi fiah theih te chu an ni a. Tin, a point ang zel khan dawn ta tla, Speaker hun min pek ang kha chuan hun a tam tawh lova, hei dar khat a pel tawh bawh si a. Chuvangin hemi Demand ka han moved taka kha House hian min pass pui turin ka rawn ngen e.

DEPUTY SPEAKER: Member hrang hrang 16 lain he Demand hi kan rawn sawi tawh a. Kan Minister pawh kham a hrih fiah tha hle niin a lang. Chuvang chuan kan Minister-in a rawn dilna kha Demand Nos. 6, 10, 15, 18, 21, 22, 38, 39 leh 41 kha pass remti lo apiangin 'NO' i ti ang (Member te an ngawi a) Pass remti apiangin 'AYE' i ti ang (Member ten 'AYE' an ti rual a).



Mizoram Union Territory Administrator in alo recommend tawh angin Pu Lalmingthanga, Finance Minister in Demand No. 6,10,15,18,21,22,38,39, leh 41 India Parliament in advance a alo phal tawhna nen Rs.26,29,99,000/- chu he House, Budget Session ah hian passed a ni e.

Kan chawhma Session chu chawl rih ila, chawhnu dar 2:00-ah i tan leh ang u.

Recess Till 2:00 P.M.

2:00 P.M.

DEPUTY SPEAKER: Tunch Pu P.B. Rosanga, Minister in-charge Agriculture chu Demand No. 20,29,30, 31,33,34,35 and 36 te move turin i sawm ang u.

PU P.B. ROSANGA,

MINISTER: Pu Deputy Speaker, On the recommendation of the Administrator of the Union Territory of Mizoram and w-ith your permission Sir, I move the Demand No.20,29,30,31,33,34,35 and 36 for Rs.10,72,35,000/- only inclusive of the grant made in advance by Parliament as detail given in Assembly Bulletin Part II No.49 page No.4 for defraying the expenditure during the Financial Year 1979-80 as per detail given in the Annual Statement. Thank you.

DEPUTY SPEAKER: Tunch kan Minister-in Demand No.20,29, 30,31,33,34,35 and 36 chu House ah kan discussion turin a rawn moved ta a. Member ten he Demand ah hian sawi duh nei kan awm em?

PU SAIKAPTHIANGA: Pu Deputy Speaker, kan Minister zahawm takin Demand a rawn pharh hi a tha viau a. Helatah hian tlem rawtna ang reng deuh leh han sawi duh ka nei a. Medical lam hi a pawimawh dan chu sawi ngai lovin kan hre theuh a, Doctor te duh angin an la indaih tawh lo a ni tih Chiang takin kan hre theuh a. Kan doctor te kan han dah vel danah hian a proportionate lo deuh em ni tihna ka nei a. A chhan chu hmanna ka sawi tawh ang bawkin khawthlang lamah khuan Doctor an vang hle mai a. Office lam ka'n dewr kualin hun rei tak atang tawh khan kal tura ruahmanna chu awm awma tihna chu awm niawm tak a ni. Mahse vawin thlengin Doctor ala awm lova. Chu chu kan sorkarin hmun kil-khawr ah te Doctor dah uar hram hram se thain ka hnic.

Tin, Fishery Department hi thawktu an indaih lo hle anih ka ring a. A chhan chu, mahni bial lam han sawi lan hi a awl deuh a, khulai phairuam lamah khuan Sangha te pawh an khawi a, an uar em em a. Private-in, Cachar leh Tripura atanga a chi lei tein tha tak an nei hlawn a. Maherawhchu sorkar lamin a enkawlina hi an thawh tawh lo hle a. Khumi khawthlang han tih theih deuh zawng, Lizawl thlang lam hi Demonstrator pakhatin Lengpui atangin a bial niawmin ka hria a. Chutah chuan tanpuina dil chungchangah te leh Sangha khawi phalna pass han lak chungchangah harsatna an nei a. Tunch sawn Office ah tam tak dilna a awm a, an dilna laite chu suk enfiah a ngai a, mahse a enpuitu tur an awm si lova.

Tahchuan dil puitling tawh tam tak pass-na pek theih loh a awm a ni tih chiang takin ka hria a. Heng kawngah hian kan sorkar hian tun cia chik lehzuala hna an rawn thawk loh an rawn chhut thain ka hria.

Hei dandawi lam kha tlenhan belh leh hlek ka duh a, Nurse te kan lak danah hian fimkhur a ngai deuh em ni du aw tihna ka nei a. A chhan chu mahni chenna than loh rama awm hi kan hreh theuh hlawn a. Chuvang chuan Nurse te kan sorkarin an la a, an training tir a. Hemi posting han siamah hian harsatna kan tawh thin niin ka hria. Chuvang chuan tunah pawh sorkarin eng emaw zah ala dawn tih kan hria a, an interview a. Hengah hian thingtlang lam mi an lo training chhuah pawh thingtlang lama awm duh tur ang chi hi sorkar hian duh sak thei sela tha hlein ka hria a. Primary Zirtirtu lamah pawh hian, inang lo mahse, hengah hian sorkar hian uluk zawk thila tih hi thain ka hria.

Tin, kan Minister-in min lo hriet sak se tia ka duh chu, khumi ka bial lamah khuan dandawi avang em em ringawt mai a, a hnathawktu te chu engemaw zah kan nei neuh neuh a. Mahse chung chuan thawk ngaihna an hre chuang lo a ni tih min lo hriet sak a, tamwin lo laksak turin ka han ngen duh a ni e.

\* PU J.A. ROTRUAMZ E PU Deputy Speaker, hemi vawin chawhnuah kan han sawi khawm tur hi thil pawimawh tak tak a ni hlawn a. A hmaw berin Demand No.20-na Medical chungchang thuah khan sawi duh ka nei a. Mizoram ah hian hrisei lohna Malaria khawthlang lamah khuan a la tam em em a. Sairang ah pawh Malaria avangin chawhker khat chhungin pathum lai an thi a. Chutiang khawp chuan a bikin Mizoram ah hian kan la do hneh lo a ni a. Tin, Damlai kan sem dan system hi a dik tawh em tih ka ngaihtuah a ni. A quota system in an sem a, thlaruk chhung ami tur atan an pe a. Chu chu an dawmdawi sem danah khan hmun hrisei lo leh mipui tamna deuhvah khan damdawi an pe tam chuang lo niin a lang a. Chuti anih avang chuan damdawi kha reilo te chhungin an tlachham a, han lak leh mai kha, mahni quota an zawh tawh chuan harsatna a lo awm a. Tin, tuna kan ram buai chungchang hian a nghawng chhoh tak zel nen, vawinah ngei pawh hian Quinine injection tulna chi phei chu lei tur pawh a awm lo a ni. Chutiang chuan damdawi lamah Mizoram ah supply tam zawk kan neih theihna turin tan lak a ngai em em in ka hria. Khawthlang lam ram khu ram hrisei lo a ni tih kan hre theuh a. Amaherawhchu ka hmaw member zahawm takin a rawn sawi eng khan khawthlang lamah khuan doctor hmuh tur an tlem hle hlawn a ni. Chuvangin khulamah khuan Doctor pawh tam zawk zah a tul hlein ka hria.

Tin, hei Medical Department ah bawh hian tuna Central tihden thar kan han zawm ve takah hian tun hmaw ANM post lo ni thin te kha Health Worker ah dah an ni ta a. Tin, chulovah chuan Femal Attendant an tih thin, training nei lem lo te, tin, Dhai kan tih thin te, tin, Malaria lama thawk thin those kap kan tih mai thin te, Khangho tam takte training nei lem lo nen khan tunah ANM kumhnih lai lo thawk tawh te nan.khan level khat, Grade khata dah a ni.

Hei pawh hi kan sorkarin thil dik tawk lo nia alan avangin an rawn enfiah a tul hlein ka hria. Tin, tuna posting leh staff te dah chungchang thuah hian District Officer, Civil Surgeon te Kutah aum lovin, Directorate lam atangin posting reng reng, heng appointment te pawh hi tih a ni a, hei hi District Officer te kutah dah theih ni sela. Tun hmaa an lo kenkawh reng reng anih avangin. Hei hi anmahni tan pawh thil tangkai anih ka ring a ni.

Tin, a bik takin khimi Sialhawk ah khian tun hma rambuai hma atang tawhin Dispensary alo aum tawh a. Tunah pawh hian chhonzawm a ni a, khum panga lai aum theihna tur ruahman a ni. Amaherawhchu tun thlatir lama ka han kal khan Sialhawk Dispensary a thawk chu Pharmacist leh Chowkidar pakhat chiah an aum a ni. Tichuan, Pharmacist chuan rawn in entirte, damdawi chawh leh a sem nen a vai khan a kawp ta vek a ni. Hengte pawh hi a hmun pawimawh leh hmun lianah chuan Staff te pawh hi dah belh theih nise thil pawimawh tak niin ka hria.

Tin, Biate Primary Health Centre ah khian tunch chuan Xray khawl alo aum ve ta a, hei hi thil lawmawm tak a ni. Amaherawhchu tun thla tira ka han kal khan Xray khawl chu hman theih lohvin ala aum a ni. Engeni avangleh a chhan ka zawh chuan, 'Diesel kan nei lo a ni' an ti a. Chu pawh chu kan Minister zahawm takin min lo chhinchhiah sak sela. Khawl lian leh hmantlak kan dahna hmunah chuan harsatna te nau avanga harsatna thil hi dan anih loh theihna turin tun hnuaah chuan aum tawh lo sela a tha hle ang.

Hei Community Development chungchang thuch hian Mizoram kan mamawh em em a. Khaw lian, Grouping lian ah chuan Electric Guter emaw, Mike set emaw kan lo duh ta vek a. Tin, Hall kan neih lohna tam tak a aum a, Public meeting na tur pawh. Community Development kutah hian dah a ni a, chuvang chuan tuna sanction kan han neth a hi kan Budget provision hi a tam tawk lo em emin ka hria an hnathawh a zauva, tin, thingtlang mipuite dawrtu ber an nihna ah hian hemi te kutah hian pawisa tam tawk a dah theih nise a lawmawm em emin ka ring bawk a ni.

Tin, Agriculture bikah hian tunch chuan Agriculture ah hian hmasawna turin lo nghet zawka siamna turin tun Sixth Five Year Plan ah hian ruahmanna a aum a. Chhungkaw singli dawn lai hnenah lo nghet siam sak tum a ni a. Amaherawhchu helai hian thlai chi te, serthlum chi te leh thil dang dang an tih theih aum sem a ni a. Kan sawi rik fo tawh angin khang thlai chi te kha hun dik takah pek chhuah theih an nih loh chuan an phun nung hlei thei lo va. Chuvang chuan kumtin a ngai bawk a tih chhok a ngai a. Chuvang chuan heih a hma deuh a phun hun tur dik tak, April, May thla vel atanga phun theih tura ruahman theih ni sela chuan kan Agriculture Zoram hnungzang ruh hian hmasawna nasa tak a neiin ka ring a ni.

Tin, Forest chungchang thuah hian, kan Forest enkawl dan hi ala dik tawk lo hlein a lang a. Forest Station kan bei chho mek a, amaherawhchu kawngpui dung hmun nuam lai, lo atana neih theih ah kan ti deuh ber a. Tuna Forest tha tak tak kan neih te hi humhalh a, a ngaw thingte chu en a, number te pawh pek ni ve sela,

chumi vah chhiat mai mai tur chu humhalh ni sela chuan kan ram hian ngawpui kan la thiat sel tur hi kan la venghin ang a, tin, ngawpui siam leh zelna turah pawh hian lo atana neih tlak loh ram emaw ram hle deuh te hi humhalh ni sela. Tichuan Forest Department hian mi lo neih lai khaw tam tak ram an chhuhsak a hi a reh thein ka ring. Tin, Forest Guard te hi mi ramah chuan silai an ken tir ve a, Uniform nen ramhnuaidah an duty tir thin a. Heini erawhchu tualchhungah an duty tir thin a, rawtuai te an lo man a ni deuh ber a. Chu duan a ngaw-na tura ram humhalh kha a veng zo lo a, an tih chhiat tawhah khan an Fine emaw chauh anih avangin. Hei hi ngun lehzualin a Department kalpui dan tur hi tih ni sela thain ka hria. Ka lawm e.

DEPUTY SPEAKER : Announcement pakhat a awm a. Hei India Parliament chu tun mai khaw thiah a ni. November thlaah inthlanna a awm ang a, January, 1980 ah Parliament Sitting hmasa ber a awm ang tih President-in a puang a ni. Tunah member dang te a sawi duh apiang.

PU ELLIS SAIDENG : Pu Deputy Speaker, he kan subject ah hian sawi tur pawimawh tak tak ka nei ve a. A hmasa berin Demand No.20 - Medical thu hi Hemi ah hian a huam sau khawp mai a. Entirnan - Hmun hrang hrangah Public Health Centre te kan nei a, heng Public Health Centre hi tun hmaa Dispensary ang deuha ngaih a niin ka hria a. Dispensary ah chuan Pharmacist te dah an ni a. Pharmacist awmnaah duan damdawi pawimawh leh engemaw poison te pawh an khawihin an hmang thei a. Amaherawhchu tunch hian Nurse, Medicine pawh sirna nei lemlo Pharmacist ciah dah an ni ta a. Hengah hian mipui tan thil hlauhawm tak a awm thein ka hria. Damdawi te hi damna tur nimahse thihna nin thlentun a ni fo thin a. Hengah te pawh hian fimkhur deuh taka Pharmacist te pawh heng post ah hian dah ni sela. Pharmacist in an dah lo deuh thin ni te pawhin a lang a. Pharmacist training te pawh hi mi tam sawk hnenah te pawh pek ni sela. Hei hi thil pawimawh tak niin ka hria.

Tin, a pahniha ah chuan kan hmuh angin hmun hrang hrangah thingtlang ah leh khawpui ah te pawh damdawi sawrhna kan hmu nual a. Henga damdawi sawrhna neitu te hi Qualified Pharmacist te, Damdawi thiamna nei lemlo te an ni a. Thingtlang ah te phei chuan kum khat emaw an han guar a, Doctor chetin an che mai thin a. Tin, hetiang Pharmacy siam tur hian Licence/ Drug Licence chi hrang hrang a awm a. Form 19,20(4), 21 (4) Entirnan - chutiang chu a awm nual a. Chung an Licence form chuan awmgia a nei vek a. Chungte chu tun lai hian pek an uar khawp mai a. Ka hriat dan a sual loh chuan verify-na pawh awm chuang lovin tute emaw in an lo pek mai mai te a awm a. Ka sawi tawh angin damdawi hi damna ni mahsela thiam lo ten an duh ang anga an lo ching let vel hi thil tih chi niin ka hre lo. A hlauhawm hle a ni, Ka sawi tawh ang khan Form chi hrang hrang a awm a, kang an form (an licence) a sirin damdawi sawrh theih chin leh chin lo te an nei a, restricted licence te chu unqualified te pawhin engemaw chin chu an nei thei a.

Chu chu an han pe a, a zawrh theih chin lehkhabu ah chuan an han tuk saknaa, an han suar a, an duh duh an suar ta mai a. APC vel chauh suar thei te khan Poison hlauhawm tak tak, injection na chi hrang hrang an suar ta nuai mai a. Khang an zawrh theih chin phalna an pek chin kha endikna an nei leh si lova. Chuvangin hengte hi sorkarin an licence in a phu em tihte hi en thin sela, check thin sela a tha khawp ang. Hei hi tih zen zen ni lovin ka hria. Chuvangin a Department leh kan Minister concerned te pawhin min lo enzui sak sela thain ka hria.

Tin, Demand No.31-na. hei hian a huam zau khawp mai a. Tunlai ken ram dinhmunte kan thlir phei chuan kan mamawhsia Agriculture lamah te a lang chiang hle a. Chuvangin kan ram chung hmun hrang hrangah hian sawl tha tawh takte pawh a awm ve nual a, chungte pawh chu kan sorkar hian an hrechiang viawvin ka ring a, amaherawhchu chung an hriat chian ang hu chuan sawlte chu buatsaih ala ni lo viau a. Tun kan sorkar pawisa kumah hian a tam thei ang ber telh ni se thain ka hria.

Tin, N.E.C. Scheme te kan han ti a, Agriculture atanga Loan emaw, tanpuina emaw sorkarin an sem a. Chung an sem danah chuan thil dik tawh lo te awm nin a lang a. Hmun hrang hrangah chuan a petu nge dik lo a, a pek a te tih pawh sawi hleih theih loh khawpin kan han thlir vel a, cere chuti zat chu leileta siam a ni a, chumi chuan chuti zat chu a neih theih tih a lang chiang em em a. Mahse a hmuna kal a zuk en chian erawh chuan di hmun te alo ni thin a ni. Chungte pawh chu kan sorkar hian an chiang sela, dik taka pawisa hman a nih nan. He kan pawisa kum heta sanction te pawh hian dik taka hman a tulin ka hria.

Tin, Community Development hian a huam zau viawvin ka hria. Heng hi khaw inkalpawhna kawng hrang hrangte pawh a huam thein ka hria. Chungte chu Muallianpui inkarah chuan Tuipui ken ngai a awm a, fur ah chuan a inkalpawh theih reng reng lova, ka sawi ang kham South Vanlaphai leh Thingsai bial chu dan hran ang hlauhina awm thin a ni. Hmani lawk kham mi pakhat chu a tla hlum a, kum tinin tla hlum an awm thin a ni. Chuvangin Community Development Department hian khiti lai lei construction bridge te pawh anmahni huam chhung ah an dah theih ka ring a. Chuvangin ka han sawi tak a zawng zawngte hi a Department concerned ten min lo chhinchhiah sak thei sela ka lawm hle ang. Ka lawm e.

PU K.LALSANGA : Pu Deputy Speaker, vawtinah hian he Demand a rawn sawi ka duh chu Demand No.20-na hi. Medical lam a ni a. Ka rawn sawi duh hmasak ber chu Doctor te lungawilohna thu, an hlawh chungchangah hian a ni a, hei kan soritar hian a hria ang tih pawh ka ring a. A bika rawn sawi ka duh chu, a mimal thu duhsal veng ni lovin, mihring kan nih miau si avangin lungawi lohna eng engemaw a awm thei a, tuemaw fuihpawrh tum veng pawh ni lovin. Helai ah hian arrangement siam dan fel sawh siam theih dan a awm lawm ni tih ngaihdan ka nei a. Specialist te hi an ropui hle a, Mizoram pawnah an mamawh hle tih kan hria a, chumi hriat avang chuan an hlawh hi Rs.900/- ah dah a ni a. Chutih lai chuan Assistant Surgeon hi Rs.650/- a ni a, an next promotion kha Specialist te kham Joint Director Rs.1000/- leh tihch an kai chho nghal a.

Chumi chung chuan a inkarah hemi Assistant Surgeon ho hian hemi SDMO te Civil Surgeon te kai tur an nei a ni. Tin, Specialist leh hemi Doctor naran te inkarah hian promotion chungchang thuch a Doctor naran te hian step hnih an hmabok a, a Specialist te hian step hnih chuan promotion thilah an kal kan ta a ni. Tunah hian Specialist te hi an hlu, chuvang tak chuan an hlawhte pawh hi tih tam sak an niin ka hria. Chutiang a tih tam sak an nih lai a promotion ah a lehlam a mite tlan khalth leh zel anih chuan a lehlam a mite tan khan a nuam thia lo Klein ka hria. Chuvangchuan helajah hian sorkarin thliar dan mumal zawk a nei thei lawm ni chu aw ka zuk ti deuh a. Chu chu en ngun sak turin ka ngen duh a.

Tin, thil dang lehah chuan vawina heta House a thute hian kan hria-in ka ring. Medical lam ti ila, Health lam chan a ni a, kan thlangah khuan rimchhe deuh mai a awm a, engnge ni rim chhia phei chu ka he lova. Kan Health Minister P.4. in a room khu alo thlang fuh viau a, khulai ah khu chuan a nam lo deuh a ni chauh a. Chuti tih lohvah chuan Minister room a leng thin chuan in hriain ka ring a, a rimchhe thei em em a. Hei fur a zo dawn tawh tep a ni a, nakin thal a lo nih phei chuan hei hi a rimchhe hle ang a, hrisel lohna min thlen theitu anih pawh ka ring hial a. Vawinah ngei pawh a nam vung vung mai a. Kan Chief Minister thukhaw chang ang deuhvin hei hi tih ngei ngei tur, tih nghal turch kei chuan ka ngei a ni.

Demand No.29-na Special Backward Area tihin a ken ang deuh hlek hian, hemi Backward Area chawisan kan tumnaah hian damdawi lamah, nichina member zahawm takin a rawn sawi ang khan hmun kirkhawr zawk amite tan kan lek uar sak zawk a tulin ka hria. Chumi ngaidan nei reng chuan kan kalin ka hria a, amaherawhchu helai ah hian thil tih hmaih palh engemaw kan hnathawktute pawhin an lo nei emaw ni chu aw ka ti a. Wikum lamah khan Bungmun khu Primary Health Centre pawh awm tura sorkar ah pawh ruahman vek tawh a ni a. Chu chu kei chuan lut chho turah ka ngai a. Mahse ziah hmaih palh anih ka ring, a awm ve ta lo tlat mai a. Khulai khu khawthlang zawng zawng area huamtu a ni a. Tin, ka bialah hian Block Headquarters huamtu pahnih a awm a, mahsela Primary Health Centre hi hmun khatch chauh a awm. Tin, chumi avang ni lovin, a pawimawhna ka han sawi duh tak chu nichina member zahawm tak North Van-laiphai bialtu ML4 in a sawi ang khan Zoram hi kan hmuh danin khawthlang lam hi a lum a, thosi a tam a, hrisel lohna chi hrang hrang pawh a tam bik a. Chuvengin helamah hian attention kan pek tam lehzuai bik a ngaiin ka hria. Ka bialah lek phei chuan phai ngamna damdawi hi kan mamawh ngawtin ka hria.

Tih, thil dang lehah chuan, Doctor te ka ni ve lova ka sawi sual te a awm chuan min lo ngaidam ula. Hamtymologist an ti a, Mizovin pakhat training chhuak kan nei a. Hei hian hna a thawk a, ama thawh thawhin a thawk ve ringawt a, a post hi kan ngaituah sak a tul hle in ka hria. Hetiang thiamna nei bikte hi, nichina ka rawn sawi tawh angin hlawh kan pun sak ang bawh khan an dinhmun hi siam sak a tulin ka hria. Chu chu kan Minister concerned in min hriatsak sela.

Lunglei Hospital saw min han hriat sak leh zual se ka duh a, tunah hian theihtawpin sorkarin tana ala dawn tih chu. ka hria a. Rang taka tan min rawn lak sak turin ka duh a. Zannah light a awm mumal thei lo saw a paw em em a, emergency te pawh a awm thin a, Petromax te an han chhi a, mahse khawnvartui alo vang bawk si a, an chhi hlei thei lova, a changin Tourch light nen an bei a. Chutiang chuan hna an thawk thin a ni. Chutiang chuan buaina nasa tak an tawk a ni.

▲ tawp berah chuan thil pakhat rawn sawi leh ka duh chu Wild Life Sanctuary hi Mizoram tan a pawimawh em em a. Heti lai hi sorkarin theihtawpa tan lak a tumna kawngah thil pakhat suggestion neih ka duh chu, tunah hian Mizoram hmun khatah Area kan siam ah hian ransa hi aawm tam tehchiam lova. Chuvangin hmun khata a awm tam loh lai hian hmun hrang hranga kan dah chuan a riral mai dawnin ka hria a. Chuvang chuan hmun hrang hrang emite dahkhawm dan kan ngaihtuah hi a tulin ka hria. Tunah hian Tuisen phatah sawn Sai pali panga lai a awm a, saw saw, sawtia a awm mai mai chuan a riral mai ang tih a hlauhawm a. Chuvangin a hmun tur bika kan ruat ah hi chuan khalh khawm dan hi sorkarin a ngaihtuah thei lawm ni? tiin ka han ngen nghal duh bawk a ni. Ka lawm e.

PU J. THAKUNGA : Pu Deputy Speaker, hei pawisa tam tak bawk kan sawi khawm leh dawn a, a lawm-awm hlein ka hria a. ▲ hmasa berinka sawi duh chu Demand No.20-na kha a ni a. Medical chungchang hi. Kan hriat theuh angin kan nama mipui lo beisei dan leh kan Health Department hnathawh dan hi a inmil lo niin a lang a. Multipurpose Scheme an duan chhuah dan hi dik takin thingtlanga Sub-Centre an han hawn te hian mipuiin an beisei dan chu tunhma a Dispensary ang tur khan an ngai a ni. Damdawi somn hmun tur emaw kha an ti tlat mai a. Chu chu a ni si lova, natna lam in venna lam zirtir tura staff te hi dah ni awm takin a lang a, chuvangin thla 6 quota te damdawi tlem an la a, chuvangin damdawi sem turte an nei lo tiin mipui te an vui em em mai a, staff te pawh eitu ah in puhna tam tak a awm a ni. Chuvangin rawtna ka han neih ve duh chu tunhma a Dispensary ang chi kha thingtlang hmun pawimawh deuh deuh ah hian sorkarin siam leh se dikin a rinawm a, chumi anih loh chuan tuna Sub-Centre an hawn ang chi hi chuan mipui mamawh damdawi lam hi a tawk dawn lova, tin, a staff te pawh hi thingtlang ah Public meeting te kova, lecture pe a, chutiang kha tieng natna hri alo len dawn chuan chutieng khatianga in ven tur a ni tia zirtirtu tur ni awm tak a ni a, chungte chu an ti tawk lova, chuvangin hengte pawh hi kan Minister in-charge te pawhin bei ngawh zual turin lo note sela ka duh a.

Tin, Agriculture ah hian hei pawisa te pawh a tam hle mai a, dik tak chuan kan U.F. tirh atanga pawisa zawng zawng kha insem theih nise chuan lo nei mite kutah hian kham nei lo hi kan awm tawh reng reng dawnin a lang lova, hei kumin ah pawh hian tam hle mai a, leilet te chu lehkha ah chuan a lang tam hle mai a, kan ram ni kum reilo teah leh tur awmlo vin a khat tlat dawn niin a lang. Chuvangin hengte hi ngun leh zuala en dik anih loh chuan tun inthlan dawn te khan an sawi a dik anih chuan Phuldungsei bialte leh Kolasib bial thenkhatah chuan a ram aia gau deuh thaw thaw kha an lo hmu niin a lang a.

Chungte chu a nih ngat tak tak chuan nakin budget siam leh hunah ram leilung kan nei lovang tih a hlauhawm em em mai a. Chuvangin rawtna pakhat ka neih duh leh chu a Sub.Division, an han then ang hi a area of operation na hmunah khan an move thei lawm ni? Chutiang anih chuan hna a kal chak zawk em em in a rinawm a. Chu chu an hna tur an thawhna hmun zelah khan an kal mai a, chutiang chuan khelai hmun an sawh hunah khan an kal leh zel a, chutiangte anih chuan ral atangin an rawn bill a, a dik thlup mai si a, an in sema, terraco lai si lovin khing ka bial ah te khian an la tawk takk mai a, a lai tak tak te khan lak tur an hre leh si lo, chuvangin hetiang hi a tam khawp a, Department lam te pawh hetiang hi operation an baihna angah te chuan a insawn thei chi awmte chu in sawn sela thain a lang a.

Tin, Community Development chungchangah khan hei Hall te kan hmu thin a. Hei Lizawl ah chuan inkhawmna tur Hall kan nei reng reng lova, sawng Dawrpuh Sikul te saw grant tam tak an rawn dil a, sawng atan te sawn cheng nuaili vel te chu a sih chhuah theih lawm ni? Saw saw mi zawng zawng Lizawl khawpuh inkhawmna a hman thin a ni a. Ngaih pawimawh hmasak atan ka duh a.

Tin, Medical lamah khan Mobile Dispensary nikum lamah khan ka sawi tawh a, Doctor te leh Lamdawi thenkhat te hengen Doctor awm lohna hmun khaw khawiah emaw ni. hnih khat chama in entirna hmun siam turin tih a ni a, chu chu sorkarin a pawm ni awmin a lang a, amaherawhchu motor lam kha an neih leh tak loh avangin harsatna an tawk niin a lang a, chuvangin kan hriatna te a sual anih loh chuan Department Head thenkhat ten motor pahnih emaw te an kawh thei a, khami damlo en velna a Doctor zinna tur motor an nei lo leh tlat te kha onge a awmia? Chuvangin sorkarin ngun taka ngaituan ni sela, tin, motor lo thleng thar reng reng hi Lizawl ah chuan workshop facilities te pawh a awm a, thingtlang lam Doctor te hi a tha: apiang pe zawk sela a tha dawn lawm ni? Lal apiangin a thleng thar pek zel mai te hi eng dan nge ni? Hriat ka duh a ni. Hetiang anih dawn chuan kan ram hi Development te leh eng eng emaw sawi thin mah ila a kal chak tak tak dawn lo reng reng a ni tih a chianga, chuvangin helai hi ngun taka kan sorkarin lo thlir turin ka rawn ngen a ni e. Ka lawm e.

PU JOE NGURDALLA : Pu Deputy Speaker, hetah hian sawi duh pawimawh tak mai ka nei a, chumi ka sawi hma chuan a harsatna te pawh ka rawn sawi anga, amaherawhchu MLA te chuan kan sawi tur ah ka ngai a. Chu chu sorkarin a bawngui mai tura ka ngai a. Thenkhat te khan in thlathrun awm lek lek angin an sawi a, khang kha kan tih dan tur niin ka hre lova. Kan sawi anga sorkarin a la khawm ang a, tichuan kan ram hka kan siam tur ah ka ngai a.

Hei Medical lempang ah hian kan sawi reng reng hi dik tak in sorkar kal tawhte harsatna tun sorkarin a rawn bawngui tur a ni mai a, kan hmabak kan sawi a ni mai a, hemi Demand kan han sawi hi a tlangpuin a tha a, kan pass ang a, amaherawhchu chumi implement dan tur ah chuan ka hma rawn sawitu rawn sawi ang kha thingtlanga Sub-Centre din tur chungchangah kha scheme a mumal lo emaw chu a ka ti a.



Medical lam mi personal hisap lo hian Centre hi a riruat emaw ni chu aw ka ti a. An han hawna ahte pawh hian an nih tur angin an lang thei lova. Chubakah mipuiin an rel uciah tawh khuh theih loh ala tam mai a, he kan sorkar thar hian a rawn enzui pawimawhin ka hria a. A tlangpui thuin bawhsawna avangin Hospital te chu ka hre viau tawhin ka hria a, a tlangpuiin tan hma ai khan chuan a service chu a tha ta viau in ka hria a. Nghei te leh engemaw allowance thenkhat list a langte pawh kha sorkar in a bih zui ang a, kha laia Doctor te grievancies te pawh kha enin, amaherawhchu a dik bak chu Doctor te pawhin an phut tur niah ka ngai lova, hmanni a ka sawi kan Minister in kan ngaihtuah e a ti a, chuvangin sawi tam vak ngain ka hre lova.

Tin, Agriculture lamah hian kan ram inngahna a ni a, amaherawhchu a tangka tam ang hu hian a result hi a lawmawm hrampa thei lo reng reng mai a, hei hi a tlangpuiin kan set sual niin ka hria a, hun kal tawh ah reng reng khan, Agriculturist ho hnena thil ava encourage ang deuh hi a Chiang vak lo niin ka hria a. Pangbal tih atang te Potato te pawh kumina mi hi lei thei hram pawh nise thingtlanga Agriculturist ho in an lak dan leh Department in kawng a hawn dan hi a inmil tlat lo a ni. Anni chuan kha kha table food anih loh avangin sorkarin a leisak hi an ring tlat mai a, sorkar lamin chutiang tur chuan a in rushman hran bawh si lova, helai ah hian mipui kan dawr dan hi a dik tawh lo niin ka hria a, thil Chiang tak a market kan hmuh chian loh chu mipui hmach hian barh mai lo ila a dik awm mang e aw ka ti a. Tin, tih dem dum lutuk pawh hi tulin ka hre lova, tum khat chu Haryana ah kan kal a, an Chief Minister kan bia a, Green revolution in rama in neih dan hi engeni, a chhan tak nia in hriat, sorkar engtinge in tlan a, mipui engtinge in chan Agriculturist ho hi, kan ti a. Helai ah hian dik tak chuan sorkar a tlan hmasak chuan a deh lo fo mai a, Agriculture a ti tak tak te an han tlan a, chungho mamawh chu kan supply a ni deuh ber thin. Chungho chuan a market pawh an dap tak tak a, an dapna turin kan pui a, fertiser lamah te an hman ngei ngei turin kan pui a, chung anga kan tlan ah chuan kan tlan sual fo thin a, pen hmasak tir ila, chu chu sorkarin umzui ila, chuti lo chuan a dik duh lo khawp mai a ni a ti a. Chutianga deuh hleka kan tlan chu a tha hlein ka hria, chuti lo chu kan theih leh ang tih ka hiau-va.

Tin, Community Development ah hian kan mamawh tam tak Hizo chu Society nei kan ni a. Heng ang mamawh tam tak hi thingtlang lam ten an lo sawi a, helai ah hian Department pawhin entirnan - Drum set tih te leh thil hrang hrang thingtlanga mamawh Community Hall a a chung pek tawhte hengah hian record fel tak nei a, thil tenau te te pawh hi khawilai ah nge la pek loh hmun tia an dap hi pawimawh leh zualin ka hria a. Dik takin Block khat ah hian keini bial angah te khtu chuan dik takin sawi lo thei lo kan ni a, Constituency pumpui ah khian Block Headquarter pakhat mah a awm lo a ni. Tin, khilai khi kan sawi leh lawk ang a, communication te kan ti a, Constituency pumpui ah khian khawi khua pawh khi Truck Road in a tlawh lo reng reng a ni.

Khimi Lungdar atang khian engkim a rawn hmui vek mai a, khimi atanga hawn thlaka Lungdar han hmuh chu Vai kal ang deuh kan ni. Kawng a bel hliaw hluau mai a, a chhak lamah chuan a ping vek mai a, chu angin kan ram hmasawn dan hi a rual deuh nan sorkarin ngun teka a tih loh chuan kan kal thin mahsela, Khawzawl atangin an rawn ti a, Soil lam pang chuan. Tin, Agriculture in Champhai atangin an rawn ti a, Community Development ah hian Lungdar atangin an rawn bei leh a, chutiang ang chuan a pumpui hi hmui tawn bial a ni ringawt mai a. Chuvang chuan sorkarin ngun teka a en loh chuan kan hmasawn dan hi Hizoram kan hmangaih a, Aizawl khua chauh emaw a bik te a hmangaih tur kan ni lova, bial bial te kan sawi deuh loh chuan Aizawl ah hian thil kan dah leh tul tul mai thei a, kan dahna hmun hrang hrang kha a kairual em tih hi kan en hi a ngai hlein ka hria.

Fishery lamah te hian kan ramah voneih thlak takin an han tih tawhna ah chuan hlawhtling viau mai a, a hlawhtlinna lam hi chhui ngun sela, a kilkhawr lamah te hian staff te hi an thawn tlem em em mai a, tahchuan a that leh that loh pawh hi an hre lo a ni. Department in a Headquarter a dah reng rengah hian a kairual em tih hi a en thain ka hria. Ka lawm e.

PU B.LALCHUNGNUNGA: Pu Deputy Speaker, he kan Demand hi a tlangpui thuin a the hlein ka hria a, tin, sorkarin a tih lai mek leh a tih tur te hi kan duhthawhna leh thahnemngaihna avangin sawi belh duh thin ka nei nual a.

A hmasa berin No.20-na Medical ah hian kal ta ila. Medical lama kan harsatna leh thawh zel dan tur te a bikin Lunget lamte pawh hrilhfiiah a ni ta a, a lawmawm a. Tin, Doctor tep-awh tam tawk kan nei ta a kan lawm hle a. Tin, H.B. Hospital te pawh kan nei dawn a, kan lawm bawh a. Amherawhchu khawvelah hian duhtawk a awm theih loh avangin ka duh tawk lohna lai lai chu kan sawi ang a. Medical lamah hian hmasawna tur kan la nei nasa hlein ka hria a. Ka hmaa member zahawm tak khan a bial a Block Development a awm lohzia te kha a sawi a, chuti lam chu ka sawi dawn lem lova, kha kha chu kua-in a haw lem lo a, Medical facilities lam awm lo hi chu a pawimawh dan a dang a, ka bial, bial ropui tak maiah sawn Dandawi in pakhat mah a awm lova, Doctor pakhat mah an awm lova, chuvangin saw lai saw ngaihtuah a ngai hlein ka hria a. An hrisel si lova, chuvangin Lungeti dandawi in a hnathawktu te pawh saw mobile clinic nei turin vawi hnih vawi thum chu ka ngen tawh a. Chuta an harsatna min hrilh thina chu a Doctor leh Nurse lam ai mahin a dandawi lam stock lam awm lohna hi an sawi a ni zawk thin a. Kan va kala mi tam tak damlo an lo a um a, anmahni lo kal thei chiah lo mahse, ka nu a damlo va chumi aten pawh an ti a, dandawin a daih thei ngang lo mai a, heta tan hian dandawi kan ngah tawk loh avang hian harsatna min thlen a ni tih an sawi thin a. Chuvangin sawng lai Doctor te awm ve lohna hmun te saw Doctor ten an kan zawk zawk a, damlo te an tanpui theihna turin dandawi tam tawk deuh hlek stock theih nise tih hi sorkar ka rawn duh a. Chuti lo chuan dandawi in la nei ve lo mah ila kan harsatna zualpui a kiang theih ka ring a.

Tin, nienina ka sawt tawh ang khan T.B. Hospital chungchang thu kan hria a, kan lawm hle a. Tunah hian a hmunte pawh en a thlan tum mek a ni awmin ka hria a, amcherawhchu tunhma kan mi hmasa ten an lo tih tawh thin dan ang khan a bul tan chhung a rei lutuk ang tih kan hleu em em a. Chhim bial ah sawn T.B. Hospital kan mamawh tak meuh a ni. Hei keimahni veng te maiah pawh sawn T.B. vei pahnih pathum an awm a. In admit tumin Aizawl an lokal a, hmun a ruak si lova, beidawng takin an lo haw leh ringawt a, tunah sawn lungngai takin an awm a, lungngaihna avang ringawt pawhin an nuuna pawh a tawi phah ang tih ka hleu a. Chuvangin he T.B. Hospital sorkarin a din tum leh a tih tum lawm em em a kan lo thlir hi a rang thei ang bera min tih puitlin dak thuai turin sorkar ka ngen nawn leh a ni.

Tin, Demand No.35-na Community Development ah khan han kal leh ta ila. Community Development hnathawh hian eng chen nge a huap chu ka hre chiah lo nain, suspension bridge siam te hi a lo khawih ve thin niin ka hria a. Suspension Bridge mamawhna hmun tam tak a awm a ni. Saw lamah chauh pawh ni lovin ram pawnah pawh siam tur tam tak a awm ang. Chuvangin Suspension Bridge te pawh hi a tulna hmunah siam thuai thuai a nih theihna turin Community Development lam hian lei tlangpui tur thir hi chhek khawl tam dan ngaihtuch ta ang sela, entirnan - Hlumte leh Zobawk inkar ah sawn Lurhya lui a awm a, saw saw fur lai chuan a kan theih miah lo a ni. Hlumte he chuan Zobawk atangin Ration leh thil dang engkim an la si a, fur lai chuan a kal theih si lohva, engemaw tiin pum te siam chapin an kai tawk thin a. A chetsual pawh an chesual zauh zauh a ni. Chuvangin Lei tlangpui lam hi Community Development hian min tum thei se chuan a siam lam len a dawh lam kha chu B.G.S. atangte pawhin kan bawhzui thein ka ring a.

Tin, ka han sawi leh duh chu, Thlanmual thu hi a ni a, hmar lamah chuan Thlanmual In nei in lo awm zauh zauh tawh a, Parachute te sem a ni thin a, khawtin in an nei thei tawh si lova, parachute a awm tawh loh avangin buathlak khawpmai, thih-ni te leh inneihni te hian kan lo mamawh a, thlanmual lamah te thlanmual laitu ten ruahsura tawm hulna an nei lova, a buathlak lutuk a ni. Chuvangin thlanmual tinah hian permanent in In sa vek ila chu chu thlanmual laitu ten tawmhulna leh hmanraw dahna a nih bakah, thingpui sem tute tawm hulna a ni bawh ang a, hei hi thil tha tak ni thei dawnin ka hria a. Chu chu sorkar hian lo ngaihven turin ka rawn bawh a.

A tawp berah chuan Agriculture chungchang thu hi kan sawi hnem tawh hle a, Agriculture ah hian pawisa hmanchhuah leh a hnathawh hi a in bak lo a ni tih hi member zahawm tak ten an hre Chiang a. Chutiang chuan Lunglei lamah pawh sawn an tangka hman tawh leh hnathawh tawh a in buk lo nasa tih kan hria a. Heng sawng sawng ah hian Development chu kan mawhchhiat vek thei lo ang a, a thawktu a miputte pawhin dik lohna tam tak an nei a ni tih chu kan hria a. Tunah hian Agriculture a hman tur pawisa tam tak mai chu sorkar in min lo sanction sak leh ta a, a lawmawm hle a ni. Heng pawisa sawng sawng hi a nihna ang leh a hmandan tur anga nih chuan Mizoram tan hemi mai pawh hi chenfaktawm tham a ni dawn a. Chuvangin dik tak leh tha taka hman anih

theihna turin tunhma a hmandan te pawh thlirin leh tun hnua hman zel dan tur te pawh fimkhur zawka lo en turin sorkar hi ka rawn hawk a ni. Ka lawm e.

PU NGURCHHINA : Pu Deputy Speaker, tam tak an sawi tawh a, an sawi hnu kha sawi lo mai ila ka sawi angah ka ngai mai ang a. A hmasa chuan hei kan ramah thingtuah tur a lo vang ta a, ngaw te pawh a awm ta mang lova. Forest Department kan neih that veleh ngaw hi a rem tlat mai a. Thil mak tak a ni a. Tun hma chuan entirnan - hansawi te mai mai ila, Champhai-ah khian ngaw a tha viau mai a, Forest Department Beat Officer ho an lokal a, ngaw chu an han veng a an veng rem ta thak mai a ni. Chutiang deuh chu thil awmdan a ni a. Chuvangin ngaw chin chhoh leh dan hi kan ngaih tuah a dik viau in ka ring.

Tin, Medical Department-ah chuan Damdawi in a va awm in emaw, ingai hial te pawhin, damdawi inah han lut ta ila, damdawi lei tur a ni reng mai a. A tir phat atangin kan han lei tan a, in enkawlna zawng zawng kha kan lei ta mai hi kan Medical Minister hian khawngaih takin lo enchiang thei sela a dikin ka ring a.

Tin, thil pakhat ka han sawi leh duh chu ka bial N.Vanlaiphai-ah khian nichin member pakhat khan a tihsual palh a, N.Vanlaiphai bialtu zawk ka ni a, Lungdar khuaah nuai hnih nuai thum man sorkar puihna awm miah lovin Damdawi in an sa a, chu chu thal lai khan zawh a ni tawh a. Tun thlengin la luch loh a la ni tlat mai a. Hei hi engvangnge ni aw ka ti a, ka ngaih a tha lo rum rum mai a. Mipuite khati khawp khan an in huam si a, sorkar pawisa sen tur pawh sen ngai lova an rawn tih chuan sorkar hian engemaw tal a ti thei dawn lawm ni aw ka ti deuh a.

Tin, thil pakhat Agriculture Department chungchangah chuan, hmanni Budget General discussion kan neih ni khan member tam tak khan August thlaah te Serthlum phun turin kan la phur vu vu a, tih thu kha an sawi a, a dik khawp mai. An la phun nung ang, amaherawh-chu thal lai a tui leih ngat ngat mai chu a ngai ang tih a rincawm a. Khang kha hma zawka sem anih theihna turin sorkar hian tan ala tur a ni. India-ah khuan Commission on Agriculture an awm a, chu chuan recommendation an rawn siam thin a. National Commission on Agriculture an in ti a. Chu chuan recommendation tam tak an rawn siam a, chumi te chuan an recommendation 35-na ah chuan tiang hian an rawn recommend a, "The various Directorate connected with Agriculture Development should be specifically declared as technical organisation and a provision to the effect that the post of Director of this Directorate should be held by the Technical Officers alone be incorporated in the recruitment rules" tih a ni a. He an rawn recommend hi kan Mizoram a Directorate of Agriculture chuan kan sorkar hnaneh hian vawi thum a thelut tawh a. Tin, a lekha tawpah pheh chuan hetiang hian a ziak a. "The Central Govt. suggest all states should follow uniform pay scale and prospect for Agriculture cadre and the pay scale and the prospect should be comorable to those in the administration unit' a ti nghe nghe a.

Hei kan Minister ih ka la hmu love a tih kha mak ka ti deuh hlek a, a hai palh a nih ka ring a. Tum thum Directorate atang pawhin an thehlut tawh a, 1977 May, June, July lai vela an thehluh kha a ni c. He recommendation zawng zawng hi binding chu a ni hauh lova, amaherawhchu tlat lutuk a Serthlum tiak te leh thlai dangte sem vu vu a awm tawh loh nan heng an recommendation thil hi zawm ve theih theih chu thil tak awmah ka ngei a, chuvangin anni pawhin Agriculture Department chu Technical Organisation-ah declare ve ngei rawhse tia an rawn recommend-na hi kan Minister te hian ngaihtuah sela dikiin ka hria.

Tin, a pay scale thuah pawh Recruitment Rules-ah lo telh nghal ni sela, an ti bawk a, chuvangin helai thil hi ngaihtuah chianna lo nei sela ka duh khawp mai. Technical Department a nih loh avangin Qualified ni lem lo Basic train te hna sang tak takah an la lut chho ta a.

Tin, Medical Department ah te pawh L.M.P. te chu kal theih chin an nei a, Technical Department dangah pawh a awm zel a, chutiang bawk chuan anni pawh hi engemaw rehbunna chin a awm loh chuan kan buai ang. Kum ang lek bawkhian thil a kal leh ang tih a hlauhawm deuh a ni. Chuvang chuan helai hi ngun leh zuala rawn en turin ka duh a ni. Tichuan kan sawiselna tam tek hi a lo reh thei ang a, tin, tunah hian dik tak chuan Recruitment Rules hi suk en ila, B.Sc. Agri. I.Sc. emaw P.U. Science zawh a, kum 4 la sir te chu Assistant Inspector of Agriculture ah direct in an lut dawn a ni. An tlukpui Doctor kum 5 lo sirte chu Rs.650/- pay scale an nei ang a, anni chu Rs.330/- ah an tan dawn a ni. Chutianga nihin tunge College-ah kal ang a, tunge Agriculture College-ah kal duh ang, kan sorkar hian ngun lehzuala a rawn ngaihtuah a dikiin ka ring a. Technical Department-ah puang ngei se ka duh a. Chu chu ka rawn sawi ve a ni e, ka lawm e.

PU C.VULLUAI : Pu Deputy Speaker, ka hmaa member khan khawi lai lehkha them emaw a chhu chhuak pawp pawp, a rawn chhiar bawrh bawrh mai a. Specker phalna emaw House ah pawh Lay mang si loh khawilai tute hriat mang loh lehkha chhiar vak vak kha he House zahawm tak ah hian dan a ni lo tih lo hria sela, tun hnuah ti nawn tawh lo turin ka han ngen e.

Awle, vawin a kan Demand ah hian Demand No.31-na 33,34 leh 35-na hi a rualin kan sawi thawt ang a. Vawin a kan dinna leh kan awmdan hian heng Departments pawimawhna hi min hriat chhuah tir a. Agriculture ei leh bar lam bul hi keimanni kan intodelh tur zawnga kan kal a tulzia tunlai kan buaina hian a ti Chiang a. Tin, a chawmhah lam atan Animal Husbandry leh Fishery ah te hian awm a awm a, hengte pawh hi thahnem ngei sawka thawhpui tur pawisa kan nei a, kan Department lama kan mi thiam ten tunhma ai maha an ngawrha chak sawka an kalpui hi a beisei awm a. Fishery ah hian Japan sangha tihte eng eng emaw hming mak tak tak kan hmang a, keimanni ram sangha, Nghatun tihte Lengphar tih ang te hming mawi tak tak a hming ai maha a tak tua hi engtinngae Fishery Department hian sangha khawi atan emaw a tih pun dan emaw an ngaihtuah tawh emaw ka hre lova, Mizoram sangha hi a tui bik tlat mai a, hengte pawh hi kan Department a mithiam ten an ngaihtuah tel awm tak ah ka ngei a ni.

Fin, Forest lam hi khawpuia awm ten kan hre thiam lo deuh ani mai thei a, a pawimawh sia kan hre tial tial ang a, hei pawisa pawh an dah tam a, a pawimawh sia tilangtu a ni mai a. A ram ngaw a hlu a, amcherawhchu thil pakhat ka hriat thiam loh chu Kawrthah biala Kawrtethawpung dai an khuan ram ngaw tha tak mai kar thing pangah chuan 'Nauban Huan Pass No.' tu a intar vu mai a, mel khat dawn lai mai ramngaw kha a kawh tir tlat mai a, a ngaw tha lai te chu a vat sawt sawt a, a neitu pe chuan. In tha tak te a sa ngawt mai a, Forest lamte chu ka sawt a, 'Hei hi kan phal loh kan ui ngawih ngawih Revenue lamin pass an lo pek clawm mawle' an ti a. Chutiang chuan em ni kan kal dawn chu aw, thenkhatin humhimna tura Forest Guard nen pawisa tam tak senga an ven thauh thauk kha thenkhat in duh tawka vah pawp pawp mai tura pass lo pek te hi kan tihdan tur anih chuan a fuh lovang tih ka ring a, hetiang chi hi hmun dangch lo awm zel maw? Hei hi Forest kan sawi lai pawhin Revenue pawhin an ngaithla tha ang chu maw.

Fin, Forest lampang hi fak vena riau ka neih chu Rest House an sck hi a nuam tlat mai a ni. Rest House hi luah tlak a awm hi ka hmu mang lova, ti ila kan uar lutuk anih chuan thu dang nise. Forest Rest House ve thung chu luah nahawm tak mawihnai tak hi a ni reng mai a. Chuvangin heng tangka ah pawh hian tangka tam zawk Forest hovin Rest House an sakna tur awm se ka ti khawp mai. Hetiang bawh hian P...D. te leh D.C. te hian Rest House an sa a, Forest Rest House hi a tha fu a ni. In tlat siakna aton pawh a tha hle awm e. Forest lam tih tur a ni emaw ka hre lova, ka rawt duh taka chu Hauhuk hi thah tawh loh turin tunge thu pe thei? Hauhuk hi pahnih leh pawh a Alto leh Tenor, Bass leh a Air mawi em em mai a sai rum rum mai thei hi hriat tur a vang tawh em em mai a. He rannung chi danglam hi tuna tanga kan hum loh chuan a bo ang tih ka hlau a ni. A ti theitu ka hre lova, a ti theitu apiangin Mizoram a Hauhuk hi thah loh nan Order eiam se ka duh a ni.

Fin, pakhat dang ka sawi duh chu Community Development hi a hming a mawi a, Mizoram leh mi sawng sawng mamawh a ni a, a hming hi a mawi a ni. Petromax sem hna ang mai a kan ngaih chuan a dik lovang, an pextromax sem erawh hi chu a chhia a ni. Campaign lai vel khan khaw pakhat ah chuan Effer a that pahnih an nei a, a chhit theih leh ve ve a ni. Khatiang kha ham tih sawm zel loh dan a awm em ka hre law, tu mawhpurh nge pawh ka hre lova, a supplytu pawh a ni mai thei a, hetiang hi kan ti rau rau anih chuan a tangka tam tak an sen hi M.L.A. ten inti thei ve deuh takin emaw Officer ten kan han pe ve a ni a, kan kal leha a chhit theih loh an lo tin chuan a ngaihna a awm der lo a nia. Chuvangin helam ah hian a quality lamah hian hna sawn tum ila.

Tichuan ka rilru a thil lo lang ve mai mai chu Medical leh Animal Husbandry hian U.T. hnua hna an thawk ropui ka ti. An thawh hi a langsar a ka chhuang tlat a ni. Amcherawhchu tih tak em ah chuan a phurh vel leh a laka a tam chuan APC but te chu a phurhnaah a lo tla ve ang chu mawle. Kawng lakah te pawh a bo ve ang chu.

Artui tam chi te pawh alo thi ve ang chu, artui pawh a keh ang c-hu. Khatiang kha chu aum-ve tur reng reng a ni a, a sawisel zawnga kan tih dawn pawhin dik tho mahse an tih that lam Damdawi lam facilities hi nase takin hma kan sawnin ka hria a, Medical leh Vety lam hian Mizoram ah hna ropui takin an thawkin ka hria a.

Tin, Agriculture hi an thawm nat ang hu leh an sen tam ang hu in an hnuhma hmuh tur vang ka ti a. Hengah hian engpawhnise a taka mipui chhawr tur zawnga kan Department leh a thawktu ten an thawh ah hian helai ah hian an-khum bawrh bawrh mah ila mipui tana tangkaina lam atangin thlir ta ila hma kan sawn chho zel ani tih chu tumahin kan hai lo chuan ka ring, Ka lawm e .

PU C.L.RUALA : Pu Deputy Speaker, Demand No.31-na Major Head - 305 na ah khan Agriculture Marketing Officer kan hmu a, a hlawn tur pawh Rs.500-900/- a ni a. Tin, a hnuai ah khan amah tluk chia h bawk Rs.500-900/- bawk hming dangin Marketing Inspector tih kan hmu leh a, Officer khan a sawlpui te pahnih a Control dawn ni aum tak a ni a. Chu chu an tihsual emaw ka hre lova. Heng Marketing Officer te Marketing Inspector te leh Assisting Marketing Officer te hi tunah hian kan nei tawh reng em? Kan nei anih chuan eng hna nge an thawh tih pawh a hriat chakawm khawp mai a, tunah hian kan harsatna em em lo neitute an phur tur anga an phur lohna chu an thlai thar reng reng an hralh that theih loh vang a ni. Tunah pawh hian ~~kan~~ kal ula, Thingsul-ah te Tlungvel leh Baktawng ah te Vegitable man tlawm te te a lei tur a tam a ni. Chung lo neitute chuan Mizawl Bazar a rawn phurh thlak an chak em em a ni. Nimahsela vawin ni thlengin Transport arrangement engmah siam theih a la ni si lova. Hemi atan hian Motor pawh pahnih neih tur niawm tak a ni a, hei Driver post pawh pahnih a aum a. Agriculture Department hian thil an han ti ta rua tau a, lo neitute thil an han tih tir a, chu chu a hralh leh theihna tur ngaihtuah sak leh thuai thuai thei sela tichuan kan lo neitute insentive tha zawk kan lo pe ang a, thlai tam sawk chu a kum telin kan tharin ka ring Silchar in theihtawp a hrek min tuma, tan kan lak nasat a tul a ni, hemi kawngah hian. Keimahni thar ve theih reng, kan in bul ah pawh a aum a, thar ve thei reng Silchar ami lak kher kan tum thin. Hei hi thil diklo tak a ni a, chwangin keimahni thar ve te hi a lakhawm a, hralh theih dan te kan ngaihtuah chuan lo neituten a tam sawk chu an that thei ang a, Silchar hovin min hrek an tumna zawng zawng pawh hi a hlawn-chham ang tih ka ring tlat a ni. Tin, thlai chi reng reng hi a hun taka pek anih loh chuan hunbik nei vek a ni mai a, a hun tawh loh hnuah kan han pek kha chu a tangkai lo em em mai a, lo neitute kan hrem a ni ngawt mai a, chwangin a hun taka pek ni thei sela tha kawhin ka hria. Kan Minister khan Department-in an thil dih te a hunah an submit lo a ti a. Mahse keinin kan han dawr kualna ah chuan Director lam leh Secretary lam an in mawhchhiat tawn reng ringawt mai a ni. A dik sawk pawh ka hre lo. A hunah kan theh lut a, min pe silo, pawisa kan hmang thei si lo, hei thlai chi mana kan hman tawh zawng zawng pawh cheng maktaduai khat leh nuai nga tunah hian sanction ni lovin kan nei a,

tih ngaihna kan hre loa, kan kal zel thei lo a ni an ti ve bawk si. Chumi te in mawhchhiatna te pawh chu a enge dik sawk kan Ministry hian hre chiang thuai sela, a dik lo sawka chu khchh ngil thei sela a lawmawm hlein ka ring. Hei hi thil buathlak tak a ni cwm e, keini tak ngiel pawhin L.G. hnench kan han sawi thin a. L.G. chuan a Secretary tak ni lovin Chief Secretary hnenah ka lo thawn ange a ti ang ving veng a. Chutiang chuan Agriculture Department ah hian harsatna a awm a ni. Chu chu phat rual niin ka hre lo, vawin ni ah hian. Chung harsatna te chu tih kian thuai a tha hlein ka hria.

Tin, thlai chi Supply turin quotation kan han kova, an han chhang ve mai mai hlawn a, Apple ho graft in an pe deuh ber a, hmanni ka bial a ka han zin chuan Hualtu-a an Apple phun tur pek chu graft a ni hauh lo mai a, rootstock niawm tak hi an hlawn a, Apple a ni nge ni lo chu ka hre thiam ta lova. Chuti chuan Lungdar atanga chhuak kan hmuhnaah hman kuma Apple phuna min phun tur tir kha thing mai mai a lo ni a, a lungchhiat thlak khawp mai an lo ti ve leh bawk si a, chungte pawh chu thing mai mai a lo nih chuan tha thlawn kan sen tir dawn a ni tunah hian. Puk angin Agriculture loan angin an phun leh nghal a. Kum hnih khat hnuaah kan la ti lungnur leh ang tih ka hlau tak tak a ni. Chuvangin a chi kan pek te a seedling a kan pek te hi finfiah zel ni sela, hei Alu chi chungchangah pawh ngun taka kan chik a tulna chu kumin ah pawh lei sak puat kan han tum mai a, nikumah te pawh hei Government Farm ami reng reng chu chin loh tur hralh chkuah zung zung tur an tihna chhan kha round feases vei vek an ni. Tunah hian hmuh hrang hranga an chin te pawh in an vei em tih hre lovin kan lei saka kan sem leh mai dawn em ni ang? Chutiang anih chuan kan hlawhchham leh bawk ang a. Kuminah pawh Returnee 200 rual in Alu an ching kan ti a, nimahsela an Alu chin kha a chi dik lo anih avangin a tawin te a tam a, thara lawi pawh an awm lo a nih hi, za-ah sawm emaw za-ah panga emaw te a to theih chauh an ti. Thingfal lama report kan hmuh dan chuan chutiang khawp chuan kan returnee te pawh kan hrem a ni. Alu Quintal 10 vel kan han chin tir a, quintal khat pawh an thar lo. Chuvangin kan lo neitute hi kan hrem a ni ringawt mai.

Tawite-in kan belhchhah leh lawk ang a, Pu Dy. Speaker, min lo ngaithiam la. Demand No. 34-na ah hian Fishery in hma kan sawn viau niin a lang a. Matric ton 600 nikum ah kan man thar emaw ni, kuminah matric ton 900 lai a ni a. A figure-a a lan dan chuan a lawmawm hle a, mahse Bazar ah hian kan sangha khawi han lei tur bar pawh kan hmu lova, Silchar atangin a lokal lo anih chuan bazar hi a hul a ni ringawt mai a. Hetianga figure a lang ngawt lo hian a man tak tak tur awm thei sela Sangha Farm siamtu te pawh hi tanpu na tih tham deuh hlek a tanpuin siam ni sela a tha viau in ka hria.

Tin, chumi lai chuan kan member zabawm tak pakhat khan Mizo Sangha tui sia te kha a rawn sawi a, sangha zawng zawng hi poison in kan ti hlum zo dawn, hei hi kan Ministry in an hria em? Poison chi hrang hrang Agriculture atangin an la chhuak a, chung chu sangha tih hlum nan kan hmang a, a lui dungin a uih vut vut mai a ni. Chung chu thil pawl tak a ni a, heng hi kan tih tawp vat a thain ka hria.



Demand No. 35--na hi kan kai leh lawk ang a, Fawi Sanctuary tih kha. Kan sanctuary siam tum dan hi ramngaw kan han rin kual a, tunhma a khua a vel ami in an neih kha engemaw zat kan rin lut a, a paw khawp mai. Lo neih tur kan lak sak dawn a, Ramsa kan chen tir dawn a ni awm e. Engpawhnise khi lai khi Ramsa chen nan leh nakina Forest produce tha tak takte la hmuh chhuah nan a thain ka ring a. Chumi rual chuan tuna kan lo neitu ten an hman lai khi lak luh sak loh ni hram sela a thain ka ring.

Tin, hei thil pawimawh tak pakhat kan kai leh ang a, C.R.P. leh B.S.F. te hi Forest Department hian Royalty pe lova thing lak hi an phalsak em ni ka hre lova, keini ho hi chuan phut khat kan phurk pawhin kan chaw ring a. Nimahsela anni chuan chaw lovin an phura chumi bakah kan biala kan bucipui em em chu C.R.P. ten lo thlawhhma atangin thing an la a, Chief Minister hnenah vawihnih complaint kan thelut tawh a, mahsela vawin ni thlengin an la la lui z-el a, buh an pawt thlawh a, thlai an ti chhia a, Savawm chhuak atin a rapthlak sawk, chu chu an chet phung a ni. Chuvangin hengte hi check ve ngaihna a awm lawm ni? Forest Department pawh hian Permit te pe in an lakna hmun turte an kawhmuh thei lawm ni? Chu chu ka han sawi duh a ni.

Tin, Demand No. 36--na ah hian pawisa a tam hle a, namin kha kan lo sawi soal a, Department dang hnua ami emaw kan ti a. Hei hi Bawk a mipuite pawhin an chan ve theih tura siam a tul tak takin ka hria. Department in harsatna an tawh chu heng Chana te leh Badam te hi kan phur thei lo a ni an ti a. Chutianga a thleng thei lo anih pawhin dandawi in emaw Vitamin in emaw bawngnute powder talin emaw Bawk ah hian an thlen ve thei lawm ni? tih sawtin ka rawn ngen duh bawk a ni. Ka lawm e.

PI L. THANNAWII : Pu Deputy Speaker, thil tlemte han tarlan ve ka duh a. Member pakhat in Sub-Centre a rawn sawi suk kha tlema han belhchhah ve ka duh a. Heng Sub-Centre te hi thingtlang khaw kheng tak tak ah an awm a, chung an awmna hmun ah chuan helata Civil Surgeon te tluk hian Sub-Centre hi an rinchhan a ni. Chuvangin heng Sub-Centre te hi englai pawh a, an theih ang leh dandawi a an thawh theihna tura pek reng ni sela, chutiang chuan tlachham lova siam tum nise. Thingtlang mi ten an chhaur berte zinga pakhat a nih avangin heng hi chu ngaihtuah fet atan a thain ka hria.

Tin, Agriculture ah tlem ka sawi ang a, Vegetable and Food Development kha a pawimawh ang bawkin sum pawh a tam tawk viau mai a, nuai 40 lai a awm a ni. Chuvangin hma kan sawn chho zel ang tih a rinawm a, tun hun reilo te chhunga Silch-ar lam pang atanga thlai alo thlen chhoh loh pawhin tan tak tea an han tan chuan thlai te leh alu heng kan nitin mamawh hi a lo thleng ve ruith ruith mai niin a lang a. Agriculture hi tan tak tein englai pawhin han tang reng mai sela chuan kan va han housa dawn em ve aw tih hi ka ngaihtuah a. Hetianga kumina Demand ang ngata hnathawh chhuah anih chuan tuna chin hun reilo te--ah Vegetable thar chawp theihna na na ah chuan kan intodelh bak ah ramdangah pawh thawn ve theih hial dawnin a lang a.

A lawmawm ka ti em em a, amaherawhchu hei hi a hman hun leh a hman dan ah hian finkhur hle ıla a thain ka ring a, hun bi nei te a ni a, phun hun lai season nei a ni a, a season a pelh tawh chuan tih theih loh tawp a lo ni thin a, chuvangin Humin chu kan Demand hi hmang hlawhtling tur chuan a hun takah thil tih zat zat nisela, tichuan kan ram chu hetiang ah chuan kan ram chu kan intodelh thuain a rinawm a.

Tin, member tam takin an sawi a, pawisa hman ral tur leh hmuh tur a inbuk lo lutuk emaw thawk c chuch a inbuk lo lutuk an tih kha d dik ang reng viau mai a, khatah khan suggestion pakhat sicm ka duh a, mi reng reng lo neitu emaw leilettu emaw Terrace laitu emaw sorkar puihna a vang ringawt a tum an nih chuan tumna tak tak a nei lo tih hi a lang chiang nghal mai a. Chuvangin loan ah hian sum a tam hle ang reng a, Agriculture ah kher hi chuan loan hi uar lo sela, loan ain khung Madhia Bradesh te leh hmun hrang hrangah te khuan Intensive Agriculture Programme an han tih choh tak tak chuan a thar tam a ten lawmman an hmu thin a ni. Chutiang chuan a thar tam te lawmman itawm tak pek ni sela, chutiang ang chuan mathei lovin kan hlawhtling ngei ngei zawkin ka ring a. Thar tam leh nei that lamah khan in inel ngei ngei ang. Tuna kan inel dan chu thawk si lova la tam thei ni-ah kan inel tlat a, lawmman zawnga kan leh hlauh chuan thawk tha a, la tam thei kha an inel dawn nin a lang a ni.

Tin, Veterinary lam kha tawite in, hei ran vulh hi kan uar ta em em a, vawk te lizo ran vulh chu hmuh tur a awm tawh mang lova. Vawkte Bawngte "rte chenin tih that kan tum a, tunah hian Veterinary Hospital hi kan la nei tlem em em mai a, kan Budget thar ah hi chuan hmun pawimawh deuh deuh ah te hi chuan a Dandawi In hi siam ve zel theih ni sela a duhawm khawp mai. Chuta tan chuan Staff turte pawh lo ruat lawka train tir hial ni sela, hetiang a r chiutu a lokal kan ti a, kan han in ko khawm ang mai mai hi thingtlang ram hle ah te chuan a taw lo em em a, ran hian natna tinreng an la vei a, ran ke nat tihte pawh hi khi lamah a lang an ti a, heta tanga Veterinary an han thlen chhoh chuan ran tam tak an lo thi hman tawh thin a. Chuvang chuan hmun leh hmuna kan enkawl mai theih tur hi awm selangin ran pawh hi mihring ang bawka duat ngai leh enkawl ngai tak tak an ni a, ran vulh lama hmasawn kan tum chuan hei hi a pawimawh em em in ka hria a.

Tin, a tawp berah chuan Soil leh Agriculture hi hmuna kan han din lawk lai pawh khan vawikhat sawi a ni tawh a. Hei hi Directorate hran ve ve ah awm tawh sela, tichuan hna hi a sai zawkin a rinawm a. Tunch Account Head te pawh an intawm thei miah lova. Agriculture Directorate ah hian a inkhawikhawm mai mai a. A nihna takah chuan a hrang liau liau an ni tlat a, chuvangin an hran ang ang Directorate a awm loh hi a fel zawk a rinna ka nei a, mahni chan ve ve ah khan thahnem ngai tak leh chak takin hna a thawh theih zawkin a rinawm a. Chung chu rawn sawi ve ka duh a ni e, Ka lawm e.

PU SAINGHAKA : Pu Deputy Speaker, hun i phal tawi viaw  
a, tawite in kan sawi ang e. Medical  
chungchang thuah hian rawn sawi duh ka nei a, Aizawl ah  
hian Mizoram pum population hmun ruka thena hmun khat  
emaw vel kan awm hial a. Kan Works Schedule te han thir  
hian kumin chungah hian kan State Hospital Improvement  
ruahmanna a awm lo niin a lang a. Engtiziange ni aw ka  
ti deuhva. Thingtlang lam atana kan thil ruahmanna chu a  
thulh phah chuang lo ang a, State Hospital hi mumal deuh  
zawka siam turah ka lo beisei a.

Hei Damdawi lam hi kan mamawhzia chu hriat vek  
a ni a, nichina N. Vanlaphai bialtu in a rawn sawi ang  
khan Lungdar ahte pawh khawtlang thawh lawmin khum 20  
awm theihna Hospital an sa ve ringawt mai a nia, chu chu  
vawin ni thleng hian mumal tak sorkar lamin la tanpuina  
a awm lo ta em ni? Biata ah te pawh 'ray in kan sa e an  
ti a, an sa, chumi phei chu an pe tawh awm takin hriatna  
a awm a. Chutiang chuan hmun tin atangin Voluntary work  
in a building na na na kan thawh theih hi chu thingtlang  
mite hian thawh zel kan tum ve bawh a. Sorkar in a tanpuina  
a pek loh erawh chuan in ruakin a awm dawn tihna a ni a.  
Ministry hmasa leh hmasa lehah pawh khan psawisa tam tak  
sengin Kulikawn lamah pawh sawn ram zau tak lei a ni a.  
A tirah chuan Hospital sakna atana ruahman deuh a ni a,  
amaherawhchu thil a zuih chhoh zel a, a hnuah khan  
Convelation home tih ang chite pawh dah mai tumna te pawh  
a awm a. Nikumah khan Rs.20,000/- budget ah khan provision  
a awm a, mahsela hei kumin ah chuan a lo Lang leh ta mich  
lo mai a, tunah Directorate ten building rent to pui pui  
a an luh te hi sawtiang ram dei duai ah te sawn a sak  
theih lawm ni? Staff Quarter te an mahni Medical tana thil  
tangkai din nan a Hospital idea kha drop anih pawhin  
sawtiang saw hman that a ngai a ni lawm ni tih kan sawi  
duh a.

Tin, Forest chungchang thuah, tawite in. Hei  
nichinah member zahawm tak khan Kawrtethawng tlang  
dung lamte kha a rawn sawi a, khulai ah khuan Lui in a  
cheh ve ve a ni a, thingtlang miten he Forest Department  
in Reserve an neih avang khuan lo atana neih tur khu an  
hahchham deuh hlek thin a, amaherawhchu Forest Department  
lamah dilin lo phei chu an nei ve leh mai bawh thin a.  
Hetiang a chul a lo nih hian Forest Department hian thing  
tangkai chi hi phun zui in umzui sela, a phuna kan phun  
na na na hi chu mipuite hian a zah pawh kan zah deuhva,  
Zoram chhim tawp atanga hmar tawp thlengin en ila,  
Forest hi hmuh tur a awm mang lova, thu-ah chuan Mizoram  
hi Forest ah chuan a hausa ber pawl kan ni a, nimahsela  
tangkaina tak tak erawhchu a awm lo niin a lang a.

Tin, Agriculture chungchang thuah kan sawi  
tam hle tawh a, Kolasib ah khuan Research Centre an nei  
a, khu khu anih tur pangngai angin a ni lo em ni chu aw  
tih tur a ni a. A building te pawh engemaw chen chu sak  
a ni tawh na a, nimahsela amain building tak tak a  
ruahman tu ten an lo ruahman na anga tangkai tur a  
dinna a la awm lo deuh niin a lang a, kan budget atangin,  
chuwangin khulai khu changtlang deuh hlek a siam te  
pawh hi kan sorkar hian a tih tur a ni dawn lawm ni?

Tin, heng kan budget te pawh hi han sawi thin mah ila, Department hotuten hna tha taka an thawh theihna tur chuan thuneihna a pawimawh leh thin a, chulai ah chuan Department cingtu te theuh ah hian suggestion siamin an Financial Power theuh ah hian tam sawk deuha kan pek theih dan hi sawnpui nisela tichuan kan Fund neihte hi kan hmang the sawkin a rinawm a ni.

Pu L.PIANDENGA : Pu Deputy Speaker, Member zahawm tak tak ten thu tha tak tak an sawi a, khang kha tlem tlema han belhchhah ve ka duh a. Ran khuakhhirhna dan thuah hian Dan siam kek niawmin a lang a. Ran hi kan mamawh em em si hnawksak tak a ni a, chuwangin ran hi khuakhhirhna dan te han siam mah ila a dan kha khauh take kenkawh anih loh chuan a buathlak em em mai a. Tun atang chuan kan khuakhhirhna Dan hi khauh taka kenkawh a, thingtlang mite pawhin huan thlai te tha sawka kan enkawl theih nan ran khuakhhirhna dan hi khauh sawka kenkawh nise thain ka hria a.

Tin, Alu chungchang thuah sorkarin Alu intodelh turin kan ramah a buatsaih a, a chi te a pe a, a lawmawm hle a ni. Amaherawhchu a farm an siam te hi sorkarin engui tha sela a hrik leh tichhe theitu laka damdawi te a venghin turin, tin, a chi pawh hi tun atang chuan keimahni ram chung ngei atang hian lak ve theihna kawngte pawh hi sawn ni tawh sela, mi ram atanga la lo va, keimahni ram ngei atanga a chi te pawh intodelh tum hi thil tengkai tak niin ka ring a. Tin, chutiangan Berthlum te pawh kan ram chung a tha duh em em a, Berthlum tick pawh hi kan ram chung ami ngei hian intodelh tum ila thiltangkai tak niin ka ring bawka a ni.

Tin, chulovah chuan thingtlang lamah huan leh terrace ah te hna lak an tum nasa em em a, hetah hian harsatna thingtlangah leh khawpuiah pawh kan nei niin a lang a. Tunhmain thuneitu ten khaw chhehvelah hmang tangkai leh mang silovin ram an nei get zuta, hengte hi enkawla hmang tangkai lo te chu verify a, cancel sak emaw nise, hnathawk ngeite hnenah ram pek nise, kum tina kan lo neihna lam ah pawh Leilet leh huan hmun tha nei te tan leilung tangkai sawka kan hman theih nan hetah hian tan lak ngaiin ka bawka a. Tin, khawpuiah te pawh hian a ni tho a ni. Chutiangan bawkin In hmun pawh hmang si lova, dah tawl mai mai an tam a, mamawh tam takin hmun an nei si lova, heng te hien sui ngun thain ka hre bawka a. Tin, chulovah chuan damdawi In Sub.Centre te an sawi a, hei hi hmun thenkhatah dah a ni tawh a, dah belh leh pawh tum a ni a. Amaherawhchu heng dah tawhna ah te pawh hian Doctor an awm thathum lova, Sditual-ah pawh hun rei tak Doctor nei lovin kan awm tawh a. Kawkhulh te pawh khi Doctor awmna tura tih, a in te pawh sak vek tawh, khumte pawh thleng vek tawh tun thleng khian Doctor awm lovin an la awm a. A in pawhin chhiet lam a pan a ni tawh a, tichuan thil hi han ten mah ila hman puitlinna tak tak a awm siloh chuan miputin kan hmang tangkai dawn lova. Chuwangin heng thileh hian sorkarin ngun takin leh tang taka an engui hi thil lawmawm tak niin ka ring a ni. Ka lawm e.

PU P.LALUPA : Pu Deputy Speaker, ka sawi tur hi a tangkai  
 viau in ka ring. Forest lam a ni deuh bik  
 a, a Forest pumpui a ni lova, ka bialah khuan Wild Life  
 Sanctuary a awm a, hman Session hmasa khan ka sawi ri  
 tawh a, khu khu Sa Huan Mizo te chuan kan ti mai a. Tin  
 huan a neih phawt chuan a hung tha tur a ni a, kil tina  
 dah that tur a ni. Chuti lo chuan a huan pawh a him  
 tha tawh dawn lova, chutiang deuh chu a ni awm e. Ka kal  
 zing ve hle a, Tuipuibari ah khuan Serhuan an ti emaw ah  
 khuan Forest Guard post a awm a, Phaileng lamah a awm  
 leh ngawt mai a, a chhim thlang lam pang vengtu tur khu  
 chu an vawng tawh khawp mai a, a neitu chanchanga han vei  
 vel hi a vengtu chu kan ni deuh berin ka hria. Chakma ho  
 te khu in lo khawih vah chuan ka ti deuh reng mai a, ka  
 vau deuh reng mai a. Ram Sial te Sai te a lut tana tunah  
 khuan. Ka hriat dan a sual loh chuan kumin chhungin  
 Ram Sial pawh 5 vel a lut tawh a ni. Tin, tun kum ral ta  
 kum tawp lam khan Sawi 7 chauh awmin an record thei a,  
 amaherawhchu tunah khuan a luh belh leh tawh a ni. 12  
 emaw lai an ni leh tawh ang. Chutiang chu a ni a, heng  
 lo lutte hi Bangla Desh atanga ldlut an ni deuh ber a.  
 Tuna kan boundary siam dana khu kan Ministry hmasa  
 an Session vawihna ah emaw khan an han ti chawp ve  
 mai a ni a, chuti teh chiam chuan a rintlak thawhkat  
 nain tih that ngai awmin ka hria a. Khumi khu kan ti  
 tha dawn a, thangthar lo lian zel tur tana he sa huan  
 hi mi state te pawhin an lo neih anga tih tak tak kan  
 tum anih chuan a boundary khu kan siam that ngain ka  
 hria. Tuipuibari atanga inkhawh thla Sazek luidung thla  
 zelah khuan Bangladesh ramri hrul zelah Marpara thlang  
 deuhthaw hial khuan Chakma ho leh Tuikuk hovin an luch  
 mai mai ram a tam mai a, mumal lo takin pem kawi mai mai  
 in an khawsa a ni a, khua khu hlep thla ta ila, sa chu  
 kan ngah viau ang tih chu a lang a ni. Tin, chutia kan  
 tih pah chuan Phaileng leh Lallen te leh khunglai an  
 chhehvela an ui ngawih ngawih ram khu kan sat thla leh  
 deuh hlekin ka ring a. Chu chu kan Minister-in-charge  
 ten ngai pawmawh deuh hlek sela. Tin, a ven hna khu  
 thil pawmawh tak a ni a, kiltin ah khuan a pawmawh lai  
 laiah Phuldungsei ah te khuan Forest Guard emaw dah belh  
 deuh tur niin a lang a.

Tin, Wild Life Sanctuary atan hian leh enkawl  
 tu tur atan pawh hian expert deuh te pawh a ngai hlein  
 a lang a. A.C.F. pakhat tal chu depute a, tin, sorkar  
 tum lai reng anih phei chuan tih puitlin nghal a that  
 ka ring a. Chu chuan tawmchilh deuh hlek a, amah pawh  
 kha khalam a train kha ni sela a that ka ring khawp  
 mai. Tichuan Mizoram in Sahuan ropui tak kan nei dawn  
 a ni tih ka han sawi lang duh a.

Tin, Medical thua hian tawite, ka bial  
 chungchang ah ka la sawi miah lova, kan sawi ve deuh  
 hlek ang a, P.D. lamte chu a thlen phak loh tam kan  
 ni ringawt mai a. Medical facilities ah pawh khuan kan  
 chau khawp mai a, helaia Lungpho bialtu H.L.A. zahawm  
 takin a bial a han sawi ang deuh kha, khalci a vei  
 phawt chuan min veipui ve ngei ngein ka ring khawp  
 mai a. Kanghmun ah Assam hun lai khan Damdawi In ang  
 reng deuh khum tlem a zawng awm theihna an lo ruahman  
 a ni awm e, sak pawh an sa tawh a, mehse ram buai  
 khan an thiat leh a, khami hnuch pawhkan khulci ram  
 awl zau tak mai Medical facility nei lova an khawsa

khu sorkarin tih an tum/ leh a P.H.C. (Primary Health Centre) kha, mahse chu chu tunah hian Planning Commission ten an pass a, an tih fel vek hnuah helai Directorate atanga rawn ruahman chhohna atangin Reiek ah hian an sawn leh mai a, Reiek hi chu chawhma kal lek a ni a, zizawl pawh an hmang phak em em a, helai lawkah Sairang a awm bawk nen. Helai hi a awm thui em em mai a, heti ringawt maia hnutchhiaha kan mipuite an awm bik hi chu sorkar tan chuan a ngaihawh awmin ka hria a, chu chu ka han sawi lang ve duh lawk a ni e. Ka lawm e.

Pu H. RAMZAWI : Pu Deputy Speaker, kan Minister zahawm takin he Demand a rawn submit hi a hmasain lawmawm ka ti a, ka hmaa member zahawm tak tak ten rawtna tha tak tak an rawn sawi zawng zawng kha tha ka ti a, bial bial tih lamah erawh kha chuan ka bial chungchang chu kei sawi ka tum miah lova. Amaherawhchu ka bial ah Doctor pakhat mah an awm lo tih erawhchu he House hi ka hrilh duh a ni.

Demand No.20-na chungchang ah hian Doctor chungchangah te Nurse chungchangah te an dinhmun hi sorkarin ngun lehzuala a enfiah ka duh a. Chhan chu nichina member zahawm tak tak ten an sawi ang khan Doctor hlawh chungchang te pawh hi tha tawko viau in ka hria a. Tin, Doctor chauh ni lovin Nurse te pawh tun hma a mi senior tak takte tuna L.N.M. kan tih hming an neih hma hming danglam deuh ti mai ila Assam hunlaia Dhci an ti emaw ni, khang atanga an in condon chhoh zel danah tha tawkin sorkarin a enkawl lovin, ka hria a, vui leh vaina tam tak nikum lamah pawh khon a awm tawh a. Chung chu sorkarin ngun leh zualin en sakse ka duh a.

Tin, Chhimituipui District Headquarter Saiha ti leh pek ila, Saiha hi sawi tam min ti viau mai thei a, mahse Chhimituipui District Headquarter a ni ve miao a. Ka bial chhung phei chu a ni miah lova, mahse kan Headquarter anih ve avangin sawi lan ka duh a, Saiha Civil Hospital hi Damdawi In a ni a. Mahse damlo te tan in hlauhawm tak a ni a, tlat mai a. Chhan chu damlo te tan facility a tha tawko lutuk a, Electric eng a awm bawk si lova, Water Supply awm bawk si lo a harsa lutuk a. Cabin tak ngial pawh a awm bawk si lova, an harsat dan chu sawi ciin an harsa zawk a ni.

Tin, Doctor duty turte pawh an indaih lova, Doctor pahnih khat lek Saiha ah sawn dah an ni ve a, chung chuan chhun zan sawmin an thawk tak meuh a, an hah em em a. Damlo an tam thei si a, kan sorkar hian Doctor tam zawk dah thei hram se ka duh a. Tin, Water Supply te pawh a that zawk theihna turin kawng dap sak se. Tin, Saiha ah sawn Electric a eng ve tawh a, sawng te pawh saw eng tin tin emaw Electric eng chhit theih dan damdawi in ah sawn ngaihtuah sak se tha ka ti a, zan dar 11 thlang chauh Electric eng kan nei a, sawng saw damdawi in tan bik zankhua a tih en theih dan te kan sorkar hian dap se, tha ka ti a. Tin, chu chauh chu a ni lova, Nurse te pawh saw an indaih lo em em a, sawngte pawh saw tam deuh hlek sorkarin rawn dah thei se, damlo te tan leh a bial mipuite tan thain ka hria a. Chhimituipui District a Damdawi In kan neih chhun tak meuh a ni a, Lawngtlai ah khum 10 emaw lek a awm a, Lawngtlai bial tan Lawngtlai ani pawh saw a tawko viau tih kan sorkar leh he House zahawm tak hi ka hrilh duh bawk a.

Tin, Damdawi in han tih hian sawi ninawm ah ka ngai miah lova, ka hmaa member zahawm tak tak ten tam tawh an sawi tawh bawh a, mahse a tul micu si avangin khang kha kan sorkarin a ngaihtuah ka duh em em a ni.

Tin, Demand No.30-na kha helai Directorate ami hi sorkarin ngun leh zualin en se ka duh a, a chhan chu hnaruak a awm nual a, chung fill-up tur chuan kan Mizo Officer te pawh an awm ve thova, a rang thei ang bera an tih fel ka duh a, pawn lam mi lak ngai miah lova a hmun ami kan Mizo ngei an awm a, chung chu kan sorkarin ngun leh zualin en se tha ka ti a. Tin, he Department ahbawkhian Saiha ah sawn District Office an nei a, chungte chuan Saiha hmunah Treasury awm ve vek siin hlawhte an la thei lova, a chhan chu District Officer an neih loh vang a ni a, Mizawl ami rawn lak ngat ngat a ngai a, hei hian harsatna lian tak tak a siam a, chung chu kan sorkar hian ngun leh zualin ngaihtuah se tha ka ti bawh a.

Tin, Agriculture chungchang ah khan Mizo fate chu Agriculture a inngat ti ila kan ni deuh vek mai a. Heng hi sawi sawi ngaiin ka hre lova, hei hi thil awlsam ber chu Chamdur ram tha lutuk kan nei a, Chhintuipui District khawthlang lamah sawn a awm a. A tam sawk chuan kan hre theuh in a rinawm a, saw saw Mizoram chawm thei tura ngaih a ni a, kan sorkar in enkawl tha sel chu. Ram tha tak a ni. Tunah buhfai harsa kan tih te leh kan harsatna sawng sawng hi phai lam atanga buhfai thawn chhoh ngai lovin a lettingin buhfai hi kan lalut teuh thei ang. Chuvangin Chamdur ram hi sorkarin ngaihven ve min chawm thei tura ram tha a ni a, chuvangin heng hi sorkarin ngun leh zuala a en ka duh bawh a.

Tin, Forest chungchang thuah Member zahawm tak tak ten a humhalhna chungchang ah tam tawh an sawi tawh a, heng sawng sawng aia pawimawh sawka ka hriat chu Forest Guard hi kan nei tlemlutuk deuhvin ka hria a. Forest Guard hi Mizoram ah tam tawh awmse chung chuan an veng hneh mai ang. Sawi sawi mah ila tun ang hi chuan kan veng hneh auang lovang. A veng thei-tu tur Forest Guard kan mamawh a ni, chuvangin kan sorkarin Forest Guard tam sawk neih theih dan kawng a dap ka duh bawh a ni.

Veterinary Department lamah tawite in, he Department a thil tul tak sawi ve ka duh chu Vety lama tuina nei mi ran vulh lama tuina nei mi te hnenah sorkar-in Loan tam sawk te tanpuina tha sawk te pe se, sorkar mai nilovin mimal hnen lam atangin hetiang lam hi tha sawk an tih chhuah theih ka beisei bawh a ni. Ka lawm e.

DEPUTY SPEAKER : Tunah chuan Minister-in-charge kan sawm tawh ang.

PU P.B. ROSANGA, MINISTER: Pu Deputy Speaker, vawina ka Demand kan sawi hona ah member te thusawi tam berah heng Department hrang hrang atana Demand kan han siam ah te hian hmasawna tha sawk kan neih theihna tura thahnemngaihna thil ah rawna te leh remruatna tam tak kan ngaithla a, lawmawm ka ti a. Tin, thenkhatte chuan sawhna ang reng te pawh an rawn siam a, thenkhat te chuan tuna thil awm mek te kan hriat chian loh avanga sawhna ang reng deuhwa kan siam te pawh a awm a. A tlangpui thuin he ka Demand chhung ami te hi han sawi sawi sawi ka duh a.

Entirnan - Medical - Demand No.20-ah hian bul tan ta ila, mimal tin ten an sawi kha kan chhang vek lo ang a, amaherawhchu hemi Medical Department chungthu a sorkar thil lo ruahman leh lo tih tawh tam tak atangin thil kan hriat tur awm chu kan sawi zung zung ka duh a. Kan Member zahawm tak pakhat chuan khumi Teirei lamah Doctor awm hauh lovin a sawi a, amaherawhchu khangte pawh kha hriat sual palh a ni mai thei a. L. Kicherra ah khuan Doctor kan dah reng a, amaherawhchu tun hnei buai atang kha a chawl ve ani mai thei a. Chu chu khulam ah pawh Doctor kan nei a. Tin, a hrim hrim thuah erawh chuan tan lak a tul a ni tih erawh chu kan hre thei a ni.

Tin, mi thenkhatin an rawn sawi Sub-Centre thua Supply quota pek chungchang thuah thil kan hriat chian a pawimawh hlein ka hria a, hemi Sub.Centre chungchang thu hrim hrim hi a activity chu Prevention leh Imunisation an hna ber a ni a, chuvangin treatment lamah hna an thawk tam teh chiam lova, chuvangin damdawi an mamawh dan leh a thawktu te thawh dan atang pawhin thenkhat ten Health Worker te service kha Pharmacies te duty te leh Doctor te duty te nena angkhat deuh thuaka kan zuk neihna kha chu kan hriat sual palh a ni mai thei a. Heng kan Sub.Centre te hian an thawhtur leh an kawng bik an nei a, mipuite nana chi hrang hrang loka venna te kha an hna ber a ni a.

Tin, Member pakhatin khumi Bughmun bialah Block pahnih chhungah Primary Health Centre pakhat mah a awm lo tih thute a rawn sawi a, tun Annual Plan ah hian kan nei lem lo, amaherawhchu India ram pumpui ah Health Centre chungchangah Policy an nei a, chu an Policy ah chuan Block pakhat ah Primary Health Centre pakhat tih a ni a. Chu ang bak chuan keini pawh kan kal thei lem lova, hemi Sixth Plan chhung hian Primary Health Centre 11 siam tur kan neihte zingah Bughmun Block ah Bughmun khucah leh Buarpui ah Primary Health Centre tur hian Sixth Plan approved sa kan nei tih a lo hriat ka duh a.

Tin, hemi Sixth Plan chhung hian Dispensary pawh 7 lai hawn tur a ni a, nichina member zahawm tak Phuldungsei bial ami in Kanghmun Dispensary chu Reiek ah sawn anih thu a rawn sawi kha a dik a, he thil hi Sixth Plan ruahman anih lai chuan Kanghmun a dah tura tih a ni a. Amaherawhchu remchan lohna thil tam takte avangin Reiek ah kha Primary Health Centre kha sawn a ni a



Amaherawhchu Kangmun ah Dispensary khum awm theihna tur ruahman a ni, Heng thil tih danglam leh sawn anihna chhante entirnan - Bungmun te Buarpu te pawh Primary Health Centre hi an mamawh em em a, amaherawhchu P...D. Works schedule a an pek dawn hian communication a th t lohna avangin hna thawh tan mai theih niin anhre lova, Medical Department lam atanga Priority kan pek te kha P...D. lam atanga remchan lohna avangin hmasa tur hmuna kan ngaihte kha an hnuhnunga thawh an tul a, tichuan kum indawt zelin Sixth Plan chung hian kalkawng kan neih ang zelin heng a Dispensary leh Primary Health Centre hmun tura kan ruat te hi tih puitlin zel tura ruahman an ni a ni. Member thenkhat ten Mobile Dispensary chungchang thute an sawi a, hengte pawh hi thil tul tak a ni a, hengte pawh hi District Civil Surgeon hnenah a tul angin kan member theuh ten an hriat atana ka duh chu an bial chhungah damlohna engemaw a lo awm reng reng chuan District Headquarter ah chung thilte chu thlen sela chumi atan chuan englai pawhin Doctor te leh Nurse te duty tura detail theih an ni tih kan hriat tlan a pawimawhin ka ring.

~~Kan~~ Tin, A.N.M. training lak chungchang thute kha ~~an~~ sawi a, tunch hian interview mek a ni a. Hetah pawh hian he sorkar thar policy ah chuan Lunglei bial ami tur zawng chu Lunglei ah koh a ni ang a, Aizawl ami tur chu Aizawl ah. Chutiangin Chhimituipui ami tur pawh Chhimituipui ah, chutiang zel chuan interview pawh tih a ni a. Chu chauh chu ni lovin 4th Grade Staff te, chungte pawh chu District Headquarter tina an mahni District chhunga post te ti khat tur chuan interview ko tura instruction pek vek he sorkar thar ah hian a ni tih vawin ni ah hian he House hi ka hriattir duh a. Chutiang chuan a tul dan ang zelin thil deng dangah pawh hnathawh dan tha sawk a awm theih nan hna lak chungchang thu ah te Medical Department chuan tan lak zel a tum a ni. Tin, nichina Member zahawm tak Aizawl South Constituency ami khan State Hospital atan engmah fund a awm lo tih thu a rawn sawi a, kha kha a hriat sual palh a ni mai thei a, kan State Hospital Aizawl ami tan hian kumin Annual Plan ah khan Cheng nuai khat leh point 50 kan nei a. Saw damdawi in saw lian zawka buatsaih a ni. Clinic chungchang te pawh kan sawi a, tunch sawn Aizawl Civil Hospital ah sawn zing dar 9 atanga dar 2 inkar ah in entirna hun hawn a ni a. Tin, Xray te leh Laboratory facilities te pawh buatsaih mek a ni a. Zemabawk lama awmte ten pawh Xray hawn a ni a. Harsatna an rawn sawite chu tun atanga hun reilote ah awl-at leh sualin mipuite tan kawng a in hawn theih beisei a ni.

Tin, Member thenkhatin a an sawi Lungdar (E) a damdawi in sak in rawn sawi kha thil awmdan chu hetiang hi a ni. Lungdar East ah khian kan Sixth Plan Programme emaw Annual Plan ah emaw atan Damdawi In ruahmanna a awm lova, amaherawhchu Damdawi In atan tiin In lian deuh mai an sa tih chu keimah ngei pawhin ka hria a. Khimi Lungdar Block Headquarter atan khian Social Welfare lam atangin I.C.Ds Centre (Integrated Child Development Service Centre) Central atangin a hranin sanction a awm a. Amaherawhchu Intigrated Child Development Service ah chuan damdawi in pangngai anga damlo te awmna tur khum atan ruahmanna engmah a a awm lova, Child Development Scheme chumi beisei a in sa nii a rinawm a, ngun taka thil kazuk chhut puiin

kaung a ang teh chiam a awm thei lo. Integrated Child Development ah khien Doctor pakhat leh Nurse pahnik leh A.N.H. 4 (pali) emaw kan nei thei a, amaherawhchu chu chuan area cover tur a nei a. Engpawhnise I.C.D.S. Centre ah chuan khi building khi mipuiin an remti anih chuan luahsak tura ruahman a ni a. Chumi atana tul Doctor leh Nurse te pawh tih peih vek an ni a. He thilahn mipui ten an hriat atan leh he House hriat atana ka duh hrim hrim chu hemi Voluntary Works ah Damdawi In thenkhat te provision plan a kan neih si loh an lo tih hian Department lamah harsatna tam tak a siam a, hei hi thil vanduaithlak tak a ni a. Kan mamawh a kan duh a, tul kan ti a, kan thawk a, amaherawhchu sorkar lamah engmah facility kan neih siloh chuan a zuk tih puitlin sakna kha thil harsa tak a ni thin. Chutiangin Khawbung atan te khan nichina Member zahawm takin a rawn sawi rel eih uaih khuh theih loh' a ti a. Department atangin khami khuhna tur bik ruahmanna a awm lova, Khawbung chu Primary Health Centre atana ruat a ni a, kumin chhunga lak tel tura ruahman pawh a ni a, Amaherawhchu chung atana building lam thil tulte chu P...D. kuta pek a ni a, chung chu P...D. in a tih puitlin hmaa lo luah atan Voluntary in mipuiin an sa nin ka ring a. A lo satute chuan lo ti tluantling law law thei ta sela a chungte chu lo khuh fel thei ta ang se, a tul angin Doctor te leh a thawktu turte chu sorkar lam atanga ruahman chuk chuk theihna he kan Plan a awm anih avangin kan tih theih chin lamah chuan thil tih theih reng a ni. Chung chu a tlangpui member te rawn sawi rik atanga ka han sawi duh a ni a.

Tin, a hrim hrim thuin he Demand No.20-na Medical hnathawh dan tlangpui ah hian leh kan Plan kan Demand-in thawh a tum dan tlangpui ah kan ram tana thil tul leh mamawh tam tak a awm a. Entiran - Primary Health Centre pawh hemi chhung atan hian Plan 6-na a 11 kan neihthe zinga 6 kha he Demand ah hian kumin chhunga tih tura ruahman a ni a. Tin, chutiang zelin tunah hian Prevention leh Utilisation Centre ho Sub.Centre kan tith te pawh kha khawtin deuh thawh hun chhuah kan duh a. Tichuan tunah hian he kan Provision atang hian kumin chhungin Sub.Centre 92 hawn belh tum a ni a. Tin, tunah hian Medical activity hrang hrangah Medical Department hian tun hma cia tan lak a tum a ni tih pawin ah hian he House hi hriattir ka duh a.

Demand No.29-na Special and Backward Area tih hi nikum atang tawh khan sawitu thenkhat an confused thinin ka hria a, hemi chungchang thuah hian a sick dan atang chuan nin ti buai thei viau thin a, Special and Backward Area tih anih avangin, amaherawhchu he thil hi North Eastern Council Plan a ni a, a bik takin M.E.C. in hnufual gual leh tan lak ngai gual a an hriat chungchang thu sawina a ni a. Hemi atan hian thil hran hran thawh a ni a. Chuvangin hei pawh hi Agriculture te Veterinary atan te thil ruahmanna a ni a. Heihi thil pawimawh tak a ni.

Tin, Demand No.30-na Misc.Economic Service tih kha a sawitu hnuhnung berin a rawn sawi lante pawh kha thil pawimawh tak a ni a. Deputy Director Statistic Office a Officer hmun thenkhat la ruak tih thu a sawi a, hengte pawh hi a rang thei anga, kan Misc te luah khah theih anih pawhin heng post ruakte hi hna a thawh that theih zawk nan tih khah thuai tum a ni ang.

Tin, Agriculture Department hi a tlangpui  
 thuin sawisel leh rel pawh a hlawh tam a, tin, a leh lam  
 ah chuan a hma a sawva, mipui leh chhungkaw tinte a  
 kawh avangin sawi a tam pawh hi a hlawk a ni a. He  
 Agriculture Department hi he sorkar thar chuan a policy  
 No.1-na buh leh bal a intodelhna lama tanlak a tumna ah  
 thil pawimawh ber a ni lo thei lova. Chuvangin tunah  
 hian kan lo inkaihhruaina wholesale a en dik a ngai  
 niin a lang a. A dik takin hemi thila he House a member  
 zahawm tak takte hnena kc ngen duh chu kan ram thlawhna  
 eizawn dan kawngah he Agriculture in a hnathawhna  
 activities hrang hrangah te pawh mipui te hian thahnem  
 ngaihna that an neih hi tulin a lang a, chuvangin biel  
 hrang hranga mipuite lo nei mi Mizoram mipui za a  
 80 vel te hian tuna kan kal dan phung ang ni lova tan kan  
 lak a ngai a ni. Nichina member zahawm tak pakhatin  
 a rawn tarlan ah khan a thawktu zawk nge kan dem anga  
 mipuite a tih kha a dik tak chuan thil awm thei ve ve a  
 ni a. A thawktute pawhin an thawk dik seng bik lo ang a,  
 amaherawhchu a pawimawh sawka chu mipuite hi kan ni fo  
 mai a ni. He thil ah hian Arpui nge upa a tui tih eng deuh  
 a ni a. Agriculture a hnathawh dan kawnga sawiselnatam  
 takte a thawktu te dik loh nge mipuite tih hi he House  
 a member zahawm tak takte hian min ngaihtuch chian pui  
 atan ka duh a. A chhan chu mipui hi dik ila kan thawh  
 ang ngeia tanpuina chauh hi beisei ta ila, kan thawh loh  
 hlawh emaw kan thawh loh lawman emaw hi lak tum lo  
 ila chuan nase fe chuan hma kan sawnpah in ka ring a.

Tin, chu ang bawh chuan Agriculture a  
 hnathawktu te pawh kawng hrang hranga tihdan thar kan dap  
 a, tan kan lak chu a tul a ni tih chu a Chiang Khawp mai.  
 Hikum hun reilo te Ministry kan siam khan heng kan  
 hnathawktute hian awmze nei leh zual deuhva hna an thawh  
 theih nan Community Development hnaia dan thin  
 Agriculture Extension Officer kan neih thin te chu lak  
 chhuah a Mizoram Block 20-a then ni tawh lovin Agricul-  
 ture Circle 46-ah then a ni a, chung Circle 46 te chu  
 Inspector emaw Assistant-Inspector emaw L.E.O. kan tih  
 ang rank khan enkawl a ni tawh a. Amaherawhchu vanduai  
 thlak takin an duties leh function tak takah kan ruahman  
 pui theih hmain nikum khan kan sorkar khan a tluk san  
 a. Kumin ah erawhchuan hemi Circle 46 te hian Land  
 Reclamation chungchang thuch te Minor Irrigation ah  
 te Horticulture Development ah te Terracing ah te  
 kawng tinreng ah hemi Agriculture activities ah hian  
 hna tha sawka an thawh theihna turin an hnathawh dan  
 turte leh an kal phung tur chu ruahmanpui tura buatsaih  
 mek a ni a. Chuvangin tun August ni 27 hian hnathawktu  
 te sawng sawng chu koh khawm an ni a, hemi ah hian  
 sorkarin tan a lak dan tur kawng hrang hrangte sirtir  
 na leh in kawhmuahna awm tura buatsaih a ni a.  
 Chuvangin Agriculture Department hian kum hnih kum  
 thum chhung hian Mizoram hmel danglamna khawpa a  
 siam theih beiseina sang tak a nei a ni.

Demand No. 33-na Animal Husbandry. Hemi Department activities hi tlem sawi ka duh a, he Department in hna a thawhdan kawng hrang hrangte hi a Department a tet aian Zoram pumah a lang hle a, kan hnunglam kum 5 kan thlir in vawina kan dinhmun nen thil tam tak he mi Department in kawng hrang hranga hma kan sawna ualau taka hmuh tur a tam mai. Entirnan - kan hnunglam kum 5 ta ah kha chuan bawngnute te pawh hi khawpui chhungah lei thei tan pawh lei tur a awm lova, tunah erawh chuan lei duh tan pawh duh zat zat lei tur kan nei a, zokhaw kilkhawr zawng zawng pawh fang chhuak ila, hemi Vety. Department atanga thil rawn in hring chhuak kan hmuh chu Mizovin intin tih theih deuh thaw a kan vulh te Vawk tha sawk Zoram hmun tinah vawk tha pui pui Veterinary Department in an lak chhuah te hmuh tur a awm a, chutiang zel chuan hmun hrang hrangah he Department hnathawh rah hi Zoram in a seng mek a ni a, chuvang chuan he Demand kan han siante pawh hi chutiang kawnga hmasawna sau sawk kan neih theih nen leh kan intodelh theih nan te thil ruadhan chhoh zel a ni a. Thil pawimawh tak tak te vawin ni ah House ka hriattir duh bawk a ni.

Chutiang chuan Fishery ah te pawh Department in tan lak a tunna kawng hrang hrang a ni a, Tin, nichin ah thil tenau tak Hauhuk thu kha kan member zahawm takin a rawn sawi a, Forest ah. Tunah hian Mizoram pumpui hi Wild Life Preservation Act hnuciah dah a ni a, chuvangin heng kan rannung te Hauhuk chauh nilovin kan ramsa dang reng rengte hi he Wild Life Preservation Act hnucia dah anih tawh avangin tih hlum leh tih boral hi khap vek ang a ni a. Anah rawhchu hemi thilah hian uluk leh zuala tan lak duh tulin a rinawm a. Chuvangin member zahawm takin a rawn rawtna kha bawhzui chi leh ngaih pawimawh tur chi tak niin a lang a ni.

Tin, Forest chungchang thua bawk chuan Phuldungsei biala kan member zahawm tak rawn sawi Kampa Wild Life Sanctuary thu a rawn sawi kha ka rilru a khawihin ni a tilawm em em a. Keimah ang bawkin khulai khu a vei tih ka hria a. Tin, a rawn ngaih pawimawh tak tak te kha tunah hian buatsaih mek a ni a. Tun aia Forest Guard tam sawkte kan dah theihna turin Forest Guard tur lakna interview neih mek a ni a. He kan Demand chhungah ngei pawh hian Forest Guard 100 aia tlem lo lak belhna tur khung tel a ni a. Tin, khu Wild Life Sanctuary khu uluk sawka enkawl anih theih nan tunah Banger te pawh dah a ni tawh a. Chu chauh chu nilovin A.C.F. pakhat post siam a ni a, tunah hian khumi atan leh Mizoram ramsa te humhalhna atan chutiang A.C.F. pakhat chu Wild Life Training atan thawn tura tih mek a ni a. Tichuan khu Wild Life Sanctuary khu heng kan Demand atanga Forest Guard kan neih theihna tura enkawl anih chuan uluk takin khawvela hmingthang thei khawpin khu Wild Life Sanctuary khu buatsaih theih anih kan beisei a. Tin, khu chauh khu ni lovin Tawi ah pawh khian khumi ang deuh hlekin ramsa humhalhna hmun buatsaih a ni a. Chung atan te pawh chuan he kan Demand chhungah hian staff turte leh a tul ang anga hman na tur ruadhan a ni a, chung chu member zahawm tak tak ten min hriatpui ka duh a.

A tawp berah chuan Community Development chungchang thuah khan mi thenkhat ten he Department activity then then te an rawn sawi na ah thil hriat kim lohte an nei a ni mai thei a. Entirnan - Block Headquarters chungchang thuah Khawbung biala kan M.L.A. zahawm tak khan a bial ah Headquarter a sawm ve loh thu ah harsatna tam tak a thlen thu leh Khawbung leh Lungdar chu Vai ram leh Mizoram ang ah a rawn tehkhin kha kan hria a, a dik takin Mizoram hi India ram hmun hrang te nena khaikhin chuan Block 10 aia tam nei thei tur pawh kan ni lova, a area leh population atang pawhin, amaherawhchu tunah hian Block 20 kan nei a. Tichuan chu Block 20 chu tunah hian a limit hle a ni. Kan phu bak piah lam a ni. Chuvang chuan tunah kan dinhmun atang chuan Block thar hawn theihna tur engmah provision kan nei lem lova, amaherawhchu heng Block hrang hrangte hnuatia knathawh dan te a lo ruai sawk theih nan tiin Sub.Headquarter te phuachawp deuh hlekin din a ni a. Mikum pawh khan Ngopa Block hnuai Phullen ah khian Sub.Headquarter chu kan hun tawite khan kei mah ngeiin ka buatsaih sak a. Chutiang bawh chuan heng Khawbung bial te pawh hi rawtna te rawn siam zel ta sela sorkar pawhin lo en zel theih chi niin ka ring a.

Tin, member zahawm tak pakhatin khawi khawiah emaw Suspension Bridge chungchang thuah he C.D. hian leilawn dawhna a thil tul thirhri ngaihtuah thei se tiin a sawi a, hei pawh hi kan Directorate lam a dawr khat pawh a ni mai thei a, englai pawhin sawti lai atang sawn mipuite demand chu meet zel tumin kan in buatsaih a, tin, kan nei reng a. He kan Demand ah hian chutiang tam sawk neihna tur pawh chu khung a ni a. Tin, mamawhna nei bial apiangte tan pawh khang an mamawhna kha Directorate ah thlen zel theih niin ka ring a, heng kan hriat chian loh te kan hriat chian atang hian kan Demand in a tum leh a lo tih tawh te pawh kan hre chhuck thein ka ring a.

Tin, chu lo chu Nutrition Programme chung-  
 chang thuah khan sawi lan tul nia ka hriat chu hemi  
 Nutrition hi Centre engemaw zat Soram pum puich siam  
 a ni a. Nichinah member zahawm tak Tlungvel bial ami khan  
 Thlawhbawh te chu ensan leh hmah ang dawn dawnin a  
 rawn sawi riin ka hria a, kha pawh kha a hriat sual  
 palh a nih ka ring a. Tunah hian Feeding Centre 150  
 aia tam kan nei a, chungte chu Grouping Centre ah te  
 leh Thlawhbawh ah te pawh hun a ni a. A hrim hrim  
 thuin Centre tam sawk erawhchu kan la mamawh zel a,  
 chung atan chuan heng kan Demand te pawh hi siam a  
 ni reng a ni. Tichuan a tlangpua zuk lakkhawmin  
 wawin ni ah heng kan Demand siam te kan sawi khawmna  
 ah khan member zahawm tak tak ten rawtna leh suggesti on  
 an rawn neihte kha a theih ang ang chu chhinchhiah a  
 ni a, tichuan a tlangpui thuin kan sawi hona te kha  
 hmasawn zelna kawnga chak sawka kan kal theihna tura  
 duhthawhna vek anih avangin lawmawm ka ti a, chuvang  
 chuan he House hian he ka Demand No.20,29,30,31,33,  
 34,35 leh 36 te hi min pawmpui turin ka ngen a ni e.  
 Ka lawm e.

DEPUTY SPEAKER : Kan hriat tawh angin tunah Pu P.B. Rosanga Demand No.20,29,30,31,33,34,35 leh 36 te chu he House hi pass pui turin a rawn ngen a, member te pawh 15 lain he Demand ah hian kan sawi a, khang kan thu sawi kha kan hre chiangin leh Minister-in-charge pawhin fiah takin a rawn hrilhfiah tawh a, tunah he Demand hi pass remti lo apiangin 'Remtilo' i ti ang (Member te an ngawi a) Pass remti apiangin 'RENTI' i ti ang (Hemberten Remti an ti a).

Mizoram Union Territory Administrator-in-charge recommend tawh angin he House-ah Pu P.B. Rosanga, Minister in-charge Agriculture in Demand No.20,29,30,31,33,34,35 leh 36 chu India Parliament in a Advance a phalna alo pek tawh nen Rs.10,72,35,000/- chu he House hian a passed e.

Tunah Demand dang kan la nei a, Pu F. Malsawma Minister in-charge rawn introduce sela, discussion hi kan nei ang a, kan bei zankhua mai dawn em ni? rawn introduce se kan bang phawt dawn em ni? duhdan i han sawi teh eng. Kan tih vek vek chuan dar-kar hnih leh a chanve chu a ni ngei dawn a. Engnge kan duh dan le?

PU C.L. RUALA : Pu Deputy Speaker, naktuk lemte pawh a la awm a, duh tawh rih ila.

PU LALHMINGTHANGA, MINISTER: Pu Deputy Speaker, Minister i koh hma-in thil pakhat clarify ka duh a, allegation pakhat kha hun min pe lawk thei ang em? (Dy. Speaker: Aw, pe ang hmiang)

Lizawl South Constituency atanga member zahawm tak khan vawin chawhma lama a thu sawinakh khan Revenue a Surveyor Training thawn chungchang thuch merit a tih a ni lova, tin, interview lo lak a awm ti angin allegation a siam kha a dik lova, Merit a tih a ni a, tin, interview lo lak pawh pakhat mah an awm lova. Tin, Recruitment Rules a rawn sawi chungchang-ah khan kha kha appointment a ni lova, training a ni a, recruitment rules kha-tilcaiah khan apply hkeih theih a ni lova, a engapawh chu lo nise, merit a tih a ni a, tin, interview loh lak tih kha chutiang tumah an awm lo tih House ka rawn hrilh duh a ni.

DEPUTY SPEAKER: Tunah Pu F. Malsawma, Minister a Demand rawn move turin kan sawm ang.

PU F. MALSARMA, MINISTER: Pu Deputy Speaker, On the recommendation of the Administrator of the Union Territory of Mizoram and with your permission Sir, I moved the Demand No.19,29 and 37 for Rs.3,04,15,000/- only inclusive of the grant made in advance by Parliament as detailed below for defraying the expenditure during the financial year 1979-80 as per detailed given in the annual financial statement. Thank you.

DEPUTY SPEAKER : Tunah kan Minister-in-charge in kha Demand kha House ah ngaihtuah turin a rawn pulut a, vawin-ah hun kan nei vak lova, nizan khan kan tlai tawh bawk a, naktuk luh velch question hour zawnah hei hi ngaihtuah nisela, tichuan vawin kan inkhawm chu ti-tawp ila, naktuk ding dar 10:30 ah kan tan leh dawn nia.

Meeting adjourned at  
4:35 P.M.